

馬東田漫稿序



心不大則無遠韻氣不勁則無昌言詩者性情禮義之宗言韻之精英也淺習卑局而欲有軟塵邁俗之作難矣魏晉而下論詩例稱唐人唐人例稱李杜昌黎三君子之什膾炙下載不俟評議然蠛蠓貴近傲睨強藩勇犯人主此其為何如秋空江漢次寥無涯泰華匡廬俯視萬象神龍怪鱗莫可馮羈讀其詩想見其人使人毛髮森豎高岑王子孟而下達者摸稜廟堂窮者曳裾權倖揚揚施施營

營歎歎昏酣陷溺相率而不自知是其鏗錡
巧麗之音非不足以竦動觀聽而獻諛售佞
希恩覬寵之懷牢橫不可破聶嚙觀望委靡
消縮情隘而莫伸氣卑而不暢言惴惴而不
敢盡故奄然莫能自振長慶之後作者類無
取焉有以也東田先生馬公蚤以詩名海內
海內之士翕然宗之半聯一語篇什未成輒
遠播數百里外公何以獨雄一世哉觀其所
存可知已劾萬二梁方汪直檢料嘉祥長公
主田蓋嘗屢犯

宸威屢瀕於死而烈衷直節愈老愈勁正德
初逆瑾當

國霄焰熾天公以直嬰之瑾怒捃摭下之獄
陳挺負校死生在毫芒獄吏引對奮色亢膺
無沮無懾目睫之下初不知有劉瑾瑾竟無
以加也至今談及往昔凜凜猶有生氣志士
想望風采思執鞭而不可得此其人為何如
故其詩類其為人憫時痛俗以極於體物盡
性而要諸變雄渾深沉無急遽狹小之病間
於閨情幽思旅懷宮怨以自况而閒情逸興

時得之諷誦之外洪音廣調溷如也決如也
若不見紛寵於中而嶮巖於外者虎據詩壇
鳳呈佳瑞有由然哉玄圃不生礪石沉瀝不
受污濁即此可以談詩矣瑾誅後嬰禍者類
擢不次以旌直風公文章氣節資階譽望迥
出時右而嬰禍又最酷端揆之任謂不能舍
公他適顧畀以羸卒屬以巨寇功摧未成志
齎以沒天邪人邪衆方睢睢公獨崖崖孰不
思毀折以快慚妬又肯使之雍容紫禁完名
清世哉古語有之直道而事人焉往而不三

黜公之謂矣遺稿十喪七八公子監生師言
得詩賦歌詞樂府若干於蟲鼠之餘屬緒為
評論者謂公詩卑者亦邁許渾高者當在劉
長卿陸龜蒙之列今三子之集俱在試取而
讀之有公之胷次乎使公得列

廟堂虛衷融心和鳴

國家之盛昌言遠韻當與李杜昌黎下上惜
哉公不值也欲讀公詩先觀其人欲學李杜
昌黎詩當先論世以自厲不然竊片語擷數
字規規於聲韻步驟吾恐模倣愈工背馳愈

遠矣公河間故城人名中錫字天祿別號東
田成化甲午京闈解元乙未登進士歷官左
都御史史氏例有傳他不贅云

嘉靖丙戌冬十月望同邑晚生孫緒

序馬東田漫稿

賜進士大中大夫河南按察副使前遼東苑馬寺卿開州王崇慶撰

王子曰嗟乎予讀東田漫稿而知天下未
嘗無完士也若乃顛末則沙溪公備矣今
夫詩君子所以蹈情也含英者競其華鬪
巧者鑿其響好奇者亂其真而先王之雅
風荒矣是故詩而匪情是為玩物君子弗
由也先生篤於行而理於情則其發之乎
詩大而雅曲而中和而不淫然而不怒有
以也夫昔者慶也聞諸父師先生在弘治

成化間為諫官立

朝正色蚤有雄辯片言隻辭徃徃輒為人
頌既九年而補外其直可知也由是天下
莫不想聞其風采逮至正德中逆瑾黜伏
天子詔而再起尋拜中丞大夫則又不能效
流俗委曲遷就以求合於世蓋脩乎鳳翔
矯乎龍躍虩乎雷行猶昔焉於是群小愈
益忌而毀之矣至以方張不制之寇責先
生完功於旦暮此其所以中傷之者為何
如而先生方且不失其初不懼其外可不
謂至偉至偉者乎然則世徒以文章稱而
慕之抑末矣先生既罹讒以沒功業未究
墓木既拱天下則又聞而悲之賴

天子明聖卒白其寃而諭之以祭嗟乎諸葛
出師而未捷命也屈原蒙謗而自沉亦命
也公也垂老之年幾無以自表見亦命也
若夫文如韓詩如杜公餘事也吾又豈暇
為先生道哉公之子監生師言是年秋七
月自故城來乞言且托郡大夫筆山文侯
校而梓行蓋筆山乃翁松齋司馬實先生

同年云於是筆山命匠惟謹而又謀及郡
博四峯許子相與訂之可謂不遺故舊矣
是時別駕崦山侯君三山張君節判別洲
包君桐岡嚴君蓮幕文子司訓洛軒張子
龍屋何子實共樂觀厥成焉書凡三月而
後出全刻復以畀公之子使歸而告諸墓
噫先生不沒矣

明嘉靖十七年秋九月甲午

馬東田漫稿目錄

卷之一

送王生南歸

默軒

明妃二絕

東西寧侯病中

輓邢亞卿

明妃怨

無題用韓貫道韻

送畢秀才還安東

送尹之訓門生下第

引子升天魚圖為王之孫吏部題

憶東郭別墅

憶庭槐

思田中春日

思門前流水



逃亡屋

挽胡彥超兄茂宰

輓陳公佩父客死于秦時為茂宰致仕

輓張孟暘母太孺人

輓姚慶士

送王舉人下第歸湖湘

輓葉伯昌妻

送人仕江南

壽滑宗源良醫正

送吳進士珍父歸吳中

送廣師授官東歸

輓周同年父母徵君孺人

張監生望雲思親圖

輓黃文選祖姑各二首

送謝上舍歸浙西 泮隣書屋

送王庭光乃兄應貢授教職

贈靜樂張醫官

輓醫者

溪南別墅用韓掌科韻

輓張修撰父都閩公及其母太夫人

送畢司訓

偶成

題東海張慶士慕親草堂

輓某慶士

輓張都閩

送上舍歸省和韻 遊西山八首

輓蒙陰李少叅

向行人使楚歸便壽其親

劉主事母十八歲孀居有遺腹子至其

孫憲方受 褒封沒後二載始旌表焉

送章德懋致仕二首 梅雪軒

送韓宗康 鍾馗圖

阻風 次童勉和韻

四月十一日潞河風靜喜而有作兼呈

正使西寧侯

井陘道中

回次井陘與西寧異途雨後有作

壽林千戶父退休林下

送張行人使占城

和靜之引鏡漫成韻

輓蒙陰李郎中

代元甫贈翁醫官歸八閩

送李二尹 送臧人尹

壽孫皇親 早春省中試筆

暮春寫懷和貫道韻

羊后絕句

又和貫道

首夏即事二首

午日

省中即事二首

寄贈秦僧官退休以得謫部使者

文卿招飲同年陳思敬在坐以入直不

赴二君青州人陳時為高陽令

自題蒲扇

主人念妾

妾答主人

妾謝新人

新人慰妾

內帑受幣過海子橋觀荷花用蕭寅長

文明所限四韻

李賓之題陸先生小畫海榴書屋

八月三日夜雨如麻危及墻壁詩柬晉

卿兼附昨日苦雨一首

是日晚晴再作

八月十六日書懷

和敖靜之悼馬

送別和子美韻

送巡檢

和貫道雨中

早春省中試筆

追和莫掌科守歲

寄趙時中謫居廬山二首

壽李遵化母得子字時年八十四月一

日生

寄文天爵

壽劉廷珍二親同臘八日初度

遊西山古剎

榮壽堂為白選部賦

贈徐處士

黃驛丞懷歸理荒二卷

送高原健依親

午日示李汝弼

環翠軒

夏日睡起即事

輓李彥明父

城塘書屋

冬夜小聚

用前韻賀郭子美添丁

輓蕭秀才母及其室

過慈恩寺二首

自嘆

祀竈和王都堂韻

述懷

病酒

和王彥平賞牡丹韻

再和二首

歲寒三友圖

登釣臺

輓婺源汪處士

壽王編修濟之二親俱年六十

送韓掌科弟敬代其父醫官歸洪洞

送萬閣老兄還蜀

贈天津楊千戶繫獄復官平羗弗果

靈籟亭

韓宣長需次頗久秋雨中會當寂寞詩

以戲之

擬去婦二首

輓趙錦衣

秋懷

靈僧官方丈題畫葡萄

哭江大叅

苦雨

悼楊景奇

壽陶孺人

齋宿大興隆寺

慶成宴王世賞編修限韻

同前題和王世賞

同前題和李德馨

後倪圖

里中惡少為怨家所殺詩以快之

二十九試筆

逢僧閒話

宮怨二首

婢病

飲王太史第時李德馨聯句畢復限韻

近寺訪友人坐間限韻

答王太史胡工曹席上見憶之作
王太史諸公見過寒舍小酌限韻二首
觀王太史書東坡圓澤傳限韻題劉振
之手卷

飲劉振之處和韻寄李寅長

飲李寅長第限韻 送李汝弼尹襄陵

贈隆福寺靈僧官

十八日王太史諸公過寒寓共酌限韻

和劉振之感懷 山行限韻三首

題功德寺航上人小畫

送勸農翁判簿考滿還任限韻

翟弘仁秀才處限韻

追和振之山行二首一過廣善寺一過

昭應宮

答浣靈問山行樂事用原韻

題錢世恒壁間畫竹用王太史韻

王太史席上限二十韻

高家控牡丹和限韻

天寧寺和韻

題崔鍊師壁

奉答李公夏日喜友見訪之作限韻

輓顏僉憲夫婦

李寅長期共餞虞廷評既而不如約詩
以問之
聯句諷王太史

齋宿大興隆寺聯句

和韻題錢世恒侍御卷中

用韻答胡彥超虞部美其子

題扇上蓮花鷺鷥
和王太保韻

楊友山隱君鄉飲
補過堂

夏日病中即事十首

和劉振之雨中感懷

和胡工部見贈韻

脩城池為寧都胡大尹賦

再和夏日病中即事十首

友恭堂為都人王伯通昆仲作

壽閣老商先生
歎衰

卷之二

奉答王宣溪見贈

和宣溪秋夜雨中感懷

和子美秋日出郭晚歸

秋日出郭限韻
題畫二絕

飲劉振之寓次用錢世恒韻

壽王宣溪

劉振之和其韻

代諸同寅送林克冲使暹羅四首

屠元勳秋官以畫梅贈張廷芳憲副求

詩其上次李西涯韻答之時張赴浙臬

飲董懋克所限韻

飲薛經府別圃和韻

用韻贈德馨二首

德馨宅即席限韻道別

飲胡冬官宅即席次韻

王太史過寒舍小酌即席限韻奉答

陳千戶莊上即席韻

朝天宮訪李鍊師不遇

輓錢方伯母

賀振之遷居次儲中舍韻

輓黃大叅

為處州毛指揮作

王太史遺帶詩以謝之

九日飲薛京兆別圃再用前韻

秋夜不寐感而有作

慈恩寺登高用杜韻

次韻王太史登慈恩寺閣

重陽後數日王存節鴻臚宅賞菊限韻

朝天宮訪真秀才 過黃翁飲用唐韻

次韻答郭子美書懷

春詞

幽居

道十燈

代王掌科送張省祭官

和韻慰郭子美下第是年子校文春闈

用前韻送楊文晦下第還家

送蘇鍊師還山

述懷和教靜之韻

四月八日陪王世賞編脩郊行限韻

和董子仁郊行飲王家莊上

輓陳民部繼母方孺人

郊行飲王家莊上再和前韻

省中和李汝弼韻

覆和前韻

和方文進寫懷韻

書懷 謁陵道中李文卿秋官限韻

憇沙河寺

答李士常侍御見候韻

和邵文敬民部墜馬韻

剪花

壽惟明處士時年七十四月朔日生

送孟鑑千戶侯漕運還家用郭子美韻

言懷用東坡次韶守狄大夫見贈韻

住俸

感懷和郭子美韻

自述

書大名察院

開守彭載道以名酒新鷺見遺詩以答

之時彭久病

過舊大名城

再過舊城

輓詹良弼茂宰二親

壽錢世恒父

送鄧職方考最還南京和汪文潔韻

送范法曹謫倅鳳翔

輓田廷尉母夫人邵氏

長安雪三首

寒夜自述再和舊韻

再贈范法曹

早朝值雪限韻

和韻賦雪

歲暮

禱雨有應

感懷次郭子美韻

次教靜之九日言懷韻

西涯侍講圭峯宣溪二太史夜飲寒舍

有作次韻奉答

劉振之遷居次其韻奉答

次屠秋官元勳韻壽劉振之

寄蕭文明次其韻

萬歲殿次王太史韻

清虛觀次王太史韻

瓊林初度為孫希說進士賦得聲字

冬夜偶書

寒夜

松鶴圖壽某處士

振之招飲以腹疾不赴作詩謝之兼柬

王太史有感二首

得襄陵尹李汝弼書詩以報之

寄業師陳先生時舍姪從其遊

西掖晚歸有感時事聊賦短章用呈同

志者

悼亡女用蕭文明韻

和宣溪述懷

和陳粹之僉憲借居韻

帝王廟

題莊僉憲章江賦別卷用王太史韻

過廣恩寺有憶用長老

天寧寺次韻

題冀文華郎中墨牡丹卷

除夕分韻得未字 哭亡兒晉生

立春後禁直 輓鄧廷曜編脩父

除夕次韻三首

和吳掌科新正述懷

入日次劉振之韻

齋宿大興隆寺懷圭峯侍讀景范司封
各一首

十六日聚飲照上人房二首

張醫師牡丹卷 寄鄉先生趙君

壽蔡明府 輓王朝遠都堂

花朝後十二日山遊限韻二首

次周都尉韻

三月十一日過城西劉氏莊居限韻

十四日遊甕山次謝于喬太史韻二首

是日次李西涯一首

送冀文華郎中弟文緒偕其姪舟中還淮南

壽李侍講世賢二親

寄李大尹因時上舍附上

題漁舟便面 寄呂都憲天章

寄郭澹 崇恩樓

寄郭都憲

送錢世恒赴廣南料理邊儲

挽畢大尹 壽韓孺人

壽林待用父母 題携琴訪友便面

又題山水便面

送周仁廣通判三首

題王彥明秀才畫中梅花

遊潭柘山龍泉寺限韻

王太史園亭同明仲洗馬圭峯侍讀西

涯侍講曰川修撰正夫提學小飲

次夏憲副留別韻二首

夏憲副除山東得 旨初詩以賀之

次韻喜羅洗馬得孫

夏日訪李鍊師 壽宗勉馬司封

送程二守赴嘉興 集杜送王彥平

秋懷和振之病中韻

小畫景

重陽前四日

題戴文進送別圖 送定師歸淮南

贈林千戶

十月七日同鄧侍御宗周巡視京東馬
房迄歸得詩十五首通州道中三首

泮石橋公館題壁用前韻

館中有老使自言鄉里人索詩甚勤用
前韻漫賦一首

官庄道中

宿石渠公館次壁間韻二首

石渠阻雨

登孤山書寶峯寺二首

宿南石渠公館題壁

碑刻月梅

村館偶書

石橋老中使送予至官庄別去再賦一
律遺之以酬其意

次韻送李德馨少叅進賀

萬歲聖節表還江西 送陳推府還徽州

壽董都督

送孫約之僉憲致仕

送于守正還鶴慶 壽濟南湯氏二親

埧北馬房 北高馬房

湯山馬房 黃土馬房

過洪法寺次韻 喜雪

再次前韻 三笑圖

乘槎圖

穀日題艾鍊師壁次韻

十七日送李明府 送青縣劉明府

送客過法林寺

輓陸侍御抑之二親

題畫雪景

花朝前一日過真空寺

清明謁 陵出北關

次清河 次沙河

過通濟橋東同事者

與昌平館人話舊二首

發昌平道中遇雨三首

和齋房聯句韻 齋居

謁 裕陵

再過館人題壁

歸途和汪文潔韻

沙河道中

贈鄒訓科

遊白雲觀二首

靈惠寺訪亮上人

遊房公城西別業

題其先塋次韻

再用前韻即事

再即事

紅梅

題馬湖知府安士官家世卷

宣溪宅會飲限韻

夏日過長慶寺次程諭德韻

贈唐宗明少卿赴滁州分寺

送楊重光弟還閩中次其韻

禁直寓懷

和楊文卿近寺假榻

贈郭都憲謫官射洪

夏日飲李公宅次韻二首

劉臣節宅小酌其弟朋節侍御同在坐

題童勉和便面

和楊重光韻東照一天上人

和楊文卿近寺避暑

次文卿侍用重光聯句韻二首

卷之三

新春二首

春雪

人日

上巳拜先壠有作

春日同宗遠措大高峯上人遊東園限韻有作

次西田述懷韻

與客遊東園限韻

自理隙地植花

燈下

次前韻

寄王世賞內翰

中年少睡長夜感懷

誌夢

過塔院尋泰上人偶作

登縣城南樓

禱雨無應亢旱彌深感而有作

和西田所誦無題詩韻

有所思再疊前韻 春遊東園

再疊前韻

初度

官堤春行

東園次前韻

春夜同泰上人話舊有作兼柬坐中諸

君子

同泰上人縱步東園偶作

春夢

和沈仲律提學九贈韻

暮春遊東園

次眉菴韻自述

秋夜酒醒爽然無寐感而有作

雪夜

詠雪和韻兼疊志夢各一首

夢中誌所見

至京師呈舊遊諸君子

謝畢司封惠紙筆 答王宣溪

和玄善世 絕句二首

再補外臺

題漁樵小畫

捕魚二圖

百禽雙鳳圖為宋黃門廷用賦

旅懷二首 郵亭琵琶圖

清明 輓錢塘范處士

良鄉 涿州

新城 白溝

雄縣 鄭州

河間 獻縣

望家 東園避暑

李少叅翁姥輓詩 浣靈卷為前人作

高良紀異卷為前人題

湖州宅同李汝弼賞蓮

赴延綏 雨臥書臬司壁

入宜君界 望中部

宿三川 曉發甘泉

安塞懷古 發安塞

保安即事 暮投園林驛

順寧道中 抵靖邊營

再發安塞 夜宿聶石峪鋪

書安定分司壁 望榆林

靖邊營分司十首 靖邊營

寧塞營 把都河堡

永濟堡 新安邊營

新興堡 定邊營次韻

舊安邊營

柳樹澗廢城和壁間王威寧韻

鎮靖堡 龍州城

清平堡 威武堡

給餉 懷遠堡

東田漫稿 一
龍州邊外

龍州邊外

平夷堡

秋日榆林道中

干谷驛

延安分司題壁

鄜州

宜君道中

同官偶成次前韻

耀州

三原

春日敬陪 秦王郊行限韻四絕

奉送都憲韓公出鎮寧夏

華清宮

高陵

同官題壁

宜君道中

至宜君再次前韻

破屋

中部道中

洛川喜晴

中秋有感

鄜州

發安塞

再宿聶石峪郵舍

清澗

再過無定河

宿米脂二首

宿栢林堡次壁間曹大理韻

神木縣分司題壁 永興堡題壁

鎮羗堡書懷題壁 府谷縣

遊水寨

題壁

再賦水寨

孤山堡

神木堡

葭州

延長野寺牡丹

宿雲岩鋪有感

曉發雲岩

經廢武帝廟

再過鄜州

宜川道中

山城驛次壁間鄧繼申韻

石溝驛

高橋題河西道壁

寧州述懷

試諸生

次咸陽奉寄仰年兄

再疊前韻

二月二十四日富平道中見花

臨潼

再過新豐

灞橋春晚

鄠縣

重陽宮次白司馬韻

藍屋

郿縣

連雲棧東河橋驛

題壁二絕句

吳山

鳳翔書懷

鳳翔藩司有竹數百竿鄭方伯所種者
詩以柬之

茂陵

涵碧池

賦大乙真人蓮葉舟應教

賦得荷葉露應教

送張希載侍御入京

白豹突馬
黑豹突馬

寄意
書堂應教賦蓮池

武功行臺寓留一飯即赴扶風

岐山行臺偶書
苦竹

隴州道中兼簡閔光甫大叅

和閔光甫韻
苦雨東鄭方伯

書華亭分司聽壁
華亭道中喜晴

宿安家空郵舍
過乾陵

晚渡咸陽
次韻題光甫草堂

題扇面小景二絕
途間喜晴

送馬宗勉太常還吳中

題便面小景

春日東軒小酌聯句

壽劉考功母

李國英莊上待遊山同伴

遊西湖
公署即事

促元溥水雲亭之遊

輓何都憲封君

送馬太常在告

登水雲亭

徐黃門兄弟奉使南中便道壽其翁
張黃門使廣便道壽其母

次李西涯韻簡屠元勳二首

早朝遇雨

輓人父母

輓謝方伯

輓謝方伯余夫人

送畢嘉會

題小畫二景

壽白司寇

題斗方鵲鴉飛鳴宿食

輓林黃門父教授君

送李彥明太守書最還泉州

送韓錄事

會合聯句

春社

暮雪

二月一日風惡

賜衣

嘲陳元溥瘡面

輓李黃門母

輓盧方伯

卷之四

居庸關三首

黃花鎮會屠元勳都憲和其韻

道中言懷用前韻

沙嶺道中即事

白瀑寺

龍門道中聞北虜入貢

德勝寺

紫荊關二首

浮圖峪

廣昌道中

倒馬關

阜平縣

龍泉關

溫湯

曲陽謁北岳廟

軍城鎮

龍華道中

過懷安廢城

柴溝堡

葛峪堡題壁

過揚武襄墓

威寧王公再起總制甘涼軍事

書行臺壁五首

帥府東園

送何德章員外清理屯田還京

寄劉司徒特一賜告還家

登野狐嶺關

書懷

輓賈僉憲母趙孺人

春寒夜坐

春晚三首

別上谷

謝病還家八首

秋江獨釣便面寄元溥

魚舟晚泊便面寄周載文侍御

雨後輓李都閩

圮橋進履渡江擊楫

耕織

朝田濟民朝韓宗康

贈鄭端本民部遇例馳封父母

遊鄰寺憶泰高峯上人

西田父子析居詩以嘲之

和李石城學士祀闕里韻

簡景守馬世維舊居

送王縣博謫山陰河泊因便道省其親

長沙雪

新春試筆雨中自述

再用前韻

西田見和苦遲又疊前韻促之

閨怨二首述懷

過鄉校為群蒙正句讀有感

杏花閨情

短述九絕

夜半聞雨時久旱二麥未登

偶成用別上谷韻 擇里

江村釣舟便面 即事二首

送王民望自陝藩陞秩巡撫次三原王

太宰韻

六月二十日新舍成與呂太守韓明府

會飲 次前韻

施太守見薦詩以柅之

太宰屠公致政歸四明詩以贈之

聞虜寇雲中感而有作二首

秋雨病中二首 卧病苦雨

簡施太守見

述懷四首

九日述懷

贈歙商吳以時南還

報王僉憲 社飲

擬古八首 田家

長門行 點絳脣

庚申除夕 辛酉元日試筆

和元遺山正月九日立春韻

調迎春花 十日自述

對客自述

宮怨

病述四首

木蘭花慢

早春自述三首

杜工部

閒述

自咎

病起偶述

溪上即事言懷

花朝會飲

讀騷有思

索居用前韻

擬古

酌客

築牆

贈樊都尉

近村杏花

十姊妹花

連日風寒遊賞盡廢有作

約西田看杏花

田間自述

西園同西田看花三首

村飲

病起對鏡

寄王希魯都憲

留客

霽景樓卷

石城雪樵卷

東塲

東庄

自述

鄉會四首

題便面画二老携琴登山中茅亭

呂太守希仁高元健韓宗康二明府程

依仁少府俱致仕于家予亦 賜告每

月望日醮于予舍詩以紀之

東田八景八首 溪雨一月不止

盆池荷花 東場早秋二首

蓮開獨賞二首 自述十首

琴茶書畫四絕 寄師言

秋日期宗康不至 秋驪

自遣 言懷

寄顧良弼院長 寄三明仲大理

刑部陳郎中奉

勅畿內讞獄兼省其親憲使公於濟南詩

以贈之

贈馬宗源縣博之官太原

久雨屋漏書卷盡濕

盧指揮惠石菖蒲 秋日遊西園和韻

西園對客自述

與元健宗康放船小酌晚至東庄步歸

登樓懷古 秋雨簡社中諸友

東庄言懷 秋晚登樓

西庵四首 遊西庵二首

東日漫稿 目錄 七
秋日同希仁元健宗康飲西庵有作
久雨西齋

聞遠寺有竹遣人齎百錢求之至則惟
石竹數叢而已蓋北人初不識竹見者
謬認以告予也一笑有作

北村

送盧漕使還括蒼

絕句

踏莎行

園丁送黃菊

輓吳廷珍都憲母太安人

黃士華載酒西庵邀予賞菊遇雨

寄臨清馮太守

代人輓鄭宜人

約西田賞菊以病不至折枝贈之

逢小沙彌問訊日華上人

贈李汝弼

九日

踏莎行

卧病苦雨

聽雨

戴司寇自南都改北院臺長

靖康

卷之五

秋日西園

雪中

對雪

雪後自述

西田久病詩以奉問

賦雪二首

雪夜次韻

短述

雪夜言懷

偶述二首

陳瑞卿憲使寄惠宣聖壽星二圖久稽

奉謝因詩見意

自述

雪夜

雪

哭仰晉卿

春述八首

閨怨

便面小景

春日郊行

村行用韻

小園春集

村居絕句

重有感

落花

頭風

樓瞰

酬張給事

輓倪冢宰

簡張給事

輓蕭大司空

七月一日花下獨酌

是月二十三日北庄

贈李時雍太司空之南都

腰疾

夜雨不寐有作

東庄

九日對菊述懷

九日會客風雨偶作

菊二短絕

勉里胥方鑑後滿

送馮知州陞南都刑曹員外郎

修書成陞官

送曲宗潮之官嵩縣

獨笑亭

草亭書懷

夏日園亭即事

得雨

春懷

贈韓貫道尚書南都守備

貽鄉大夫三十四五六七言

市醫獲盜受賞

田園秋興

李將軍射獵圖

二絕句

口號

白蓮

朱槿

芙蓉

薜蘿

瑞香

夜合

紫薇

斑竹

芭蕉

薔薇

薏苡

芍藥

送景守馬世維之京

寄友

壽韓宗康大尹乃翁

喜客載酒放船飲半里橋

半里橋

朱國用貧而無子狂而善畫一旦携妻
女寓予西庵賦此贈之取笑而已

抱甕瓦亭

重陽會客有活魚鮮鱓之饌

同宗康士華西壕泛舟

即事用柳韻

社飲

訪西庵有懷舊僧 春怨

不寐有感

貽朱國用

秋日西庵示國用 贈王廷爾風水人

對鏡有感 輓李汝弼

獨酌有述二首

送徐東之經憲判撫州

東庄縱步 寄朱朝用同年

春日與客泛舟 獨酌

贈錢御醫

憂旱

題扇面秋江蘆鴈漁舟吹笛

東庄二首

宗康年幾古希風情未衰股臂間忽感
風疾幸稍愈命妓酌酒如故詩以警之
夏雨

索居中無可與交者唯朱李兩生一工
繪事一精醫術時時過從談笑而已人
或見誚詩以解嘲

漕運只百戶自江南載送花木喜而有
作

同錢大用早秋遊西園

大用屢載酒西園次韻奉答

壽韓通政母太恭人蘭氏特年九十

簡劉大司馬兼謝其推薦

中秋無月

自適

村庄秋熟

寄施兵備

秋齋即事

秋懷

寄王侍御

奉和錢大用見贈之作

贈只百戶漕畢還海寧

自遣

吊仰晉卿

調朱國用

述病

送司訓夏守道赴林縣

病中

照鏡

偶述

折枝梅花

西齋四友硯筆棊琴

和梁家庄驛壁間韻二首

贈錦衣景章同程侍御見過

早春半里橋散步 西園

雨後西園遊賞 書懷

送岳知縣調褒城

新建北樓

獨笑亭小憇

義聞

貞則

與客登城晚眺時譙樓已圯城中惟甘

陵舊址護國古刹存焉感而賦此

短述

看竹

東庄喜雨

成趣園與李醫小酌

調李醫

郭尖

題扇寄朝用方伯

詠美人

夜合花

張二尹祈雨有應

獨笑亭偶述

哭 秦陵

病述六首

七夕用前韻

秋夜與客舟中話舊口占

張良潤移贈紫西施相袍紅二菊

九日西園述懷

里中兒有善吹笛者一朝卒詩以悼之

西園即事

贈李壽官

北村六廢

紅梅

春遊言志

病懷

西園縱飲

小閣春酌

簡謝閣老木齋

又一首

簡陳太守希白

通州登岸途中一首

夜宿薊州

山海關

將至廣寧

廣寧視事口號

登閭山有感

庭花盛鬪客邊無酒厨人時獻茗椀一

笑有作

行臺述懷

遼陽雜述三首

遼陽雜述四首

貽朱太監口號

壽王郎中乃翁七十

新秋宿寧遠

贈岑太監二絕句

寄壽馬公

前屯衛阻雨二首

發前屯衛

入山海關

次榆關驛

宿蘆峯驛

永平道中

山驛阻雨

曉發薊州聞鵲噪尋報代者出京

玉田道中

夏店道中村庄

通州道中

貽寶通寺恩長老

望京

自述呈舊遊諸公

題恩長老画卷

十月兵部中見菊

部堂即事

四時詞

梁叔厚少宰惠磬

十二月二十六日有南都之命喜及

新歲過家

改南京工侍

惜花春起早

愛月夜眠遲

掬水月在手

弄花香滿衣

過雄縣

卷之六

北園早春即事

春晚西園即事兼憶舊遊

早春至自京師再遊半里橋別諸親舊

登樓憶黃士華 自酌述懷

偶成二絕句 家園見梅

西壕寓目

臨清舟中別李醫二絕

清明舟中 安山書懷

夢李汝弼 張秋偶述

泊南旺湖連日阻風

南旺遣懷 過分水祠

舟中聞哭 濟州懷古

濟州感懷 魯橋道中

途中次任相之太守韻三首

和任太守二絕句 貽相之二子

過徐州次相之韻 阻風自遣

贈答任太守用其韻

晚泊孤村風雨驟至

倒用相之韻追和途中之什

阻風 次韻答任太守

次韻別任太守

渡江偶述

江口短述

輓紀宗直

送呂秉之太常考最

壽建業羅繡衣乃翁七十

送白尚文通府還安慶

南都官舍寓懷六首

賜歸

菊莊

野梅

柳樹

大道

城市

丁鴻臚孝思榮養卷

臨行題寓舍壁

途間戲簡王大宗伯

贈同年張用和陞南京右都御史

秋日歸田十首

過扁鵲廟

車過廬溝橋望京師漸近

謁獄神

獄中自述

獄鼠

出關道中

至廣寧贈毛總戎

傳舍

憶家

貽余星士

示黃少卿

陳記室乃翁壽卷

逆旅述懷八首

自述四首

扇

梁燕和張都憲韻

用前韻言懷三絕

賦得鶴再用前韻

再用前韻言懷

食瓜有感

詠錢

蝴蝶

喜舍姪周詔至廣寧

鑿巫問山賦

贈張都憲用和

夜坐聞雨

蜈蚣

壽劉都堂

示廣寧吳州判

書扇贈徐正郎

積雨忽晴

秋懷

題傳舍壁示吳生

邊城秋夜

卧病

秋熱二首

張大尹載酒

螃蟬

八月九日雨徹夜不止

書懷二首

苦雨

十一日再苦雨

重有感

送金遊擊還遼陽

久陰偶晴見月

旅夜

邊懷八首用柳韻

感寓

寄贈寧州判

折枝黃紉二菊

劉都憲病瘥和韻

和栢山壽日獲鷹

折枝紙梅二絕句

雪中飲酒

讀史有感

客夜

和毛總戎韻

畫屏紅梅二首

代冒同年和韻

和毛總戎遊鑿問山亭之作二首

鹿徵佳隴

度索遺祥

燕乳新堂

湘筠復秀

送劉儀章省其季父都憲還濟南

別劉都憲

五月廿日下通州

後歸田十首

寄鈞陽馬少師

對菊

贈楊太守調真定

烏臺獎勸卷

和周耆老韻

悼才汝栗

新春試筆

送三原王太宰

四皓圖

畫圖小景四絕為韓宗器題

目錄終



馬東田漫稿卷之一



東田馬中錫著

沙溪孫緒評

筆山文三畏校

送王生南歸

都。市。楊。花。撲。酒。杯。送。君。迢。遞。去。天。台。應。憐。青。
史。何。蕃。傳。故。下。黃。金。郭。隗。臺。風。軟。林。鶯。當。路。
轉。日。高。檣。燕。領。潮。回。今。宵。那。是。相。思。處。人。倚。
南。樓。月。欲。來。

評云佳作

默軒

謝却市中喧青山敞一軒焚香耽靜坐讀易
到忘言談塵空懸壁吟筇不出村因憐王景
畧龔虱對人捫

評云愈有風味有格調

明妃二絕

琵琶送酒單于醉毳帳生寒夜雪深若道漢
恩真不淺此時當秉子鄉心
徒令元帝誅迺壽畢竟明妃愧子鄉假使當
年留得住爭知一顧不傾城

評云二絕俱佳前人未道也

東西寧侯病中

省吏緘書問五侯西風何事久埋頭金莖不
賜相如渴帶孔頻移沈約愁豈是綠窓常病
酒多應黃葉故悲秋憑誰識取真消息十二
行中第一流

評云佳作佳作

輓邢亞卿

西望秦關行路難哭君雙袖淚闌干春風桃
李門空掩故國松楸土未乾何地更能逢鮑

叔此生虛擬學任安傷心太液池邊柳曾得
司徒力疾看

評云

此當是邢遜之公名儒故此詩極悲

明妃怨

莫道單于盡虜人闕氏元是漢宮親始知錯
殺毛延壽婁敬和戎誤妾身

評云

又勝前作

無題用韓貫道韻五月十八日賦

朱顏未信妾凋零忍淚看花坐一庭五嫂膏
羨前日富三郎醉酒幾時醒數竒蛇足翻成

拙寵去蛾眉盡不青寄語主人休打鴨鴛鴦
池上恐難聽

評云

此當有所諷詞志悲苦

送畢秀才還安東

綠樹陰濃梅子黃南風一棹返江鄉馬因送
客臨晴渚鳥似留人語夕陽此日不須歌折
柳他年還擬看穿湯到家故舊如相問莫說
從遊馬季常

評云

八句句傳

送尹之訓門生下第

徙倚層城望去驂
陌頭楊柳正晴酣
論文愧我玄猶白
交誼還誰青
出藍燕市酒香斟
合再陽關句好疊
湏三故園朋舊如
相問為道嵇生七不堪

評云嶺險可誦

引子升天魚圖為玉之孫吏部題

恠颺吹倒不周山
壓怒海濤天地黑
馮夷駭走河伯啼
魚龍相顧無顏色
此時鯀鱣汚渠中含穢
咀濁方自得冥頑不省風波驚
睥睨魚龍矜且飾
忽朝海上東風來
桃花浪煖迷

南大魚作勢欲升天
小魚振鬣揚其翼
龍門萬丈復萬丈
一躍蹶如過戶闕

帝聞遂使戴群山
垂足下同撐
四極吁嗟不似潮陽魚
援引種類為民賊

評云此為先公題通篇橫逸奇崛兼有風刺顧不肖薄劣終負公期今

老墓木供世矣悲夫

憶東郭別墅

別來水北原南園
夜夜相思夢裏行
曲徃總教苔蘚合
短牆應有蒺藜生
東風白晝閑花事
落日青林自鳥聲
回首光陰易流轉
不知

身在鳳凰城

評云餘有啣

憶庭槐

庭外槐三五前年手自栽
花黃曾滿地陰綠想升臺
瘦怯秋風撼踈招夜月
未勝巢還也未羸馬幾時回

評云狗意

思口中春日

南陌東阡二月時
杖藜隨處足成詩
青迷楊柳村村樹
紅滿桃花處處枝
茅屋有旗人賞

酒田家無局紙圍碁自從身入

金門裏惆悵春風已屬誰

思門前流水

讀書臺下舊溪流
巢父前年自飲牛
曉載落花紅惹岸
春圍芳草綠吞洲
煙波島嶼雙蓬鬢
風雨村墟一釣舟
潦倒

帝鄉歸未得可能狎鷺更盟鷗

評云惹字吞字

逃亡屋

齊魯曾郊垆正暮春
家家破屋自比隣
桃花零

落應無主燕子歸來不見人故井敗垣存賦
稅短墻方圍有荆榛東風過處成追憶獨倚
闌干欲濕巾

挽胡彥超兄茂宰其在

湯溪秋水淨滿酌吊斜暉讀易人何在鳴琴
政已非紅揮妻妾淚白製弟兄衣恠底慈圖
裏年來不斷機

挽陳公佩父客死于秦時為茂宰致仕

柴桑不見晉陶潛五柳含愁鎖翠烟有子為
收秦地骨無人還上蜀江船黃應孤塚埋三

尺青已魏科選萬錢漠漠遊魂歸得否故園
風雨正淒然

西川有君子蚤歲佩儒紳力學期追古讀書
不厭貧賢科魁蜀士德政洽秦民南洛曾飛
馬西風却憶尊孤松猶在徑五柳僅容春底
事林泉志翻成湖海身遨遊窮地誌行樂見
天真掛席方尋楚乘軒又入秦膏肓俄有恙
杖履忽生塵青史增循吏黃華失主人訃聞
京國信襯旅渭租津故老吞聲久佳兒涕淚
新恩封空有待造化未全仁墳草年年綠行

人亦濕巾

輓張孟暘母太孺人

風吹庭木影扶踈誰抱終天恨有餘老母白
頭三尺土孤兒紅淚一絨書空遺 鸞誥榮
闈壺無復魚軒賁里問惆悵年年芳草遍斷
機窓下不堪鋤

輓姚處士

瀟瀟風雨蜀山前處士云亡年又年令淡一
尊稱壽酒荒涼十頃濟貧田生前冠冕榮泉
石死後兒孫繼簡編割股事非慈母逝野烟
荒塚怨啼鵓

送王舉人下第歸湖湘

失意桃花浪秋來作倦還買舟尋楚水東卷
別燕山綠酒青旗下紅亭碧樹間勸君須盡
醉莫聽唱陽關

輓葉伯昌妻

花落深閨冷芳魂何處尋裙遺蝴蝶錦釵斷
鳳凰金阡陌荒春首風霜不夜砧可憐埋玉
後夫婿戴朝簪

評云聯好

送人仕江南

送君朝發五雲城拂面東風曉正晴共把一杯離別酒獨將千里宦遊情鳳鸞南去可無詔鴻鴈北來當寄聲遙想到官無一事甘棠樹底聽流鶯

壽滑宗源父良醫正

楚館逢初度開筵倒玉壺鳩栖童子杖鶴舞老人圖白首藩恩闊斑衣帝渥殊何須問年紀門外杏株株

送吳進士珍父歸吳中

黃鳥轉春風吳舟欲向東柳辭京國綠花到故園紅別酒人皆醉離歌句未工獨憐鳳池客相望白雲中

評云三四是記程途謂蚤春戒行抵家正值花朝耳

送廣師授官東歸

花落鳳凰城送師春正晴水邊千里目柳外一聲鶯飛錫歸東魯

除書下北平遙知到山日掃石話無生

輓周同年父母徵君孺人

楚尾吳頭是故墟隱君夫婦此同居西風有

東日漫和 二卷
客空留劔落日無人更倚問白髮揔歸三尺
土紅羅已見兩行書庭幃莫道

恩封日還似當年教子初

張監生望雲思親圖

天外秋風起白雲天涯遊子正思親坐窮南
浦千山日望倚西樓萬里身京國風雲迷壯
歲橋門燈火悞歸輪披圖我亦傷懷抱點檢
斑衣半是塵

評云第好六

輓黃文選祖姑各二首 夫號琴趣處士
嘗結琴趣山彈

琴自適

先生舊業半消磨荒塚累累可奈何石上文
章高士傳案前書卷散人歌橫琴秋壑飛黃
葉遺宅春山長碧莎那更鯉庭悲不盡朝朝
風雨到寒柯

其二

樹接天台帶夕曛先生曾此避塵氛愛山結
屋栽週竹就石彈琴坐破雲老去詩書荒舊
案年來風雨暗新墳獨憐南國孤兒苦庭木
悲聲夜夜聞

其一

拋擲寒窓織錦機鏡鸞今夜各分飛
 辛盤不進厨中食手線空留架上衣
 早相玉人嚴內範老隨金母覓西歸
 青裙白髮無消息明月還來照翠帟

評云五六甚巧于對偶末句以姓用事頗近于戲

其二

北堂白髮老鬢髮金鴈鈿蟬總不堪
 已托楸梧啼謝豹曾將桑柘熟吳蚕
 哭夫誓死惟從一教子遷居却過三
 今日越山埋玉後月明

何處覓鸞驂

評云三四好

送謝上舍歸浙西

鶯轉都門曉何蕃
 歸去來酒臨春水
 錢帆候早潮開
 東卷辭燕壁寧親
 過越臺故園何日到
 黃落雨中梅

泮鄰書屋

卜居喜近泮林邊
 剪棘誅茅四壁連
 書擬鄴侯千萬卷
 屋如孟氏兩三椽
 秋燈課子伊吾夜
 春服從儒浣濯年
 聞道子雲今已逝
 室中

惟有太玄篇

送王庭光乃兄應貢授教職

囊綻螢枯坐榻穿士林從昔羨君賢方陳
天子言三萬又拜儒官路五千都下虛空姜
氏被馬頭忽東鄭虔羶遙知壇杏東風裏望
絕江南弟子員

評云

送教官詩自難
作此詩亦脫俗

贈靜樂張醫官

自慚啞啞不堪醫京國逢君兩鬢絲囊底雖
無酬藥費卷中還有送行詩拜官此日歸三
晉種杏他年擬萬株我有贈言須記取小民
莫吝起瘡痍

挽醫者

黃金購得囊中藥門掩春風放杏花
宣召生前人望重

褒封死後

聖恩賒山林此日雲無侶風雨孤兒淚似麻
聞道近來丘隴上白楊如柱已巢鴉

溪南別墅用韓掌科韻

圍棋誰賭此林泉貧阮為鄰滯一川隔岸柳

歲沽酒店負隄人灌種花田鷄鳴大吠間村
塢燕語鶯啼小洞天幾度醉埽春水北短筇
扶上夕陽舡

輓張脩撰父都閩公及其母太夫人

曾讀遺碑究始終將軍文武迥難同三餘黃
卷青燈苦百戰金戈錢馬功弱草漫綠高塚
綠團花空上舊袍紅董狐况復賢即是會看
名揚信史中

夫子旌旗望酒泉夫人閨閣度年年事親曾
進厨中食抱孺親教膝上編白髮老來金鴈

下碧莎長處石麟穿此情不獨諸孤苦原不
如知亦惘然

評云

此詩中聯俱佳後詩五六句未句差弱

其二

母儀閨範總戎家老棄人寰歲月賒玉櫛有
金緘鳳誥鉄衣無線到龍沙麒麟白臥墳邊
石躋蜀紅開龍上花死後諸孤今盡貴將軍
節鉞相公麻

送畢司訓

獨携一束舊青氈又上南風潞水舡囊底無

錢空似谷人前有筆大如椽教嚴直欲追胡
瑗官冷何須說鄭虔獨有江南諸弟子朝朝
懸望杏壇邊

偶成

回首東風柳色新馬蹄依舊沒黃塵無才敢
上韓休疏有志將甘原憲貧十載讀書曾繼
畧一年司諫又經春涉川本自知艱險聊同
同舟共濟人

題東海張處士慕親草堂

草堂突兀面潮開誰復龍鍾笑老萊一闥
山遺恨在八窓風雨送愁來心如繭底吳蚕
苦情比枝頭謝豹哀却嘆黃金懸肘客終身
只慕上燕臺

輓某處士

世路黃塵沒兩輪先生林下一閒身無官不
失為高士有粟還能濟寡人老愛住山因買
宅病嘗耽酒即呼鄰自從墳土壘壘後宰木
斜陽春又春

輓張都閩

曾識將軍舊羽旄將軍應邁霍嫖姚龍門少

日窺三級虎帳中年覽六韜飲羽尚聞通醜
虜團花不見上征袍勛名誰勒燕然石蔓草
荒原恨未銷

評云

張君想是儒將
故有第三句

送上舍歸省和韻

共餞何蕃萬里歸玉杯涵酒漾金輝柴門白
日人思切槐市清陰客到稀手檢舊書囊底
富眼看新燕馬頭飛行莫悞還家路澤國
紅蓮暎夕暉

遊西山八首

載酒追陪出

鳳城村村風景足閒行石田白鳥衝人起茅
屋青旗傍柳橫路向斜陽蕭寺去詩過流水
小橋成歸來半醉黃昏後馬首山花弄月明

和彭載道

貫酒人家戶不關紫駟暫繫綠楊間衰翁見
客走相問穉嬾引離春未閒松下步回尋白
石水邊吟去看青山樂遊不盡登臨興十里
薰風吹醉還

評云三四是山
風景

和張用和

傷春四月勞塵夢載酒西湖趁曉晴泉向石
間流下白山從林外送來青五侯池館鶯花
候百姓村庄曰杵聲歸騎偶經蕭寺過逢僧
閒上水心亭

和張一之

西山佳氣晚氤氳芳草生香過麝群花塢詩
成狂索酒石枰碁罷倦看雲栗留村郭春應
老蚪蚪池塘夏未殷一色垂楊隄十里吟鞭
歸去帶微醺

和吳艾夫

落花香靄燕啣泥湖上薰風柳夾堤回磴下
觀山遠近斷橋平隔岸東西水浮荇帶紅猶
濕雨插秧針綠未齊遊客去來禽鳥樂樹林
陰鬱夕陽低

和童勉和

玉驄嘶斷芰荷風問水尋山到梵宮隄柳繞
塘垂濕綠野桃夾路帶乾紅偶逢田父驅耕
犢閒看村兒理釣筒日暮錦囊詩又足却尋
歸路過湖東

評云起句
俊逸

和葉伯昌

勝日尋芳湖水西
落花紅襯紫駟蹄
曉禽帶雨偷櫻啄
春筍穿雲與竹齊
問路忽驚村寺近
看山還愛野垣低
倦遊環坐溪亭上
共把新詩分舊題

評云

五六好第
六句尤好

和劉臣節

草色湖光籠苧袍
詩狂渾欲跨鯨鰲
鏤開石罅泉噴冷
斷斷雲根山露高
時藉竹風吹短髮
旋承花露染新毫
背岩誰識春猶在
顛倒柔枝放小桃

輓蒙陰李少叅

東蒙有佳士
抱道樂耕莘
雅志終泉石
芳名動縉紳
賢科魁一省
甲榜揭三春
上國絲綸使
南臺諫諍臣
星軺持獨節
霜簡凜同寅
外補朝辭

闕西行暮入秦藩垣
知倚重蔀屋盡還淳
却卸黃金帶仍籠烏角巾
行囊無一物高價重
千鈞餽贖煩

秦郎謳吟思雍民，歸來山水雅。老去性情真，春酒呼鄰共。秋燈課子頻，乾坤雙短髮。松菊一閒身，不受青雲役。寧甘白髮新，流年俄遇坎。往事遽成塵，國史增名宦。鄉祠祀丈人，諸孫方隱豹。二子已攀鱗，上舍袍紆粉。中郎帶東銀，恩封泉壤貴。哀輓簡編陳，遺像圖金豸。高原臥石麟，知公猶不死。世世立通津。

評云

輓詩排律如此亦自不惡

向行人使楚，歸便壽其親。

遊子乘輶下

紫宸高堂此日舊，生申天香兩袖。皇華使壽酒千行，白髮親綺席承歡。更夜炬

鳳城遙望入秋旻，莫言膝下還當別。猶勝東華待漏人。

劉主事母十八歲孀，居有遺腹子。至其孫憲方受

褒封沒之後，二載始旌表焉。

少小夫亡，老大愁淒。風苦雨度，春秋不因遺腹。曾存趙誰為陳情，欲報劉

夏曰漫稿 二卷 十七
天上褒封書衮衮人間生死路悠悠有靈應
笑東鄰婦幾作新人未白頭

評云三四切題
尾句粗直

送章德懋致仕二首

未緣封事忤

龍顏白是知幾合倦還萬里雲霄黃鵠舉五
湖煙水白鷗閒曾經蜀險思周道欲話吳儂
看越山可笑封侯班定遠老來猶度玉門關
早魁多士戴朝鍔事業前脩可並駮史有闕
文如夏五政無詭道似朝三方期唐介還收
用詎意嵇康已不堪一葉扁舟歸去好桐江
風日正晴酣

梅雪軒

誰結幽軒剛八尺自題梅雪在新楮初疑和
靖孤吟處又似袁安高臥時沽酒謾勞人掃
路綺窓何用月橫枝春來門外東風起流水
飛花總不知

評云言雪消梅謝耳
若作挽詩尤佳

送韓宗康

明日都亭文送君為君今夜獨傷神燒殘紅

燭已三鼓交到白頭能幾人半世相知憐鮑
叔十年遂背笑陳辛何時重臥西窓下風雨
連床說舊因

評云五六當有所諷

鍾馗圖

圖中前鬼張燈後鬼擁蓋鍾馗騎驢醉行雪中

山鬼張燈風打滅終南老仙覆耳熱林深路
黑六出飛破蓋蹇驢行不輟此時應被鬼擲
揄瞋目控拳還氣噓大呼深夜宵無人悔不
出門持寸鐵憶昔明皇晝寐時為除虛耗寧
遺予口流津沫堪鬼胸手把髑髏飲鬼血帝

醒傳言覓畫師畫成容度真奇絕藍袍烏帶
貌爭寧群鬼見之皆吐舌從此官家安枕臥
遂令宮掖無妖孽誰知此特最尔妖南衙一
鬼尤黠桀腹中有劍能殺人偃月堂深如虎
穴耗盡元氣負三郎請聽白頭宮女說我家
寶刀名太阿磨時澗水聲悲咽斬除魑魅血
不殺色正銛寒秋稟列壁間高掛已十年恨
不當初贈豪傑烏虜豪傑豪傑今也亡伏對
南山滋不悅

阻風

潞河四月怒濤生
樣棹沙頭滯去程

北闕新持

天子節南薰
故惱使臣情
危檣日暮旌旗動
極浦雲昏鼓吹鳴
獨倚蓬窓正凝思
忽聞津吏報潮平

次童勉和韻

敢因鄉思計歸程

王事忡忡動旅情

霍闕日高承

上命孤舟風急滯
西行駭人白浪滔
天起極目黃沙帶霧生
向晚倘應狂颶息
中流回首

五雲城

四月十一日潞河風靜喜而有作兼呈

正使西寧侯

路渚風初靜
星槎曉欲行
夾隄官柳暗
隔水

驛樓明封建親

宗室殷勤遣巨卿
幸因為介副不媿濫等笙

井陘道中

石磴盤迴足馬遲
井陘西望亂山歎
黃埃滿

面容容改赤日
燦入鄉思危父老
衣冠貧不

具吏民言語譯方知

九重若問觀風事大不如前唐叔時

回次井陘與西寧異途雨後有作

雨餘雲淨亂山橫
疋馬長途自在行
烟火隔林方午爨
桑麻連野足秋成
誰從郭外鳴笳鼓
我獨宵中有甲兵
更把傳呼都屏却
免令父老出村迎

壽林千户父退休林下

舊與馮唐共拜郎
多應年紀似馮唐
旌旗倦指黃沙磧
詩酒酣隨綠野堂
此日稱觴羅子文
當時據馬笑君王
狐南星大渾如斗
曾照

將軍甲上霜

評云 是致仕武弁 詩結句尤健

送張行人使占城

漢使街

恩出上方東南萬里是
炎荒金函詰曲頌周
誥黃者趨蹌拜越裳
蕙茲任教煩齒頰
葡萄休遣獻

君王明朝一節海天去
回首中原山水長

和靜之引鏡漫成韻

綠髮當奩短帶霜依然未嫁
到眉長敢誇妾

更顏如玉唯願君休背有芒歲月鏡中流水
去花枝頭上少年狂而今羸得朱門裏垂首
無言舊業荒

挽蒙陰李郎中

勤王老病臥孤舟百藥無功萬事休富弼當
時功未奏曾參垂死語空留政成南甸公私
足雲黯東蒙草木愁有淚哭君君不起西風
洒向潞河流

代元甫贈翁醫官歸八閩

閩海尊香小阮回司徒親送出金臺馬頭黃
葉經霜柳驛路寒花冒雪梅民瘼正須盧扁
術我詩深媿杜陵才良醫良相君家事莫惜
臨岐酒一杯

評云

此是翁戶部
世資之第

送李二尹

二月飛鷁到

上京潞河今又促歸程邑人正憶哦松化朝
士方深折柳情行李北來春料峭孤舟南望
水縱橫我詩急就休嗤短已勝陽關祗四聲

送臧大尹

名字新題上

御屏又掃花縣戴晨星一鞭行色催長道
四
月離情付短亭父老正望飛鳥去君侯休遣
傳車停明朝小謝相思處雲繞燕山草木青

評云第二句好

壽孫 皇親

昨夜孤星十丈光侯門此日列壺觴連枝喬
木來東魯並帶蟠龍出

尚方父子一堂俱鶴髮君臣千載托椒房于
今政治歸儒術貴戚何憂世不長

早春省中試筆

銅龍聲靜禁鴉啼獨坐長廊日正西宮柳受
風東面弱館松留雪北枝低陽春初轉仍陰
在白髮新添與黑齊三載瑣闥員一夢此心
深媿負塩蘿

暮春寫懷和貫道韻

宮袍顏色半凋零過盡東風坐小庭燕子不
來簾未捲桃花亂落酒初醒鏡中短髮三分
白門外西山十里青無那官閒清晝永呼兒
讀取楚辭聽

羊后絕句

包羞甘入犬羊群，鳳枕依然夜夜春。不念前朝開宴處，青衣行酒是何人。

評云：羊后死有餘臭，罵得痛快。

又和貫道

揚花輕薄已飄零，又逐東風入謝庭。宦境忽驚三月過，醉鄉能有幾人醒。顛毛老我真成白，眸子於誰不可青。漫說齊芋能亂瑟，君王元自未曾聽。

首夏即事二首

脫却羅衣試葛衣，東風別我去遲遲。柳眠庭院晝初永，花落園林鶯未知。病酒苦遭兒女聒，懶朝長被吏人嗤。北窓此日渾無事，正是陶潛高臥時。

評云：佳作。

曉東衣冠趨

上陽退朝官舍任踈狂，栽花註誤蝶戀網。插竹扶持豆過牆，賓客到門題鳥去。兒童繞砌弄雛忙，故園昨日有書寄。歸夢不知山水長。

評云：第六句尤好。

午日

輦前中使羽旗開日日南宮射柳回自是君
王勤武備韓休諫疏不須來

評云蓄好舍

省中即事二首

宮樹團陰日正長
阜囊封罷坐西廊
新荷已逐雨乾沒
飛絮又憑風
主張往事浪書三載
績強顏還預七人行
幾回退直金門早朝士
相嘲喚夕郎

畫省風吹縹緲香
直郎獨坐日偏長
銅龍吐

水深三尺金獸啣環列
兩行禁樹碧依人
俯檻宮花紅逐鳥
過墻憑誰為剪
松蘿蔓莫放攀緣上廟廊

評云後四句有興致有含蓄不愧作者

寄贈秦僧官退休以得遣部使者

二十餘年方外臣
更於閒處乞閒身
菩提樹大難為用
優鉢花開別有春
一葉浮師過巨浸
兩輪推我向紅塵
相逢無限思歸者
似此能歸定幾人

評云方外臣三字未有人道

東日涉稿 卷一
文卿招飲同年陳思敬在坐以入直不
赴二君青州人陳時為高陽令

東閣煩君折柬呼玉盤刻午出行厨尊中有
物稱從事席上何人號酒徒本謂團練同舉
白豈期袒跣不成盧晚來退直

金門去還過黃公訪舊壚

評云三四切題

自題蒲扇

感君贈我蒲葵扇手自題詩在上頭一夜華
風生死草幾時紗帽對閒鷗也應面為元規
避何用書從逸必求只恐青蝇駟逐盡棄捐
巾笥不勝秋

主人念妾

失妾詩四

銀床何處看娉婷明月空來照戶庭雲雨無
憑神女去鶯花有恨壽玉醒燈孤鴛枕情猶
在鏡破蛾眉盡不青豈料生離同死別蔡家
鸚鵡屬儂聽

妾卷主人

妾身敢自負娉婷嫁入盧家擅後庭絕色被
人常見妬讒言中主意難醒信陵矯命羞婦

魏昌國遭嫌始去青不是鸞膠求不得斷絃
誰續有誰聽

評云三四句念亦以句况

妾謝新人

妾身初嫁亦娉婷妾自緣輕別主庭鏡裏愁
容番怕見夢中清淚每啼醒承恩舞袖空拋
綠入道長衫擬着青寄與新人須自重放臣
言語未宜聽

新人慰妾

承恩元不在娉婷趙后昭儀共一庭猛虎昔

騎應值怒驪龍今睡未曾醒嗟予苞笋猶綳
錦喜汝成竿已殺青萬事古來皆若此願歌
新曲舊人聽

內帑受幣過海子橋觀荷花用蕭寅長
文明所限四韻

內湖人競采蓮歌湖上橫橋四度過地密每
嚴中使禁香來偏逐下風多陶公底事情鍾
菊楚客應憐眼製荷葉想舞裙花想面輕盈
應不數天魔

評云第四句好

李賓之題陸先生小畫海榴書屋

海榴花下玉堂前同醉春風十五年今日畫
圖詩卷裏與君携手一茫然

八月三日夜雨如麻危及墻壁庭前水
與階平甚憂入室奴輩操錘守隄婢子
燃燭達旦幸然無事詩東晉卿同志想
同患也兼附昨日苦雨一首紙尾

屋漏床床水到門吾廬無處可安身短垣不
浸才三版陋巷連陰已二旬燈下舊棋多阻
客病中今雨少來人嫌疑畢竟妨仁愛猶喜

曾無魯國隣

宿霽欲晴還不晴御溝流水與隄平未辭騎
馬衝泥去已厭聞鳩隔屋鳴

雙闕樓臺雲裏暝萬家烟火雨中生知他誰
是先憂者請聽芭蕉葉上聲

評云

勝前作

是日晚晴再作

簾捲西風趁晚晴小樓黃葉下梧桐已無急

雨翻階白且喜斜陽滿樹紅

帝闕遠浮雲氣外人家猶住水聲中絕勝昨

夜空齋裏二尺青燈四壁虫

評云五六如

八月十六日書懷

醉據繩床擊唾壺浮華過眼有還無玄都道
上桃千樹栗里先生柳五株白髮漸疎難受
憤黃金將盡未成盧扁舟擬欲從張翰又恐
人疑不為鱸

和敖靜之悼馬

敝帷何處瘞龍媒無復黃雲塞上回憶昨花
邊嘶曉月從今脚底聽春雷百金忍售涓人

市九日空臨霸王臺却笑不如驢背穩杜陵
常曲任騎來

送別和子美韻

蕭蕭黃葉滿林顛遠送何蕃下日邊燕市酒
闌秋正菊路河人去水如天十年共歎隨蓬
轉兩地相思類藕牽後會不知何處所江南
江北路參千

評云絕似

送巡檢

莫說鄖陽道路長竹溪又遠隔鄖陽時平却

喜無群盜官小猶堪善一鄉邊徼夜昏嚴鼓
角河橋風冷上帆檣遙知邏卒歡迎處多說
司巡舊姓來

和賈道雨中

水浮荒館雨連綿茶竈生柴濕費煎四面頽
無司馬壁一囊貯有阮孚錢陰晴紅燭花前
卜貧病青苔榻上眠早是客中耽寂寞不堪
還值莫秋天

評云五六好

早春省中試筆

畫廊簾幙捲東風退食今朝又自公向煖柳
條才半綠怯寒花朶未全紅朝衣正辦江頭
醉方藥難醫左耳聾何日上章辭
北闕扁舟去趁陸龜蒙

追和莫掌科守歲

妻子團圞守歲除煨殘櫛拙坐籬籬三年
禁鬪蝸名拙千里関河鴈信疎剛制尚然甘
旨酒健忘徒尔好竒書明朝又是春來到詹
尹從今擬卜居

評云五六新

寄趙時中謫居廬山二首

故人別去動經年一在燕山一蜀天
兩地感懷良有以殊方無鴈豈其然
塞翁得失難憑馬杜甫淒涼正拜鵠
寄語升沉真孟浪何須重咏卜居篇

蜀天何處倚闌時欲寄相思鴈到遲
破屋且宜潛杜老扁舟未可學鴟夷
朝廷有道終收用邊徼無聊莫怨咨
肯為一麾成潦倒還看文教變侏離

評云

勝前作

壽李遵化母得子字年八十四月一日生

高堂上壽人如市遊子獻圖來

帝里蔭長十年春夢婆誕先七日
金仙氏酒開巨甕碧於油果熟蟠桃
甘勝李白髮蒙頭子有孫眼着孫大
還生子

評云

壽詩似此亦難得
三四著題可喜

寄文天爵

空齋猶記對牀眠南北相望忽四年
羨子量如黃叔度嗟予諫乏柳公權
當時棋子燈花約今日江雲渭樹天
片紙短章情不盡行人臨

發重茫然

壽劉廷珩二親同臘八日初度

君家翁姥雪盈顛揔是蓬壺降謫仙海上蟠

桃應並熟尊前壽酒合誰先獻圖每及嘉平

節笑老同經經已亥年我亦有親歸未得題詩

相贈重茫然

遊西山古刹

繫馬在田廊來參淨梵王水清池見底花發

樹生香寺額題前代碑文譔

上皇白頭僧尚健迎下講經堂

榮壽堂為白選部賦選部封其父官乃叔

脫下鹿皮冠

天書降紫鸞父皆因子貴祖及見孫官石慶

榮如許彭鏗壽若干高堂題扁處惟許柳家

看

贈徐處士生七月為醫上張氏後張後

本是徐卿第二雛却隨弓正嗣觀孤長桑早

得醫傳扁小范終期姓易朱何事未能忘水

木祗綠已解識之無獨憐留得王孫劍不見

烟波舊釣徒

評云三四用事切

黃驛丞懷歸理荒二卷

驛路塵如霧名場志已灰苦思籬下菊懶寄
隴頭梅仕宦聊為尔田園歸去來笑他南竄
客冠蓋幾人迴

田園久蕪沒料得欲歸時自詫淵明徑人稱
叔度坡誅茅重覆蓋植杖或耘耔回首青雲
客朱門鎖兔葵

送高元健依親三首

奚奴結束貢時書追逐何蕃出

帝畿月落潮平飛綵鷁酒醒人遠語烏衣榮
歸門巷應多轍久別糟糠定下機莫謂此回
身計了好勤經史赴秋闈

今日送君歸故國秋來還擬赴科場休便午
市槐陰爽要襲天風桂子香芻狗都門陳祖
道檣烏潞渚指歸航到家正遇黃雲熟漂麥
工夫可自強

又携書劍下金臺楊柳薰風拂面來別我虎
闈新乞假多君司馬舊掄材停雲碧漢人千
里落日滄洲酒一杯去去倚門親望父數殘

青杏更無梅

評云勝前

午日示李汝弼

海榴庭院午初晴
讀罷離騷憶屈平
楚俗虎懸千古艾
漢廷梟賜百官羹
六年此候常逢雨
五斗何人為解醒
今日萸蒲新酒綠
西鄰况復是狂生

環翠軒

竹木四簷蒼鍾山
帶夕陽人言揚子宅
我道輞川莊
春酒叫姚醉
夏陰環抱涼
主翁湖海

倦歸臥學羲皇

評云甚佳

夏日睡起即事

庭靜午鈎簾無風
樹影圍花間
數胥綴榻下
一猫眠籬笋高
希杖盆荷小學
錢官閒常睡足
起坐兀如禪

評云好

挽李彥明父
年七十二以正卒七子

白首龍鍾古亦稀
雍琴聲裏忽生悲
豈知杜甫愁陰日
便是堯夫觀化時
年紀更加應入

耆皇兒曹差欠未稱慈如何拋擲入寰去不待迴鸞下

赤墀

城唐書屋在揚羨山北

除却牙籤載五車蕭然一室可盤蝸柴門流水揚雄宅茅屋秋風杜甫家書帶已生階下草月團常試雨前茶笑他金谷銅駝地早歇歌鐘噪暮鴉

評云亦不媚中唐

冬夜小聚

書卷因官廢囊金為酒貧一身三世佛兩鬢二毛人婢醜妻停妬兒遲女見親夜來燈火下咲語聒比鄰

評云五六名言也

用前韻賀郭子美添丁

既得添丁喜何憂失位貧與徐皆二子比竇少三人夢行芝蘭室歡騰瓜葛親試詢來賀客幾萬卜為鄰

輓蕭秀才母及其室

舉案與眉齊生平陋會稽柳家和膽母龐老

挽車妻鸞向鏡中去鹿從蕉下迷獨憐斷機
處風雨正淒淒

何物五更風名花一夜空藁砧衣上淚謝豹
口邊紅雖正丘狐首終同楚鵠籠兒夫聞欲
貴底事棄房櫳

過慈恩寺二首

碧眼胡僧勢絕倫中華盤據已根深太官飽
饋中牢肉常侍親頒內帑金不見渡江能折
筭帑祇聞持鉢誑吞針微臣蟻虱天門遠感此
空懷報國心

評云悲壯讀之凜凜不愧司諫

少年抱璞老亡羊與俗浮沉亦可傷十有九
旬常結舌百無一事敢剛腸賈生此日惟應
哭阮籍當時豈是狂信馬獨歸蕭寺掩冷雲
寒日下西廊

評云信馬獨歸有多少憂

自歎

諫垣潦倒幾經春剡薦那堪到

紫宸壁上枯粘真可戒枝頭乾死未應嗔在
生有論歸飄瓦汲黯無端歎積薪老我於時

無寸補浮名敢計不如人

祀竈和王都堂韻

萬竈張燈夜祀神黃羊如瓠酒如春願馳火
騎朝天帝莫與清姑謗下人爛胃可堪都尉
賤生塵不但宰官貧嗟予一突常如墨過客
無勞教徒薪

述懷

懶性從來通刺踈

紫宸朝散避門居閒中靜坐花叅我醉後狂
吟酒起予六載虛名占仕籍一言無路達公

車幾回欲上危樓臥自媿元龍豪氣除

評云 韵律頗類 陸放翁

病酒

昨與次公同典衣至今未解麪生圍嘔心自
取風流病失步真成潦倒歸半夜忽生夸父
暍侵晨深悔伯倫非五勞無柰仍耽此饒睡
昏昏對落暉

評云 頗近戲然 亦可喜

和王彥平賞牡丹韻

主人春酒挹天漿鹿韭新開闢萬粧正好臨

風拚一醉不堪花外又斜陽

牡丹庭館爛晴霞載酒人人入魏家自笑林
逋窮相眼一生惟解看梅花
姚黃狼藉委香塵魏紫歲華亦愴神記得至
人常有語看花須看十分春

再和三首

全開始現滿月相初放真成半面粧若使此
花還解語豈宜飛燕在昭陽
忽憶當年周茂叔瀟溪底事卜為家池蓮庭
草都看遍不看人間富貴花

花當好處春無幾詩到狂時筆有神吟得洛
陽添紙價牡丹依舊趁殘春

歲寒三友圖

誰寫歲寒意筆蹤橫復斜石疑松侍者梅似
竹渾家止渴徒為謬封官亦可嗟誰如此君
好抱璞度年華

登釣臺

獨上桐江舊釣磯江山無恙昔賢非祠前潮
長經春雨浦口帆來帶夕暉偷餌黃猿欺客
下啣魚白鳥避人飛如何漢祖徵求急猶許

嚴光著布衣

評云何如此八句儘可傳

挽婺源汪處士

早食婺溪鱸黃墩亦故吾讀書長世隱事毋
少人孤壁上琴亡父囊中句在無靈椿搖落
後愁殺竇家雛

壽王編脩濟之二親俱年六十

兩人共百二十禩壽酒花前合對傾算老忽
鷺蘧伯玉同庚還訝許飛瓊一龍早得推恩
寵三豕重看紀歲行更喜年來俱耳順不曾

重聽問安聲

送韓掌科弟敬代其父醫官歸洪洞

少事長素術有神長年走馬六街塵河東承
襲衣冠舊都下歸來雨露新諱疾漫勞悲世
態折肱已見重儒紳不知沈約堪醫否欲問
門前種杏人

送萬閣老允還蜀

殘柳都門試晚晴幾人冠蓋送君行西風鷹
度黃沙磧落日帆歸白帝城別去鸞臺應有
慶老來狗監未知名到家若遇梅花使好為

姜肱一寄聲

評云今人送宰相家詩文極其諛佞此作不但詩佳曾無一字道及萬公

勳業文章蓋萬公小人不
足數也公真人傑也哉

贈天津楊千戶繫獄復官平羗弗果

少年淹昔十三篇雲擁油幢早著鞭暫蹶未
為夸父累重來應許寇恂賢腦中兵甲雄謀
國帳下貔貅飽控絃謾說玉門閑外去于今
烽火遠甘泉

靈籟亭

竹倒陰林護短籬數椽新梅前茅茨天風滿

壑靜聽處山月到簷孤坐時頽水棄瓢誠俗
耳添園齊物是真知憑誰寄語桓伊道短笛
柯亭莫漫吹

韓寅長需次頗久秋雨中舍當寂寞詩
以戲之

君非吏隱又非歸空署官衙在瑣闥黃葉閉
門今雨久清風滿座故人稀何當肘後懸金
印仍復螭頭侍

袞衣我得朝朝陪笑語不差幽暗借春暉
擬去婦二首

誤逐流鶯過短牆誰知歸路竟茫茫房櫳寂寞空啼血風雨蕭騷欲斷腸來世有緣甘遣妾此生無分更逢郎侯門許寄相思信一寫蠅頭字萬行

評云起句悔恨自傷未屬後望忠厚之至也

錯被傍人比柳枝侯門一失悔何追此身擬化望夫石是耳難聽去婦詞腸到九迴無曲處淚滄雙袖更啼時嗟奴不似深宮怨紅葉西風莫漫吹

輓趙錦衣

監居司隸漢官名勲業類看照汗青生
賜錦衣常宿禁死無紅袖哭辭靈囚徒不學
商君論道路寧勞蜀相經惆悵西風人去遠
遼陽空有鶴丁寧

評云三四見得趙君亦賢矣

秋懷

起來搔首坐長嘆庭院蕭條蕙蕊殘萬樹西風蟬蛻歇一天秋雨鴈聲寒向平婚嫁猶為累張翰萼鱸未解官何日扁舟便歸去蓼花灘上買魚竿

靈僧官方文題畫葡萄

白草黃雲萬里秋大宛戰骨未全收如何漢使歸來日只帶葡萄入

帝州

評云有風致亦可喜

大宛移種幾千秋上苑常同首藉收不似荔

伎難為致年年一騎發涪州

哭江大叅予少日嘗從師客寄公家今

語及公之面嚴然一古之君子也公

時以憂家居暇常過予師為予正句讀

屬對絮莫因風予時童穉未知所以崇

禮尊長亦誠公曰葵在當門曰公燕

曰反見梅小予矣遂題行卷曰公燕

可紹箕裘之業今卷出於東海亦

考去此十年公自給舍出教東海亦

家食子孫齊趙大牙察通又得

懷不歸自已遂入即公之前官

實也成化十年二月十日

二十年前誥吳刑中問眾等幾許當時自

笑雀為到今日空傳鶴姓丁諫阮題名慚後

進藩城位政有餘聲哭君無地逢君面望斷

吳山一奏音

苦雨

千門萬戶雨浪浪官舍連旬漏滿哀莫道鳴

鳩非謝豹已行驚。鷓是商羊頰。陰有斧應難
劈。溽暑蒸人未易當。安得好風天外至。吹開
雲滃靄。見晴光。

悼陽景奇

春柱曾攀第五枝。名郎高價動

京師。豈知一謫江南日。便是三生石上時。半
世功名尼父史。平生出處蔡邕碑。可堪埋骨
閩山下。瘴雨蠻煙哭子規。

壽陶孺人

堂上誰家母。年齡過古稀。抱孫垂白髮。看子
著斑衣。壽酒斟斟綠。蟠桃小染緋。夜闌蕭鼓
散燈火。入慈闈。

齋宿大興隆寺

齋禁初嚴夜未央。兩年三度宿禪房。拈檀禮
罷僧歸院。榻拙煨殘月。轉廊未擬坐。前文帝
席且須醒。上遠公堂于今

聖主隆禋祀。豈有閒情到上方。

慶成宴王世賞編修限韻

戍壘應無士。病創郊裡時。節屬勾芒遙。開光
祿。依簾影。陞衛期。門列劔。鉞玉食。每催中使

進黃封先賜近臣嘗自慚身逐孫供奉侍宴
頻年對

御床

同前題和王世賞一首

漢宮日暖瑞煙侵侍衛森森盡羽林郊禮畢
時天合鑒御筵開處

上親臨優旃競進吹竽伎臣甫常懷獻賦心
最是不堪春漏短 六龍回馭 五雲深

同前題和李德馨寅長一首

春宴承恩詎有涯酒闌還賜鳳團茶爐煙直

上風初定簾影頻移日欲斜三賦未陳懷杜
甫一官常默媿氐蛙年年此會花應發不待
君王羯鼓擗

評云

三四莊重嚴肅宛然朝著
氣象蛙字擗字俱押得倒

後倪圖

後倪自是獸中王竒毛燦爛生金光尾端結
毳大如斗百獸見之皆伏藏空林無人日色
薄引子出吼時跳梁草木震動山石罅流泉
奔潰聲浪浪是誰弄筆巧為此使我披拂心
徬徨長安客舍靜無事獨坐思與雲悠揚平

生不識負嵎虎末路乃遭當道狼仰天長嘯
重展玩安得借我懸中堂

里中惡少為怨家所殺詩以快之

誰持匕首殺奸兇欲信還疑是夢中折展敢
為私已喜免冠深謝上天公生前祗合投豺
虎死後猶虞化射工寄語白頭嚴氏毋休將
血淚洒東風

二十九日試筆

明日新正三十日今朝試筆記居諸才過穀
雨二旬久猶隔花朝半月餘臣甫采陳三賦

後奴星將送五窮初可憐春已三分一猶有
寒冰在鼠須

逢僧閒話

偶逢老宿閒論舊笑我為官七不堪牙齒脫
殘如達磨鬚毛衰盡類瞿曇酒無賢聖貧常
貫藥有君臣病已諳却喜身閒公事少日高
才放吏人參

宮怨二首

睡徹芙蓉別館鐘越羅帶皺倚薰籠金繩語
澆綠鸚鵡銀合血寒紅守宮草色長門留宿

雨花枝上苑笑春風如何買賦全無效只恐相如亦病中

評云

勦入富艷然亦晚唐矣

漢宮恩寵近如何流水浮雲亦易過莫道長門無客賦也知永巷有人歌妾心不似君心改兒淚爭如母淚多從此憂來成底事洛陽風雨泣銅駝

婢病

病來瘦褪石榴裙人與梅花共十分夕御舊惟辭入月晝眠今成夢行雲翻羨事往心須醒煮藥聲殘已厭聞却笑相看猶掩面豈知予亦似休文

飲王太史第時李德馨諸公聯句畢復

限韻

簾幙沉沉午夜風華堂官燭影搖紅詩當白戰推君獨酒酌黃封許我同惟願有文歸太史不求題姓上元功從今雅會知常繼賴有王維在社中

有約題詩到浣花酒闌杯斝亂如麻彌明得句驚侯喜山簡乘春醉習家寒盡東風侵坐

軟夜深北斗壓城斜百年此會知能幾金谷
交遊未足誇

評云三四
穩妥

近寺訪友人坐間限韻

前度思君各一方相逢春晚話僧廊東風入
座茶烟細西日臨檐樹影長常羨鼠須真健
筆敢誇雞舌是名香明朝有約重携酒莫作
攢眉社裏狂

答王太史胡工曹席上見憶之作

替願默默坐懷君庭外春陰戰蟻群我與潘
三同哢噪誰招杜二共酣醺尋常有約聯秋
雨咫尺無勞賦暮雲今日小軒新釀熟一尊
留待可人分

評云一聯俱佳第
二句尤好

王太史諸公見過寒舍小酌限韻二首

柴門酒熟轄初投樹色侵檐翠欲流有約灤
西尋杜甫無人濠上識莊周看花冢信雙眸
晦岸幘還驚兩鬢秋此日尊前將盡醉不須
重倚仲宣樓

評云熟律絕似陸放
翁格調當勝

一尊相對樂陶然
席上分明有鄭玄
傾倒莫辭棄落酒
清貧猶足水衡錢
西園花發春如海
下里歌殘日似年
薄暮客歸中散醉
孤鴻目送沒長天

觀王太史書東坡圓澤傳限韻題劉振之手卷

吳越山川到處非
瞿塘煙棹合忘機
李源不訪三生石
圓澤誰傳百衲衣
臨水謾悲村婦汲
隔溪還見牧童歸
坡仙有傳留青簡
太史今書在翠微

評云

老成穩受亦自佳作

飲劉振之處和韻寄李寅長

長笑風流杜牧之水嬉
空守十年期不知吳媪懷他約
猶自題詩有所思

飲李寅長第限韻

高齋促席話同衿
豈是悠悠行路心
阮籍向人能眼白
叔牙於我最情深
尋春擬著登山屐
沽酒知拚買賦金
日暮詩成懽蒲座
蹇予才拙尚孤吟

清晝沉沉報午雞
相逢一笑讓東西
前期有

約開新釀後會無憑續舊題醉極渾忘辭地
主詩狂直欲躡天梯底須更問春多少門外
風吹碧草齊

送李汝弼尹襄陵

旗亭春色照離觴
旆翩翩赴晉陽
爾位豈終山縣長
我官不是水曹郎
少年受易田何館
今日鳴琴子賤堂
會見政成期報

主官將斗酒博西涼

評云

起句好後六句實太多

贈隆福寺靈僧官

軟紅元未識空翠近應寒
我道僧皆佛誰知

釋有官翻經新

賜館說法舊登壇肯信東山路支郎笑謝安

十八日王太史諸公過寒寓共酌限韻

同醉長安尺五天孔融尊蒲日如年
我呼張

文忘形久誰壓元郎得句先
兩省衣冠成夜

宴五侯庭館散春烟無人說與涼州守
斗酒

渾勝祿二千

和劉振之感懷

垂柳陰陰覆苑池
省中春去吏先知
宮鶯猶

蝶衝閒幔。簷雀將雛過。別枝盡日皂囊無。一事幾時黃色見。雙眉爲郎媿我身。先老白髮年來漸覺私。

山行限韻三首

春風湖上杖藜行。水碧沙明眼界清。得句謾題蕭寺壁。逢僧閒問遠山名。莓苔有徑俱人跡。花柳無村不鳥聲。回首却驚歸路晚。幾時聽鼓再離城。

評云第四句新

臺殿參差石徑通。捫蘿直上訪支公。岩雲溪

日陰晴異。茶椀熏爐笑語同。山色八窓濃淡裏。湖光十里有無中。我來欲結東林社。聞說維摩有晉風。

看花湖上得歸遲。花滿南枝共北枝。細雨釀寒。繞歇後。遊絲墮地更飛時。酒香茅店人初到。春去園林鳥未知。不是紅塵山路少。東風無力馬前吹。

題功德寺航上人小畫

青山如髻立林梢。隔水茅茨遠市朝。我欲談玄尋惠遠。攜過虎溪橋。

送勸農翁判簿考滿還任限韻

北山不用誦移文田畝聲名到處聞官首簿
書苔護硯野無良莠麥如雲書勤又復逾三
載為政時能寬一分別我旗亭尊酒盡夕陽
林外閃鴉群

翟弘仁秀才處限韻

看竹因君到小庭新梢含露入簾青是誰曾
有騎龍伎對此宜傳相鶴經問柳尋花應並
俗傾銀注瓦了難醒何時共向西窓下風雨
蕭蕭一卧聽

評云第二句好

追和振之山行二首過廣善寺

寺僻林幽石逕賒索頭經卷是楞伽犬間長
晝眠芳草僧背斜陽掃落花一幔隔村題酒
店亂疊臨水晒漁家偶來竹院留詩在香積
厨人為具茶

過昭應宮

翠濕松梢露滴珠洞門下馬獨躊躇丹成勾
漏知何在花發玄都恐未知遊客謾勞題鳳
字道流不喜換鴛書分明也住人間世徃徃

相逢說步虛

答浣靈問山行樂事用原韻

浪逐能詩水部何城西無地不經過殺雞為
黍遭田父走馬看花作醉魔雲度水來山瘦
却春拋人去鳥知麼倦遊回首村莊晚社鼓
迎春處處難

評云

押險韻故
如此

題錢世恒壁間畫竹用王太史韻

不向園林問主看壁間自有翠琅玕夜深却
恐西窓臥勾引秋風到耳寒

王太史席上限二十韻

誰捉中山管篴管寫萬枝上番看籜解醉日
帶根移簾薄青侵入厓懸翠倒垂柯亭無笛
奏緜領有笙吹鸞尾禽常駭貓頭鼠暗窺王
猷居可柰蔣詡逕偏宜梅影招臨水桃花許
近籬身隨龍欲化心託鳳相知驚夢風敲戶
傳神月浸池白敲聲緩度鶴睡意俱遲野寺
逢僧處山窓待我時清陰同柳競靜色與松
疑興易追袁粲才難侶左思未須鐫琬琰聊
復寫烏絲注瓦思前度移家恐後期却憐湘

水調不及衛風詩病葉經春瘥枯梢待雨醫
分泉筒遠引避石笋旁滋挽上三竿日林間
一局棊此君與我厚聊賦竹枝辭

評云

警句甚多集中排律此為第一

高家庄牡丹和限韻

午院花香撲酒卮牡丹深處赴佳期臨風欲
問如將語帶雨來看報更奇百寶闌中曾引
醉沉香亭北已無詩天桃繁李都飛盡始向
城西見一枝

天寧寺和韻

遠公招我到東林一逕通幽草木深巢燕啄
泥沾柳絮野蜂釀蜜抱花心衆芳雨過收春
事清楚風來送午音潦倒可堪重入社進賢
冠已不勝簪

評云

穩妥不似和韻

題崔鍊師壁

道人留我坐長松一笑紅塵隔萬重小院有
花防鳥啄古碑無字任苔封修琴前日城中
見賣藥何年市上逢客去閉門惟點易乳鴉
啼樹綠陰濃

評云幽景自在

奉答李公夏日喜友見訪之作限韻

綠槐庭院午初晴。殺齒苔深跡欲平。客子杖藜看竹入。主人岸幘出花迎。鳥啼偶爾動詩興。林靜忽然忘宦情。更喜書長無一事。隔簾風送煮茶聲。

評云杖藜入岸幘迎本是常談下看竹出花字使覺俊爽可喜風送茶聲

沈

挽顏僉憲天

婦顏嘗按鄧四川以憂去服未闋夫婦相繼而殞

水濱停采藻。劍外有甘棠。孤塚埋雙璧。三年

舉二喪。泣枯遊子血。斷盡世人腸。可報當時

月。還來照影堂。

李寅長期共餞。虞廷評既而不如約詩

以問之

黃金臺迫祖筵開。記得前期許奉陪。君忽城東借客去。我猶橋下待人來。寒盟謾想剗三血。別酒何由醉一杯。番笑監河緣底事。等閑衝雨罷畋回。

聯句諷王太史

未許離群又逸群。可堪風月共誰分。青雲會

稟元無子北海尊前祗欠君地主尚期還枉
駕山靈想亦然移文王猷清興如將盡莫遣
回轅到夕曛

齋宿大興隆寺聯句

松暝禪房鶴已歸蕭蕭窗外雨聲稀坐憐兩
省簪袍集吟伴孤燈笑語違茶送月團煩地
主箭傳玉漏出黃扉桑林心事憂民切慚媿
無能補

舜衣

和韻題錢世恒侍御卷中

此會應知是煖寒尊前令轉急於湍狂吞竹
葉如泥醉笑指桃花當雨看詩律任人論老
細帶圍憐我為愁寬東風未必明朝別還擬
尋君到藥闌

評云第四句好

用韻答胡彥迢虞部美其子

老驥應無歎段駒會看飛鞚上天衢世兒莫
謾相欺得楊炯當年亦讓盧

白面無多不面牆讀書有志欲書香河東薛
氏稱三鳳今併郎君四鳳凰

此子君家千里駒雙翻碧玉下雲衢功名若
許樗蒲賭管取他年定擲盧

榆白城秋月度墻天風吹動桂花香阿戎有
志冲霄去折得高枝誇鳳凰

題扇上蓮花鷺鷥

風動薰葭水氣涼雙雙屬玉睡橫塘游魚莫
謾驚相避紅藕花牽夢正長

和王太保韻

莫羨冥鴻去不來黃金百尺有高臺裴公可
是龍鍾者馬援貞成嬰鏢哉煙水五湖如自

計邊疆萬里伏誰問而封書遙問班都護授筆
初心底事灰

評云此當是威寧伯王公此
詩雄渾磊落類其人

楊友山隱君鄉飲

笑殺南山種豆人年年沉醉瓮頭春恥為曹
相看碑客聊作陳蕃下榻賓某水舊臨秋把
釣太玄今對雪盈巾莫嫌狗監無官職曾識
文園渴侍臣

補過堂畢秀才父嘗為曲陽令退
休作此自號東湖野夫

北闕辭榮後東湖退老時名堂心有在憂國

意俱遲長笑陶元亮還思范子皮柴桑與陶
上可復念安危

夏日病中即事十首

柴門土榻寄吟窩一卧經旬夏半過衣為客
來應典盡方從病後更抄多丹心耿耿雖常
在華髮蕭蕭柰老何強欲看花扶杖起不知
庭樹已婆娑

高卧藤床七尺軀起居全賴杖枝梧池塘過
雨蛙生子庭院無風燕教雛朋每盞簪綠問
疾室常懸磬苦為酷十年濫預吹竽列猶幸

王門未試字

長安官舍丈餘寬闢地栽花帶病看虫食葉
書科斗字鳥啣蟬戴惠文冠烹茶午榻留
啜輾藥晴窓教婢丸却笑老樗無所用正
三世不遷宮

鶯啼臥病過蜩鳴門巷苔深少客行筭發
沐新聞舊藤纏枯樹死猶生十圍窓下盛
菴三足床頭煮藥鐘何必入山方是隱山
間惟以隱為名

心如病酒縈飛絮情似傷春對落花茅屋
牖

殘聞布谷。蓄籬編就架。荔枝客來具飯。還燒
笋。僕出分泉自煮茶。誰向山中飽。諳此笑人
騎馬候東華。

酒爐棄置藥爐傍。獨臥空庭晚正涼。井是菜
畦湯沐邑。荷為花館水沉香。醒嬾醉後語言
復。病覺靜中滋味長。即此安心是良劑。世人
何用檢醫方。

柳市南頭買藥回。柴扉無事莫頻開。花間雙
鳥午時睡。庭外數竿辰日栽。几案自然堆簡
札。塔除久矣長莓苔。憑誰點檢門前客。今雨

何如舊雨來。

簾幙無風枕簟涼。午時起坐到斜陽。憐哉
脰。蠨蛸網愛豆扶過。薜荔牆老至浮沉。當世
俗病來加減。古人方金釵十二非吾事。笑殺
談經馬季常。

病眠北牖草堂空。暫免東華踏軟紅。紫芥繞
籬猶捕蝶。綠莎覆砌蟻啣虫。樹當缺處纔通
日。花有香來不見風。即此便為栖養地。何須
別用訪叅同。

病起巡簷賴竹扶。花香過鼻有還無。籬邊媚

六犬搖尾階下啄人雞護雞藥裘按方常自
合酒尊因忌暫停酌欲將筆硯辭封事那得
閒情賦兩都

評云十詩不堆故實故多警句

和劉振之雨中感懷

七年踪跡寄行窩昨夜園林一雨過寒鼓到
窓鄉夢破剛風鳴樹旅愁多和燈對影成三
客殫酒觥詩有二魔感此不眠心耿耿唾壺
擊缺更高歌

和胡工部見贈韻

曾騎赤鯉追仙英水曹官職詩人名長安城
中十萬戶徧題豪句雷霆轟梁園昔傳枚乘
死探環忽與羊公生鬚眉不變筆愈健剔抉
渾沌搜區萌相逢一笑呂公枕為君聊賦鄆
野行

評云有古意

修城池為寧都胡大尹賦

引水周山縣為樓瞰女墻四民欣保障萬古
重金湯壕鴈迷寒雨城烏背夕陽知君初理
廢回首幾堪傷

再和夏日病中即事十首

槿籬藥砌即行窩。何必園林處處過。山色上樓看漸近。雨聲入樹聽偏多。高陽酒伴元名簡。南國詩人舊姓何。此興病來俱減盡。倚闌看鶴舞婆娑。

評云

三四和得肖力

蜂腰螳背鶴身軀。兀坐中庭據槁梧。嫁女已拚奴賣大。愛烏肯信子探雛。書堆案上何曾答。酒剩床頭不用酤。却羨商丘為計好。行年七十尚吹竽。

塵事縈心強自寬。古方無效病猶看。衰容瘦盡難臨鏡。短髮梳殘不稱冠。蚪蚪水邊將學吹。蟻垤堦下已推丸。閉門一臥空庭晚。潦倒羞稱奉引官。

紫禁城西紫陌傍。重門深掩晝蒼涼。雨餘楊柳鶯愁濕。花落池塘水亦香。囊底黃金捐欲盡。鏡中白髮病添長。不知葛令今存否。人世空傳肘後方。

日落空階一蚓鳴。強扶藜杖下階行。也知服藥能除病。未暇從醫問養生。老至徒懷三尺

劍官貧惟煮半升鐺。清時是處堪藏拙。城市山林吏隱名。

自從帶孔頻移後。開盡林花到水花。挑有醫
授期報李。棗無神與大如瓜。清貧枉售千金
帚。老病難禁七椀茶。輪指風光驚夏晚。案頭
書卷廢南華。

綠紗維蔭戶。北窓涼。煮藥聲殘對夕陽。苔觀蝸
牛。綠敗壁花招蝴蝶。過鄰墻。貧無點石成金
術。病憶延年却老方。昨暮偶扶方竹起。不知
籬藟共吾長。

風簾搖曳夢初回。天際輕陰午未開。奴向市
中挑杏鬻。南兒從檐上買花栽。蛙聲似鼓喧池
草。鳥跡如書印砌苔。除却迎醫兼問疾。日長
庭院少人來。

老病侵尋萬慮空。藥爐茶灶火初紅。止酷厭
聽提壺鳥。戒得常怜蝨蠹虫。簾影暗移堪測
日。水紋微皺可觀風。此時逸興真成獨。不與
尋花問柳同。

病體全憑藥餌扶。風情才思兩俱無。黃梅雨
過魚初乳。綠樹陰濃鳥尚雛。書卷拋來還省

借俸資支盡僅償。令人苦憶歸。叩令車騎
當年我甚都。

評云

十詩和得流麗
自在不減前作

友恭堂為都人王伯通昆仲作

花底埧篋叶。堂中兄弟怡。紫荆田氏宅。春草
謝家池。願此同胞義。還為白首期。莫教千載
後。專美鵲鳩詩。

壽閣老商先生

早魁多士賦。嘉魚兩拜黃。麻秉化樞望。重可
方周太保官。高兼領漢尚書。開筵舊許賓。籠

鵲就第今蒙

上賜車醉倒碧山稱壽處。不知世上有誰如

曾向先朝侍講筵。更逢

今上領貂蟬。萊公拜相天禧後。韋老還家地
節前。鵲放金籠賓客散。魚懸玉帶子孫傳。年
年二月逢初度。費盡山中酒十千。

評云

後篇
勝前

歎衰

少小拋人去。衰年百病增。耳鳴疑有鼓。髮短
欲如僧。食肉牙尋拔。觀書眼怕燈。仕心雖復

在潦倒竟無能

馬東田漫稿卷之二



東田馬中錫著

沙溪孫

緒評

筆山文三畏校

奉答王宣溪見贈

不徒皮裏擅陽秋
下筆瞿塘水倒流
孝武文章輸董馬
建安人物數曹劉
殘燈曾共三更
剪短刺相從百遍
投怪底書來香滿
葉朝朝常侍

翠雲裘

和宣溪秋夜雨中感懷

病怯衾寒瘦怯衣宦情全不似當時酒於前
月從醅戒詩過中年得句遲黃葉戰殘秋雨
墮白頭搔向夜燈悲無端更被西風惱勾引
蛩聲到短籬

評云

秋雨西風不厭相類
雨墮葉而蛩吟風耳

和子美秋日出郭晚歸

白鴈霜前尚未還遠村近郭亂鳴蟬田翁早
捐挑肩上里婦閑花插髮邊斜日青山催短
景破林黃葉換流年獨騎羸馬歸來晚家住

長安尺五天

評云

第五句謂山礪斜日易晚第
六句亦對得起尾句不之

秋日出郭限韻二首

紅槿黃桑拂馬頭野塘水入稻田流酒煩地
主鳴鞭送詩憶山僧授簡求籬落豆花驚欲
晚家山柿葉翹俱秋非關對景添惆悵自是
相如故倦遊

樹深疑接武陵溪野水平橋日欲西穉犂郭
中千頃稻嗶伊林外一聲雞名園花盡秋容
淡曲徑人稀草色迷衰颯可堪詩思苦也騎

羸馬共分題

題畫二絕

樹裏柴門晝不開野橋十里盡莓苔時人莫
道無奇字恐有劉芬載酒來

山腰茅屋得雲先有底幽人住洞天不是獻
書仁壽未定應解印義熙年

評云

得雲先三字新

飲劉振之寓次用錢世恒韻

酒殘午夜人皆醉花暗禪房月到遲頭白閣
梨猶健在移燈照我舊題詩

杯因多病常嫌大句到中年得每遲惟有風
流王太史人前能酒更能詩
香消金獸灰寒久水澁銅龍漏下遲今夜一
尊聊對月明年何處更題詩

壽王宣溪

雨過秋槐萬乳開繡筵涼爽客初來行厨燒
葉頻溫酒老鶴衝花故墮杯人薦子雲文似
馬我期平仲國封萊百年此亦堪為壽何必
逢人說姓回

劉振之和其韻

徃徃新詩遍后村偶然飄泊寄都門卞和有
玉期三獻方朔於書誦萬言白帽自為高士
態綈袍誰下故人恩感特莫憶江南路紅槿
花開叫蜀魂

代諸同寅送林克冲使暹羅四首

過海樓船候北風外藩旌節隔年通初聞蠻
語疑啼鳥欲寄鄉書少便鴻退食舊從門下
省歸心今繞建

章宮夷王若問

中朝事為道車書萬國同

評云起語

苦葉西風逾六街使君一騎發金臺遠啣丹
詔經年去直到滄溟盡處開異域住多諳海
味遠人相敬酌蠻壘歸時若更留文字定引
夷王遣子來

建侯欲尉遠方人

聖主臨軒遣近臣丹詔下時雙闕曉碧
幢到處百蠻春珠璣飾象迎天使簫鼓開船
祀海神聞說夷邦應更喜此君元不厭清貧
三年直省卧青綾今使殊方可慣曾海水帶

鹹渾似鹵夷民削髮盡如僧地偏蒸濕冬猶
扇船避魚龍夜不燈君自逢人能問俗愛君
特地語頻仍

屠元勳秋官以畫梅贈張廷芳憲副求
詩其上以李西涯韻答之時張赴浙臬
和靖寒花一樹無湖田聞有吏催逋寫圖不
盡都官意此去憑君自泛湖

評云

句意甚工有諷
有刺有含蓄

飲董懋克所限韻

竹木臨簷翠欲疑早秋時節氣猶蒸詩因覓

句韻知險月到上弦輪漸增投轄井中留客
飲舉杯花底記吾曾醉歸忘却來時路打馬
當筵恐未能

評云

押險韻不見其
難八句俱可

飲薛經府別圃和韻

放衙常向此看山京兆行窩十笏寬飲我不
妨尊似海送人曾記谷名盤話長日轉園亭
晚坐近風來几席寒不是聽雞騎馬累為留
今夕盡餘懽

評云

後四句
當勝

用韻贈德馨二首

諫院相知近十秋每多滄海內
涓流君嘗有句能凌謝我獨無才
近媿劉萬事任棋隨局變兩情如漆與膠
投感恩嘗笑田文客只解秦宮盜白裘

一見堂顏即厚顏為題詩罷更茫然
人從毀齒心猶赤君獨終身志不遷
白首弄雛方可喜青年懷橘未須憐
世間突兀惟斯屋綠野耆英亦浪傳

德馨宅即席限韻道別

抄秋雲冷鴈來時秋賦賦可橋送別詩官裡聽
雞人已去省中聞鳥吏應思殘尊此夜張燈
酒病柳明朝中雨枝去去扁舟定回首九年
曾受

聖明知

評云

三四一氣說去却有興致

飲胡冬官宅即席次韻

懷抱經秋鬱未開偶携方竹為君來
浮生能幾見落木老態醉愁行滑苔
元結為官真漫浪少陵退食每遲回
從今擬覓香厨尉說與

世人休見猜

評云

三四跌宕自成一家言

王太史過寒舍小酌即席限韻奉答
駐馬勞君叩竹扉
樹頭殘葉掛斜暉
家惟斗酒妻藏久
厨澁盤飧客過稀
籬下雖無元亮菊
篋中猶有杜陵衣
分明記得華堂宴
夜夜春城月出歸

陳千戶莊上即席韻二首

彷彿裴家綠野堂
柴門茅屋竹床方
近簷雲宿林花潤
隔塢風來水稻香
白鳥度秋山欲
曉紫騮馱醉路
偏長相過此
地年來幾回首
人間吏事忙

評云

五六極其用力點綴景意

十里平原一笛風
習家池上醉仙翁
林幽地似居塵外
山遠人疑在畫中
流水繞村浮淺碧
斜陽戀樹閃殘紅
重來莫謾思前度
特節逢秋自不同

朝天宮訪李鍊師不遇

到處逢人說姓回
棕櫚秋老暗庭臺
池邊換字鷺空在天上
聽經鶴未來
丹竈不因燒葉

東田漫稿 三卷 七
吟洞門曾為看雲開何時更擬携琴過相對
山花一舉杯

評云

三四自在與前篇
鳳字爲書不同

輓錢方伯母

久住襄陽着布裙老來一夢入秋雲空勞藥
累多年在無復機聲到夜分終古青雲悲仲
子九原白髮見封君令人却報梁鴻婦不與
要離相對墳

和振之遷居次諸中舍韻

時振又自寺
中遷居李德

警宅故詩
中云云

萬錢買宅豈無因燈火知君閉戶親更喜看
花連上苑肯因撲棗拒西鄰遠公社裏攢眉
客楊子門前問字人今日移家天咫尺莫嫌
鐘鼓聽來頻

懶與支郎共結因移家城市許相親從前辛
苦非關竹此去安居願卜鄰雪裏謾疑袁氏
宅城南不數杜陵人浮生到處都如寄莫厭
相過載酒頻

輓黃大叅

官街可但寫銘旌死有遺勳頌政平藩臬兩

東坡詩集 卷二 八
司俱歷宦甲科三殿舊知名朝臣尚注東南
目閩水空流日夜聲料得不憂身後事諸郎
已見貴慈明

為慶州毛指揮作

誰無終古恨君獨少年孤克謹春秋祀還驚
歲月徂望雲心已醉陟圯淚應枯可柰西風
掉年年漕上都

王太史遺帶詩以謝之

繫玉懸金想寂寥老橫角帶在臣僚惟愁沈
約頗移孔敢與公西並立朝塵世能消幾兩
屐時人謾詫十圍腰從今裝束因君換不道
龍鍾可挿貂

九日飲薛京兆別園再用前韻

地主應疑我姓山故將別野闢教寬品題謾
作茱萸泝清苦真成首蓓盤樹密每忘西日
落酒酣偏耐北風寒重來况是重陽日肯負
黃花不盡懽

秋夜不寐感而有作

白頭搔短對殘缸寒鼓聲沉月到窓為客不
逢牛渚謝携妻欲學鹿門龐愁憑酒破湏頻

酌病與詩慶未即降却憶扁舟歸去者蘆花
今夜卧秋江

評云是起

慈恩寺登高用杜韻

即海印寺

慈恩寺裏西風急與客携壺上古臺此日聊
同萍梗聚昔人曾見菊花開浮雲多態舒還
卷流水無情去不來安得長繩能繫日莫教
鐘磬上方催

重陽載酒慈恩寺十里湖光百尺臺近水田
園連宅買出林樓閣背城開黃頭郎擢官船
過碧眼僧騎御馬來獨有籬花非

內賜一枝留待我詩催

評云

感憤悲壯可想見其情尾句差弱

次韻王太史登慈恩寺閣

幸林隱隱水悠悠一犬寥寥吠不休黃葉滿
身僧入定紅塵拂面客來遊天寒北鴈縱橫
過日暮西山紫翠浮只恐菊花還笑我功名
未了髮先秋

評云

三四新

重陽後數日王存節鴻臚宅賞菊即席

東田漫稿 二卷 十
限韻

微官總了簿書忙步屨來尋五柳庄黃菊尚
如前日好白頭無復少年狂西風落帽人何
在左手持螯酒正香醉極不妨搔首坐冷雲
飛盡暮天長

朝天宮訪真秀才

庭院經秋碧蘚生白雲兩屐雨餘輕敲門一
犬籬邊吠倚柱群魚水面行半榻喜君依靜
舍十年慚我住都城今宵共剪西窗燭笑語
還驚鶴夢清

過黃翁家留飲用唐韻

遠尋地主故遲回秋盡黃金百尺臺貌若隔
山爐尚在醉能濯足客重來馴鳥得食莎階
靜小犬迎人竹戶開潦倒謾題詩在壁不妨
風雨長莓苔

次韻答郭子美書懷

三十七年空擾擾公私都作冷齏吹健忘自
笑聰明減多病從將懶惰疑何畏彼哉非恃
酒徒勞人耳是能詩何時一棹柴桑去揮手
紅塵謝世兒

評云

五六雖自戲自笑然自負正復不淺

春詞

紅梅花插銀瓶小紫降烟隨金篆裊病酒偎
香起尚遲流蘇帳煖雞催曉是誰偷捲繡簾
窺庭院堆鹽揔不知小立風前梳洗罷笑團
雪打綠衣兒

評云

如此作豈在溫飛御晏叔原之下

幽居

幽居人不到撫景自留連露重花垂地風狂
絮上天鶯聲行酒曲榆筴買春錢只恐王維

過相疑是輞川

評云

其二聯甚口

道士燈

泥塑黃冠紙作身兒童燈下喚全真雖然外
似人模樣到底中心不是人

評云

此當有所諷

代王掌科送張省祭官

十年為吏了囊金博得青衫返故林白髮高
堂忻戲彩綠波春水惜分襟平蕪一騎辭燕
壁落日孤村望楚岑莫把宦情從此薄張湯

元亦戴朝簪

和韻慰郭子美下第是年予校文春闈

早歲青雲期致身中年兩鬢尚風塵龍門點
額誰憐子滄海遺珠我媿人大器終成休恨
晚好花遲發會逢春從今莫問窮通事高岸
林間折角巾

評云

未句有含蓄謂標格能如郭太則一第得失不足為榮辱也

用前韻送楊文晦下第還家

濁酒都門又送君東風輕颺化衣塵校文我
濫吹竽列失意誰憐鼓瑟人一棹遠投南浦

夕兩鶯初轉上林春懸知此別重逢日高領
宮花插醉巾

評云

景語閑曠有趣

送蘇鍊師還山

南北東西自在行黃冠高岸餌黃精市壺賣
藥無人識石鼎聯詩有客驚了道許留丹曰
別好書已養白鷺成山中此去何年出聞說
脩琴再入城

述懷和敖靜之韻

幾年騎馬走黃塵富貴邛邛一欠伸世上雞

東坡漫稿 卷二 十三
虫無了日山中猿鶴已嗔人文園卧病思封
禪宣室求賢問鬼神讀罷古書長太息小簷
花落又殘春

評云

憤情幽思種
種可想見

四月八日陪王世賞編修郊行限韻

撚斷吟髭已數莖高才摩詰句先成徧題蘭
若凌晨往聞說瞿曇此日生陌上風花常撲
面眼前山水足怡情絕勝嚴武西川道小隊
行春列騎兵

城市囂塵汨此身偶來城外避囂塵與同刻
曲乘舟客吟對新豐濯足人雞黍淹留期盡
日鶯花狼藉已辭春何時重覓今朝會狂脫
尊前漉酒巾

評云

雞黍鶯花之句是尋春
景意故對偶太巧不妨

一春孤負賣錫天四月尋芳到水邊社鼓正
祈收麥雨村炊遥起隔林烟屐穿林媪栽花
圃酒載陶翁種秫田為語同遊諸諫議好因
風景惜華年

和董子仁郊行飲王家庄上

青山環列補顏墻景物依稀似謝庄日轉當

東田漫稿 二卷 十一
筵移柳蓋風來隔澗奏松簧經春村郭花辭
栢近水田疇稻著秧休沐此遊多勝事不堪
回首故園荒

輓陳民部繼母方孺人

斷弦重續太丘家七十流年兩鬢華舉世有
寸吟柳絮平生無子衣蘆花剪刀院冷填黃
葉織錦窗虛暗綠紗遺恨鼓盆人尚健與誰
同挽鹿門車

郊行飲王家座上再和前韻

綠水環村雲度壻相逢一笑輞川庄交花野
樹明如錦學語林鶯巧似簧陌上遊人狂載
酒田間少婦解分秧我來不為看紅藥地主
休辭後圃荒

評云起語
閒曠

省中和李汝弼韻

承恩日直殿西廊絳闕沉沉晝漏長垣竹映
窗分綠淨宮花隔幔墜紅香迂踈自幸為文
吏淺薄將何報武皇回首却慚雙鬢改六年
供奉綴班行

覆和前韻

東日漫稿 三卷 十一
白首叨陪鷓鴣驚行北自爭似傲羲皇酒開春
甕愁仍醉花落風簾夢亦香夜雨溪聲來枕
近夕陽山影到門長自慚岐路迷歸轍猶戴
朝簪直省郎

書懷

一夜西風到小樓寂寞門巷不勝秋雨中茂
樹皆黃葉燈下羈人欲白頭富貴無心聊作
宦功名有分莫封侯他年事畢投章甫擬著
漁簑理釣舟

評云前四句好

和方文進寫懷韻

六年潦倒面

宸旒知足常懷馬少游龍尾趨朝行老病蠅
頭射利豈良謀畏途泥淖驥垂耳宦海風濤
魚中釣却笑相逢關令尹不知誰擬駕青牛

謁陵道中李文卿秋官限韻

諸陵秋樹暮雲遮樹杪群峯似犬牙人望
寢園才一舍路經村市抵三家烝嘗
先帝應如在廟貌前王更莫加寄語驪山
山下冢當時此地是龍沙

懋沙河寺

五年三度謁 西陵野寺頻過識
病僧聞說先皇殂 落後玻璃未滅佛前燈

答李士常侍御見候韻

衝泥何處駐輪蹄 水繞孤村渡欲迷
自覺省郎渾倦思 謾勞柱史又分題
馬諳熟路常先發 鴉閃殘陽定後栖
却憶曉辭三殿罷 香烟携出午門西

評云五六新

和邵文敬

部墜馬韻

風流曹長擅詞場 走馬長安墜欲傷
快意豈知翻取辱 全神不道醉為狂
曼卿誤矣誇非瓦 樂正危乎殆下堂
從此坦途還可畏 人間無處不瞿塘

剪花

我持鬼國鐵 剪碎洛陽錦 紅紫觸手空 綠陰
意得甚 是以芳菲姿 見予恒凜凜 感之問西
鄰 園英有奇品 護以百寶闌 萬卉皆斂衽 嗟
我忽頽然 背花擁高枕

壽惟明處士 時年七十四 月朔日生

白頭老子地行仙曾杜柴門草太玄生此釋
曇先七日壽惟絳叟長三年元龜引氣搯林
下老鶴呈祥舞席前若道延齡真有訣此翁
嘗治養生篇

送孟鑑千戶侯漕運還家用郭子美韻
繻棄關門吏共賢相逢京國憶當年遼東近
擬收三箭地下元從受一編漕運遠承民部
檄餞行深媿水衡錢紅亭酒盡行人發十里
垂楊鎖暮烟

言懷用東坡次韶守狄大夫見贈韻

少年人詫白眉良末路羈栖歲未央四壁若
為歸隱計一函惟貯養生方秋來卧病踈毛
穎老去甘貧絕杜康况復無才堪補衮強含
雞舌侍岩廊

評云句律句稱絕
熟自是作者

住俸

自歎謀生拙似鳩閉門停祿卧高秋東方曼
倩將飢死司馬相如欲倦遊善飯豈能誇間
使加飡何以答書郵明當拂袖柴桑里碎倒
東籬百不憂

東田漫稿 三卷
麥秋停祿到瓜期老病那堪更斷炊八口二
旬才九食五年一飯已三遺監河侯欲捨金
日魯郡公將乞米時却憶故園禾黍好不勝
鄉思獨支頤

感懷和郭子美韻

知君豪氣少相換高卧元龍百尺樓紗帽白
侵頭欲雪酒爐紅燒葉初秋驚人有句貧逾
壯于世無書老尚愁安得祁奚今在位薦賢
不念解狐誰言

評云三四句法

自述

高山興蕭然氣槩無心草太玄黃葉擁
階堪者藥青藜倚壁倦挑錢強拋不得惟浮
世力挽難回是少年却欲相從陶處士掀髯
一笑菊花天

書大名察院

時為長公主勸地

我來欲下翳桑壺鼠輩欺民錐併無政使士
夫逃唾罵豈能將相便身都破車忤主人何
在判磔還僧勢亦孤明發歸朝見
天子會須還上鄭公圖

評云

語雖粗直孤憤凜凜可畏

開守彭載道以名酒新鷺見遺詩以答之時彭久病

三年兩地惜離群今日開緘宛見君送酒慢勞賢刺史籠鷺深媿右將軍誰同夜刻澶淵燭我獨朝停魏博雲來使却歸煩問訊主人何似沈休文

評云

八句俱穩妥恨末句休文與聯內右軍重疊耳

過舊大名城

高原立馬夕陽春為訪前朝避暑宮野黍鴉

黃兼鴨綠渚蓮孤白亂猩紅北門鎖鑰沉沙
久東郡輿圖劫火空惟有斷碑荒草裡數行
殘字紀天雄

評云

三四頗傷工巧

再過舊城

停車重上魏城隅宋祖行宮迹半蕪獨樹邊
流空照影敗荷擎雨不成珠斷碑有字題科
斗古井無聲汲鹿盧欲問當年興廢事野人
長嘯起林鳥

評云

二詩懷古俱佳後篇勝前篇

輓唐良弼茂宰二親

馬安山下埋雙玉，風雨年深長薜蘿。
明府悲愁天共久，中郎文字世難磨。
胸前有石支機在，門外無船載酒過。
聞說近來原上樹，秋風應比舊時多。

壽錢世恒父

七十行年兩鬢絲，此翁高壽更誰如。
少陵有癖仍耽句，玄晏無官愛讀書。
春酒熟當修禊後，曉筵開憶設弧。
初豈知塵世求名者，老幹龍鍾尚曳裾。

評云

三四自在犀句頗近課罵

送鄧職方考最還南京和汪文潔韻

西垣有客憶當年，風雨簾牀共子連。
話舊各悲三峽遠，書勤獨占兩京先。
便從薊北冰霜地，歸去江南橘柚天。
萬里相思書咫尺，春來好寄五雲邊。

送范法曹謫倅鳳翔

疋馬蕭蕭行路難，遠從燕壁謫秦關。
寒城歲杪驚分袂，春殿年華憶賜環。
富貴宛成棊累卵，功名何異觸爭蠻。
憐君無計留君住，媿我

徒居供奉班

輓田廷尉母夫人邵氏

夫子門前食客謹
夫人况出故侯門
錦堂忽棄三牲養
白髮空傳八座尊
嘔血已聞悲阮籍
倚問誰復望王孫
高陽故國堪埋玉
風雨蕭蕭黃葉村

長安雪二首

關河初凍合風雨到
凶時籬犬驚常吠
林鳥下復疑紅樓人
起晏白屋婦春遲
更念邊城卒戎衣
冒冷披

漠漠同雲合天寒鳥過稀
午橋飛六出甲第掃三歸
帶雨凝金勒隨風打鉄衣
何如袁處士高卧掩柴扉

評云

二詩俱佳後篇勝前篇

寒夜自述再和舊韻

飲醅聊取醉挾絮未嫌貧
持比飢寒者猶為富貴人
一家通十口千里隔雙親
今夕團欒處悲懽近隣

再贈范法曹

君佐宗資郡予留郭隗臺
再三斟酒別萬一

寄書來足馬衝風去殘鴉背雪回茲行安義命

聖主合憐才

評云第六句好

早朝值雪限韻

曙色微明

三殿開九天風雪浩無涯僵髯綴凍頰須捋
病眼生花錯費揩中使掃迷龍尾道昭容行
沒鳳頭鞋茂陵若起相如病未必梁園賦最
佳

評云細潤可喜韻險愈見其難

和韻賦雪

北風吹面利於鑣十二街中亂撒鹽入寺天
花紛作陣巡簷冰柱倒懸尖短衾正好蒙頭
睡凍筆何堪信手拈聞說近來多道殢苦將
三白為誰占

評云世爭傳東坡雪詩如此二詩韻險更甚而雄渾自在更出坡翁之上

觀者當自得之筆舌不能盡述也

歲暮

歲暮支願獨倚樓宦情羈思共悠悠清貧擬

東田漫稿 二卷 二十三
貧龐居士老病誰憐沈隱侯朔雪欲消山日
暝北風初起塞雲收天時人事闌珊盡時復
寒禽噪瓦溝

禱雨有應

清曉齋廬豁病眸好風將雨入西疇已添太
守名亭喜頓減詩人為國憂水面漚多池欲
沸山腰雲擁地如浮憑君謾說秋成事肉食
從來不共謀

評云

佳作恨尾
句太露

感懷次郭子美韻

日漸無補

聖明時半世齊竽只濫吹性懶敢嗔人共棄
官貧却免盜相疑陶潛罷去緣耽酒杜甫流
離坐善詩何用載書三十乘從來了事屬癡
兒

次教靜之九日言懷韻

騎馬聞雞有底忙一秋憔悴沈東陽身隨杖
竹空存節髮比籬花不耐霜官裏八年三見
閨夢中十夜九還鄉何須更落西風帽黃葉
填門獨舉觴

評云好前四句
不似和詩

西涯侍講圭峯宣溪二太史夜飲寒舍
有作次韻奉答

空堂坐久嫩寒生紅燭花殘墮地輕十月風
光綫共賞百年扶履幾隨行官曹雖隔中書
省里巷同居北斗城今夜一尊聊會合小簾
低度漏聲清

評云起結俱
俊語

劉振之遷居次其韻奉答

移家深巷閉門居對酒顛狂對客愚詩卷盡
圖交插架晚菘春韭混成區書投光範蓋同
愈跡隱中條擬學圖我願卜為鄰舍位行囊
爭柰一錢無

次屠秋官元勳韻壽劉振之

君才十倍蔡中郎尺牘何年奏未央項下有
絛仁者壽眼中常白醒而狂朱門不結王生
襪皓首期為陸氏莊我欲預儲千斛酒每逢
初度一登堂

寄蕭文明次其韻

聊復題詩寄遠人天涯一別幾晨昏玄都觀

裏非前度武德年中有讜言瑣闥尚懷同出
入瘴鄉深喜獨生存始知去住皆

君賜莫道南遷不是恩

評云 蕭海鈞一代偉人故此詩極其珍
重三四謂今時又非海鈞抗言時
矣

萬歲殿次王太史韻

在朝
天宮

門鎖蓬萊落葉多

先皇行殿尚巍峩當時朝士重來少此日微
臣再拜過銅狄猗猗寒可怖巨靈鼉鼉夜猶

詞

翠華一去無消息宮樹深附女蘿

青虛觀次王太史韻

城市分明有洞天挿雲樓閣翠相連已聞滄
海能成陸地用豐碑為紀年伏火丹砂雜未
試開林黃葉鶴無眠方平今夜知何處又共
麻姑西小還

臨林初度為孫希說進士賦得聲字

蘇門長嘯作鸞鳴怪底年來喜事并賓館曉

三獻壽禮闈春榜更題名宴開聞喜

一思重酒酌長生醉眼明只恐隔花聽法部

蘇軾笛奏寒山聲

冬夜偶書

甲第誰投刺朝衣瘦不勝睡於冬夜足詩句
詞年增家近通書易官貧立券仍幾思歸粟
里江守欠王弘

評云第四句

寒夜

小窗坐孤燈
燭灺已冰猶
百塔
塔
燭灺已冰猶
百塔
燭灺已冰猶
百塔

松鶴圖

聞說而翁壽方瞳夾秀眉種松身可抱養鶴
背堪騎靜鍊形俱瘦寒期操不移畫圖渾未
盡更與一題詩

振之招飲以腹疾不赴作詩謝之兼東

王太史

不得尊前共一卮閉門獨自擁衾時光陰可
但如過客造化分明似小兒拙引世人生口
語幸惟吾子是心知明朝痛定相尋去未許
山公擅習池

有感二首

性資愚拙賦命迨遭平日交
遊中道改路甚至有擠之井

而又下石者因賦
短章用東同志

隱几慚歌伐木篇翻雲覆雨最堪憐也知天
道如弓在爭柰人心似面然秦晉結姻空累
世耳餘貽笑已多年早知木槿花殘易定覓
長松種眼前

怪似鵲鷓惡似鷓向人談笑替人嗤多方難
避含沙毒有計無過入甕竒渠死定應淪十
獄我文何用罵三尸年來禍福分明甚莫道
從前造化私

得襄陵尹李汝弼書詩以報之

遠書珍重見情親記得君行是暮春別後相
逢惟有夢老來交契更何人薊門飛雪風初
臘易水流澌日正申題罷一緘無可贈空勞
白鴈去來頻

寄業師陳先生時舍姪從其遊

曾事先生住白牛別來人世幾經秋天涯自
嘆侯芭老門下今看小阮遊情有萬端書不
盡夢雖一見醒還休關河流水年年綠不識
相思到水頭

西掖晚歸有感時事聊賦述短章用呈

同志者

矮窗缺月照人寒，殘雪留簷凍木乾。衰信已憑雙鬢寄，世緣聊作一枰看。斜封官好空批，神武門高未掛冠。悞却登山與臨水，十年騎馬走長安。

評云稱

悼亡女用蕭文明韻

二尺新墳瘞汝身，倚門雙眼哭將昏。病來不共龐公化，老去誰諳伏勝言。憶昨燈前聞笑語，從今地下失溫存。也知過慟渾無益，爭柰

難拋父子恩

和宣溪述懷

百事無成柰老何，顛毛衰盡類頭陀。病駒可但饒芻豆，傷鳥猶思脫畢羅。昨日已非今日是好懷，常少惡懷多。憑誰為鼓湘江棹，唱徹滄浪孺子歌。

評云熟筆不費力

和陳粹之僉憲借居韻

一官纔滿又移居，蹤跡如樵復類漁。地僻未栽王氏竹，車多先載陸家書。正堂聊借三間

足負郭應無二頃餘為報使君書最畢還來
花底坐籃輿

帝王廟 內有元世祖像

世祖祠堂帶夕曛碧苔年久暗碑文薊門此
日瞻遺像起輦何人識故墳綽楔半存蒙古
字陰廊多繪伯顏軍可憐樹老無花發白晝
鴉鳴到夜分

題莊僉憲章江賦別卷用王太史韻

記侍王維送別詩樹分楊子湫相思豈應從
此愁榮骨謫向江南盡別離

江初發木蘭舟人倚勝三歌舞樓今日君
江水逝相思載過海東頭

許云 盛唐人語也

過廣恩寺有憶用長老

門長鏤野烟凝瓦礫年深積漸增紫陌縱
木前度客白頭不見舊時僧疎林罷菓寒鷓
嘯影案留塵夜鼠登獨有雨花臺尚在無人
說法為傳燈

天寧寺次韻

參差烟樹似東林塔院年深草亦深靜極不

通車馬路來多應換市朝心屐經苔過留僧
跡磬隔花敲答梵音我亦故饒林下與幾回
感此欲接簪

評云

三四好惜
尾句相犯

題冀文華郎中墨牡丹卷

卯酒初醒宣喚急沉香亭上已鈎簾太真倦
理烏雲髻背倚闌干暫黑甜

銀燭夜殘花已睡瑤臺月暗酒初醺此時試
凭雕闌看始信丹青手十分

烏龍行雨黑風吹注消羲之洗墨池流出百

花根底過牡丹一夜變成緇

評云

三絕俱可喜不減
陳簡齋墨梅之句

除夕分韻得未字

閉門不謁金貂貴坐擁寒爐縮如蝟僵髯撚
斷肩聳山聲比飢鷲僅餘氣流年一去不復
回徒嘔狂心甚無謂急呼妻子洗甌罌隔隣
貰酒聊相慰須臾酒盡吻更乾悔不即時作
兵尉兵尉有時還自來阮郎嗜酒非因味便
將此意問玄冥脉脉無言似深諱令人感此
重茫然起視中庭夜央未

哭亡兒晉生

浪在人間過五齡只呼小字未呼名病多常
是居懷抱年小焉知痛死生老淚橫流揩到
曉悲腸如割怕聞更雖然時共人談笑無那
愁心暗裏縈

立春後禁直

禁門深鎖隔采魚吏散空階鳥下遲殘雪未
消鳩鵲觀暖風先到
鳳凰池一官多暇文書靜十載無能鬢髮衰
便合放舟江海去豈應常戀好文時

評云

富麗閑闕不減盛唐諸作

挽鄧廷曜編修父

門外閩山遮莫青鳥皮几在更誰凭圖書壓
架思玄晏水竹移居失杜陵墓石文章鐫細
字影堂風雨暗孤燈可憐東省西曹客抱為
而翁淚滿膺

評云

挽詩似此者在古亦少未句未稱

除夕次韻三首

歲杪東風到尚遲撚髭脉脉白尋思一冬寂
寞將除夜十口團欒共守時燭燼剪殘猶命

酒爐灰撥盡未成詩為君預料明朝事同受
新年更莫辭

評云可喜可笑

捐拙煨殘酒緩行重城清漏下三更欲留此
夜知無計堪笑流年太薄情報國筋骸將老
儻當家兒女未生成歲寒心事誰同語坐對
燈花百感生

評云三四甚好

白髮綠愁積漸生山林朝市兩無成也知冷
暖分今夕不道光陰亦世情眼暗已難看細

曆耳聾猶可數殘更明朝媿受新年

寵雉尾前頭奉引行

評云第三句好惜對不起

和吳掌科新正述懷

閒據胡林遂弄三東風吹面髮鬢參細思往
事誰非夢同受新年我獨慚世上雞虫何日
了山中猿鶴此心甘狂來且學少陵老典却
春衣日醉酣

人日次劉振之韻

客裏驚逢挑菜天東風回首一茫然占豐已

過牛羊日筭老徒增犬馬年性僻懶投時貴
刺官貧常負市沽錢濫竽猶幸無人試敢恨
班資久不遷

評云

三四可喜
五六亦佳

齋宿大興隆寺懷圭峯侍讀景范司封
各一首

絳園風暖雪晴時殘臘階前樹合知借榻偶
然三過宿懷人聊爾一題詩因尋方丈茶初
罷閒立迴廊月較遲料得徒吟狂杜甫寂寥
燈下亦深思

蕭寺鐘鳴月在東憶君聞之柳邊風春知雪
意還留白寒妬花枝未放紅寂寞齋居三日
後從容扈蹕

五雲中分明便有仙凡隔不獨官曹舊不同

評云

三四寫得
蚤春好

十六日聚飲照上人房二首

蒼苔封深未試花蕭然興味野人家春寒客

醉貂裘酒泉遠僧分雪煮茶局裏殘棊狂着

醉生問新字醉題斜梳來騎馬東西去門掩

衣階琴凍鴉

評云

潭成自注本句與意不

閒尋蕭寺及初春禪榻無塵最可人僧已白
頭身尚健客俱青眼意尤真收燈時節花將
發掃雪人家酒正醇莫怪相逢即沉醉浮生
踪跡易參辰

評云

前

張醫師牡丹卷

誰將洛陽花寫向洛陽紙千年無人收流落
杏林裏

評云

續

寄鄉先生趙君

遠書珍重寄相思聊復題詩問起居別久白
頭知尚健住多青瑣媿先衰暖風揚柳才黃
處春雨靡蕪正綠時却憶故園花下酒無由
縮地一追隨

壽蔡明府

黃通政婦翁也

五柳庄前鶴髮翁秀眉盈尺炯方瞳逢人愛
說先朝事得壽疑修內景功遠地獻圖
當誕日頻年開宴對薰風銀臺不是東窓客
誰索題詩寄越中

東坡詩集 三卷 十五
挽三都堂朝遠

丙浙三秦舊有聲，勲勞不說虎頭生。身因許國成多病，心為憂時退亦驚。山水已難留大雅，子孫相繼守幽貞。他年信史還當錄，不獨區區月旦評。

花朝後十二日山遊限韻二首

未覺滄洲減吏情，五年三度此經行。山明似與花爭媚，春到先憑鳥寄聲。閒欲出城頻假沐，醉雖題句懶留名。重來明舊渾應少，惆悵湖西草又生。

似與山靈隔歲期，重遊風景記前時。寺因路遠來常少，僧怯春寒起故遲。草色漸分岩下石，花枝斜亞水邊籬。醉歸莫話閒行事，只恐城中人未知。

次周都尉韻

春日湖西路，相期訪道林。水肥魚已乳，花老樹多陰。燃竹行厨午，彈棊小院深。頓令城市客，忘却去留心。

三月十一日過城西劉氏庄居有作限

韻

東坡先生詩集 卷一
偶乘休沐此經過花事闌珊可柰何十日身
終一日暇三分春已二分多柳深村巷鳴黃
鳥水暖池塘泛子鷺撫景不勝鄉思發幾時
歸昌濯纓歌

十四日遊甕山次謝于喬太史韻二首

柳外湖光花外樓四時佳興屬春遊隔林陽
燄初疑馬度水晴雲欲亂鷗客醉不禁寒食
酒僧歸還上夕陽舟自慚潦倒東風裏也復
看山逐勝流

評云

佳甚不
能唐人

草色湖光遠帶樓一春過盡始尋遊未愁花
落如紅雨祗恐身忙媿白鷗寺僻豈無玄度
屐樹深疑有武陵舟山人若肯招携住洗耳
寧耳逐下流

評云

後首微不
及前作

是日次李西涯一首

醉騎羸馬行常後重到西湖髮已華一笑不
知身是客十年真以宦為家園林此日堪携
酒城郭經春始見花寄語同來看山者暫時
幽賞未須誇

東田漫稿 二卷 十七
送冀文華郎中弟文緒偕其姪還淮南
為客思南國還家下北州大馮才共被小阮
又同舟回首鶯花暮驚心兔麥秋可堪圖畫
裏池草重添愁

評云

着題可喜鶯花兔
麥對偶巧而不卑

壽李侍講止賢二親

教子官

鸞掖同妻隱鹿門此時方具慶前

歲已馳

恩珠翟頭初白青藜眼未昏會應

躋上壽膝下見玄孫

評云

穩重
可傳

寄李大尹因時上舍附上

故園不見動經年時復人傳令尹賢桃李有
花春繞縣村庄無吏夜徵錢印從事少文生
綠琴為彈多指膩弦遠地忽聞歡不盡題詩
聊寄孝廉船

題漁舟便面

不了烟波事非關傲列侯懸厓斜出樹折葉
倒侵舟天潤鴈愁度水寒魚倦遊科頭蓬底
坐話盡忽驚秋

評云

中聯俱好
三四尤佳

兩翁閒坐處抵掌話封侯
鴈影沉江水蘆花隱釣舟
始知九鼎食不及五湖遊
却笑磻溪老逢人鬢已秋

寄呂都憲天章

獨擁旌旄駐漢關
勲名不讓虎頭班
兵臨沙漠風雲合
威振單于士馬閒
可但肝腸堅似鐵
也知號令重於山
裁書幾度慚還止
老我棲遲省署間

寄郭澹都憲之子

問年猶白少終軍
對客揮毫已善文
金彈不

曾緣鳥擲蘭膏時復為書焚
而翁舊共青綾被
老我空懷白練裙
今日寄詩聊爾爾
他時看汝賦凌雲

崇恩樓周尚寶所創蓋以藏三朝制誥者

不為殘年惜俸資
清溪溪上構新居
兩肩華髮三朝寵
百尺危樓滿架書

聖製煒煌追帝典
名流歌咏過黃初
主人况是先憂者
暇日登臨思有餘

寄郭都憲

一從車騎駐桑乾
欲寄音書馬到難
去病又

增新食邑子雲猶拜舊郎官省中青瑣頻年
別塞上黃雲盛夏寒最是憶君無那遠空勞
魂夢繞邊關

評云次聯不
及前聯

送錢世恒赴廣南料理邊儲

太倉粟陳紅四海正寧一

天子念邊儲臺臣持斧出悠悠赴南荒飽歷
蛟龍室所至更弊端庾胥應股栗乃知激揚
才亦諳會計術璋雨細於塵瘴烟暗於漆借
問彼唱籌何如此簪筆願言聞早歸

鵲首觀 天日

輓畢大尹

三春返哺慚烏鳥萬里歸心付白鷗相識祇
知仁者壽夫人豈謂卒于官東風花縣吏應
泣落日秣田人不還最苦阿戎聞訃處解冠
揮淚別劉寬

壽韓孺人

記得歸龐老當時髮似鴉而今垂白髮初度
對黃花建業家應舊淮陰胄亦華題詩聊致
祝桃熟歲方賒

東田漫稿 二卷 四十一
壽林待用父母

都官堂上白頭親歲釀黃柑一甕雲隔月壽筵凡再舉百年遐筭已平分山中舊業惟籬菊蕪下渾家只布裙共此優游應未老會嫌竹袒笑桐君

題携琴訪友便面

野叟携方竹山奴抱古桐知音渾不見延佇夕陽中

又題山水便面

遠寺鐘聲盡空江月色新倉忙沙岸者應是

後歸人

評云

冲淡有深趣

送周仁廣通判三首

除紙親持出

帝居福州民吏候征車莫教瘴海炎鄉化不及方城漢水初特望盡歸新別駕家聲猶屬舊尚書懸知別後懷君者極目停雲倚直廬門巷應嫌俗轍通草堂買占市橋東官聯禁署同卿月人出名家有父風久判此中千日醉未能忙裏一尊同何當共學嵇中散曠日

林間送去鴻

評云

卿月父風
對屬太巧

頻年杖屨得追隨
今度園亭醉莫辭
騎馬慣忘通刺入連墻
深悔定交遲
室懸別榻空勞
下笛據胡牀
已盡吹却笑世間
反覆手恩私
容易向人施

題王彥明秀才畫中梅花

曾到江南見此花
托根多在野人家
縱令他日調羹用
只解含酸澣齒牙

遊潭柘山龍泉寺限韻

聽盡泉聲看盡山
好山仍在翠湖間
一身酒債兼詩癖
半日僧忙讓客閒
老屋人家多玉著
斷碑年月紀完顏
却疑此地非塵世
挿竹沿流誌往還

評云

第六句可
備故實

落日蒼涼拂樹林
一聲清磬出雲深
已從睥睨知山近
更與殷勤著屐尋
石磴縵迴蘭若外
野僧閒立貝多陰
同來我亦萍踪客
載酒何年此重臨

評云

山境幽夔寺僧閒適故殷勤尋訪
又欲載酒重來也寫得委曲盡妙

王太史園亭同明仲洗馬圭峯侍讀西
涯侍講曰川修撰正夫提學小飲

再到王猷看竹鹿新梢無數入簾青酒開上
若斟瓊液門對青山列畫屏晝永陰雲垂雨
脚樹深幽鳥墮風翎相逢莫漫談曹事恐惹
花枝笑獨醒

評云

佳作作起
得十分豪健

銀燭光搖四座寒主人留客興多端春分酒
出吟懷逸夜合花開暑氣闌行愛莓苔常避
屐坐便風露偶忘冠同來莫惜同傾倒塵世

相逢一笑難

評云

自在
可喜

次夏憲副留別韻二首

明日都亭餞使君為君今夜賦停雲十年南
北名空仰兩月東西路又分尊酒不勞辭滿
酌簿書須莫事深文淮陽此去還當召好趣
征車見

放勳

逆旅逢君又送君可堪離思繞行雲客程水
路兼山路夏事三分已二分知己豈無揚得
意憂心空切范希文平生賴有閒風月足向

東田漫稿 卷三
詩壇別立勲

夏憲副除山東得 旨詩以賀之

貞元朝士幾人存君又驅車出薊門
兩月外臺聊借重三年東海定無冤
文章賈纔堪並學術申韓未足論
此去也知非遠別可禁蕭索對清尊

次韻喜羅洗馬得孫

短檠誰繼讀書燈梧竹孫枝喜又增
此日開顏先慰祖他年正字莫遺朋
人間已應麒麟兆夢裏行將鸞鷲憑
料得玉堂初報慶紫薇

花外引鈴繩

評云賀孫熟題又押冷韻故用
事大亦不得不知此

夏日訪李鍊師

紫霞盃裏注黃流來鶴亭前記舊遊
得句喜狂渾折屐掃苔環坐共科頭
殘鴉背日初投樹新月窺人欲上樓
不是奚奴催返轡會須秉燭夜深留

巨勝花開候道流共言今度是重遊
坐依高

樹驚蟬蛻歸見斜陽墮馬頭
滿地碧苔倚小院一聲鉄笛隱重樓
何當月夕風晨裏尊酒

期君十日留

評云中聯押韻
尤覺勝前

壽宗勉馬司封

京國逢君已十霜情深爾汝兩相忘道分南北原同姓曹隔東西揔是郎再歲登堂人未老百壺開宴酒初香將來願似陶弘景白髮蒙頭眼更方

送程貳守赴嘉興

再領銀青赴浙川暑風將雨濕征衫十年郡國繁霜鬢萬里關河耿布帆奉檄又參新府事判花仍署舊官衙東南蜀說多駭故此憑君遠寄緘

集杜送王彥平

蒼惶忽就長途往萬里風烟接素秋念我龍書數字至悲君已是十年流久存謬添應難並高視乾坤又可愁此別齊強各努力春山無伴獨相求

秋懷和振之病中韻

宮槐涼影坐間移曲几方林靜可憐
知殘葉下起來錯認落花飛南風不競西

東田漫稿 三卷
急新髮無端舊髮稀獨有醉時心尚世
中夜泣牛衣

評云三四見
得病意

小畫景

橋頭泥滑滑山腹雨飛飛戴笠支藤者應從
城市歸

重陽前四日

茱萸酒熟授衣時遠客登樓有所思一病腰
頻移帶孔十年面已似靴皮雨聲自竹無虛
葉風致瓶花僅折枝幾度欲投章甫去此生

爭受九重知

評云五六
好

題戴文進送別圖

白雲紅樹路悠悠三兩行人古渡頭一向江
南一江北不知何地著離愁

送定師歸淮南

幾年遠故國今日送歸僧薊北天將雪淮南
水未冰喜飛名刹錫還續舊壇燈不道東山
路支公獨養鷹

祠部來南土袈裟離北州自稱臨濟派人道

遠公流下水孤槎晚邊淮獨樹秋遙知到山
日說法見彌猴

評云

五六似
唐人

贈林千戶

將軍豈合領牙籌到處風光豁壯眸萬里雖
同韓滉漕十年真作子長遊別離都下冰霜
早歸去江南橘柚秋何事山川看不盡更為
圖畫感孤舟

十月十七日同鄧侍御宗周巡視京東
馬房迄歸得詩十五首通州道中三首

一官羈絆老京塵此日重臨析木津黃葉樹
兼紅葉樹黑頭人變白頭人來牛去馬生涯
倦南陌東阡世路新賴是雲山行處有不然
何地著吟身

曙分平麓少風塵野色蒼茫遠帶津瘦馬獨
吟行部客蹇驢遙辨上京人天寒白鴈霜前
度木落青山雨後新却笑經年在城市匆匆
真是不閒身

又駘羸騎出東城官道無塵似掌平南去比
來今老大舊村新館幾紛更樹頭敗葉經霜

盡天末殘霞照水明惟有青山終古在淡粧
濃抹送人行

淶石橋公館題壁用前韻

鬢髮參鬢足黃塵遠道初窮涉近津駐節暫
留中監宅題詩還對北臺人酒乾銀甕寒應
退燭剪金刀話轉新明日又鞭官騎去萍蓬
終恐是前身

館中有老中使自言鄉里人索詩甚勤
用前韻漫賦一首

多少貂璫在後塵黃金小帶立華津感恩猶

先帝聞語遙知是北人沙苑久居風致美霜
天留飲月華新醉來却笑涼州守斗酒何勞
致此身

官庄道中

內廐養馬草場

漠漠平沙野望寬漢家小苑近長安孤鴻墮
日青山小萬馬嘶風白草寒遠火隔村明候
館驚塵如霧撲征鞍長途不盡吟懷倦始覺
人間行路難

評云

三四鍛鍊工甚

宿北石渠公館次壁間韻二首

十二天閑此最遙，蒼山重疊水周遭。偶來中夜占天駒，自笑微官類馬曹。歌枕嚴更初隱約，打窓寒葉正蕭騷。無端更被詩神惱，撚斷吟髭月漸高。

評云

五六雄豪自在

小隊清笳引路遙，酒杯隨處苦相遭。偶然有作留山館，見者休驚是水曹。零雨出門泥布護，長風吹帽髮刀騷。明朝西掖相望此，一抹寒雲鴈影高。

石渠阻雨

沙村孤館迫，客到亦應稀。木落山新瘦，泥深雨正肥。長途愁去馬，薄冷透征衣。欲發還成住，空勞詠式微。

登孤山書寶峯寺二首

野寺凌山頂，羊腸一迳斜。客來嘶驥裏，僧出具袈裟。遠岫雲疑雨，寒天樹歇花。嗟予行役倦，就欲此移家。

禪宮金碧照林丘，人道重經內監脩。鶴擾下聽僧說法，犬鳴知有客來遊。山腰石潤初過

東田漫稿 二卷 四九
雨碑額苔深不記秋不是簿書催我去放歌
於此十句留

評云

二聯有風味犬
鳴字未經見

宿南石渠公館題壁

酸風吹破山窓紙寒月窺人到石林惟掩不
賤聽鼓坐一更聲短一更長

評云

末句即坡公所
謂長短更可笑

碑刻月梅

寒天日落孤山黑南北東西不辨行惟有梅
花先得月一枝踈影自分明

評云

格致甚高脫灑飄
逸惜末句氣索

村館偶書

荒村逢館主留我日將晡落葉紛天井濃茶
出地壚得詩求益菜敗興極催租不是衝泥
怯前庄就野夫

石橋老中使送予至官庄別去再一律
遺之以酬其意

小窓剪燭曾同話遠道迂車復送行樹下我
無三宿戀客中君有十分情飲之醇酒惟知
醉報以新詩固不輕臨別匆匆還致語幾時

騎馬入都城

評云

尾句眼前事語
但無人道及耳

次韻送李德馨少叅進賀

萬歲節表還江西

紫宸韶護慶長年萬國衣冠聚日邊按節喜
君來遠道病軀慚我類瞿禪襟期至此還多
阻會合於人少十全莫怪向來情落莫杳無
一字寄江天

送陳推府還徽州

雙闕纔呼萬歲聲又鞭官騎出重城
甘棠有樹還聽訟凍柳無枝可寄情
離夢不隨燕鴈斷歸心遙望婺星明
郡齋到日如多假好為裁書達

帝京

壽董都督

曾提虎旅鎮吳中老棄兜鍪伴赤松
肯為雞鳴還舞劍自甘鳥盡合藏弓
客從元日知生日子以儒風繼父風
試向貂蟬班列數幾人福壽得如公

送孫約之僉憲致仕

早向 明時遂引年都門為別思茫然分
司舊摠三章法負郭今耕二頃田林下似君
能有幾道傍觀者共稱賢何時我亦投簪去
擬近香山結數椽

送于守正還鶴慶

雙旆衝寒入

帝京路人猶識舊乘驄二年謫宦丹心在萬
里歸來一橐空獻納固應思汲黯平反却喜
得于公相逢且盡燈前酒榮辱升沉摠夢中
壽濟南湯氏二親

此翁此姥髮如絲壽酒平分醉玉卮尚父共
稱天下老大家真是女中師蟠桃並蒂三千
歲花甲同庚八十時况復家臨東海住神仙
應已識安期

埧北馬房

按節來沙苑駟馳半日間地寬饒白草林厚
隱青山落日鴉還樹寒天馬入閑主人留飲
處燈火夜爛斑

評云中二
聯好

北高馬房

樹色曉龍蔥相逢

御苑中詣山初得日萬馬正嘶風座擁金璫
貴歌番玉樹工嗟予猶病酒三爵未能終

湯山馬房

萬馬平沙粲錦雲驪黃遙望杳難分斜陽舊
識吳門練老眼今看薊北群冰度野河連底
凍草經獵火帶原焚晚來還借官坊宿長短
山更徹夜聞

黃土馬坊

歷盡天閑此駐鞍主人留飲故情懽燈傳火
令燒殘夜酒擅兵權戰退寒隔座偶成詩草
草歸期漸指月團團此行不為公家事安得
閒身逐豸冠

過洪法寺次韻

白髮吳僧健談空坐講堂留人多啜茗供佛
祇焚香日落鴉爭樹天寒鶴共房嘆予行役
倦風雨欲連林

評云

第六句好

歇馬城西寺林幽斷宿攀鳥窺遊客下雲共
定僧閒萬竹偏東長諸經自

內頌茲行亦奇絕日暮不知還

夜長餘刻漏身病戀衾稠老樹風驚夢疎窓

月照愁

評云此絕甚佳中
唐以上語也

喜雪舊歲十一月二十六日遂詔降學士

揚先生有詩
因次其韻

一冬氛氣暖重重年盡冰花馭朔風官道白

從今日始群山青減舊時濃自緣

明主回天意不獨貧民兆歲豐我亦有樓高

百尺曉來登眺快元龍

再次前韻

誰啓瓊樓十二重亂飄瑤屑下天風萬家農

事占年稔四郭山光失曉濃郢曲調高慚下

里灞橋思苦入新豐世間醉眼休驚怪不是

長空戰玉龍

評云雪詩自難故二
作極力只如此

三笑圖

東晉山河半屬劉虎溪橋水尚東流當時空

有真豪傑也只林間一笑休

評云觀此則東晉不亡
何待可嘆可笑

乘槎圖

一望銀河萬里長，人間天上兩茫茫。不知博望乘槎去，曾有書來慰武皇。

評云

起句好，末不稱。

穀日題艾鍊師壁次韻

古墻風雨暗莓苔，老我重騎瘦馬來。王屋楸枰依舊在，玄都桃樹幾番栽。感時懷抱徒增劇，過眼年光更不回。便欲乞官勾漏去，自慚不是葛洪才。

十七日送李明府

征車又駕出重城，楊柳東風拂面輕。三殿昨隨方岳覲，百壺今送使君行。向來盡省雲山隔，此去花封父老迎。我幸有親俱白首，喜逢賢令過餘生。

送青縣劉明府

早春飛鳥覲，瑤京又向都亭折柳行。天上已沾新歲寵，馬頭還問舊時程。到官桃李花初暖，在路風烟曉正晴。此別相逢定何日，依依雲樹獨關情。

送客過法林寺

地僻無人到時因送客來斷碑橫道左清磬
出林隈日午僧猶定春寒花未開忽思塵世
累欲去更徘徊

輓陸侍御抑之二親

怪底江天雲霧裏少微星隱婺星藏壠頭春
及無龐老廡下年來失孟光茅屋月臨機已
斷野塘風冷屐猶香可憐遊子還家日淚血
洗瀾洒夕陽

題畫雪景

山人住向水雲鄉一夜雪深三尺強已辦青

錢沽酒到小舟仍喚打魚郎

評云

此絕却好末句不蕭索耳

花朝前一日過真空寺

野寺年深水壞垣數家半落不成村看碑人
去鴉還樹乞食僧歸犬候門古殿不關空白
晝殘燈無燄欲黃昏我來聊復題詩在塵壁
從教暗墨痕

評云

曾遊此寺者方知此詩模寫之工

清明謁

陵出北關

瘦馬凌兢度北城野田隨處有人耕數家茅

屋村邊合三尺青旗柳外橫風景滿前聊爾
爾寢園謁後重行行東華漸遠清河近此
是西陵第一程

次清河

晴山疊疊水泐泐沙暖芳洲睡鴈群到處青
旗非舊主誰家黃土蓋新墳貴游萬騎兼千
騎春色三分已二分清景滿前酬不盡詩才
應媿鮑參軍

次沙河

長嘯沙邊起白鷗東風芳芷思悠悠野桃臨

水纔半面山杏出墻剛一頭歇馬暫依沽酒
店渡人曾借打魚舟

諸陵望望神宮近日照黃金萬瓦流

評云清新婉媚自是作者

過通濟橋東同事者

野店村橋馬去遲垂楊十里正絲絲人家又
過秋千節天氣渾如夏五時燕掠飛花衝去
旆龜眠芳草載殘碑同來總是傷春者何事
春歸獨欠詩

評云二詩俱高妙却恨末句俱氣索

與昌平館人話舊二首

山館相逢及暮春風花又是一番新舊遊在
坐嗟無幾往事重論記失真醉後酒母多酌
我老來詩已不驚人八年省署頻行役潦倒
無能媿此身

北來重向此停驂地主留人酒正酣簾捲斜
陽通晚燕紙經新水浴春蚕茲行管取一年
一明發又逢三月三安得粗酬身世了醉歸
花底墮華簪

發昌平道中遇雨三首

歐段搖搖去路長東風吹雨濕衣裳

諸陵漸近山光紫三月纔臨柳色黃春事每
先官事了老年番比少年狂道傍翁仲如相
識笑我來多兩鬢蒼

曉發昌平道餘寒襲緼袍陽坡平似掌零雨
細於毛柳色東偏重山形北漸高

長陵在何許奔駿敢辭勞

用韻

一年一度駕征驂老去邯鄲夢獨酣誰道知
長能及馬我嗟性巧不如蚕茂陵松栢園應

十揚子龍蛇世已三安得便拋塵鞅去免令
華髮上朝簪

和齋房聯句韻

徙倚虛簷送落暉清明烟火望中微林花欲
盡風猶惡山雨初晴雲未歸天外斷鴻來渺
渺水邊獨騎去依依憑誰為起文園病猶及
春前可拂衣

評云

二聯好末句亦只是前數
篇意却喜壯健不錢索耳

齋居

齋廬久坐嫩寒生四壁蕭然一炬明聊假寐
餘還假寐舊經行處重經行林深似有山靈
泣風靜惟聞櫪馬鳴爭及夜寒村館裏
吟度短長更

謁 裕陵

燭影幢幢 寢殿寒東壇祠罷復西壇太常
奠獻遵周典都尉齋明肅漢官香氣滿天蒸
宿靄松聲入夜雜鳴湍小臣曾沐貞元治瞻
仰 神宮欲去難

再過館人題壁

山縣春晴花柳妍欲歸重向此留連感時一

百餘五日計齒三旬又九年揚子有官猶執
戟茂陵無樹不參天醉來暗與心相約酒量
詩才總媿前

評云五六淹滯可傷

歸途和汪文潔韻

木末纔窮到水隈山靈留我故遲回春光已
盡方探杏病眼驚看錯認梅路遠市橋聊駐
馬價廉村釀且啣盃無端苦被斜陽惱特隔
平林一見催

沙河道中

時初二日清明

遠道歸來賸得春清明節與袂除鄰紙錢已
見祠新鬼珠玑明當賦麗人衣近浴沂單可
着酒逢禁火冷猶巡何須重憶當年事綿上
山陰總不真

評云第四句可紀事

贈鄒訓科

春滿旗亭柳萬株杏林人去賦驪駒蹇予多
病渾如沈恐爾前身或姓盧鶚薦有書隨上
計鵬程即日便南圖湖相近說民彫瘵憑仗
刀圭療得無

評云

雖未免用醫家故實然中調詞戲語亦自可喜

遊白雲觀二首

春老玄都觀劉郎又獨來
草侵蝸砌長花傍鳥巢開
白日長還靜遊絲去復回
詩成吟未盡踏遍一庭苔

評云

尾句可喜

沐浴聊過此何妨醉借苔
東風花尚好前日燕初回
宮事未易了好懷胡不問
主人如愛客百遍亦能來

評云

此是韻

靈惠寺訪亮上人二首用韻

簷蔔花香盡日留矮窓團坐對湯休
階前草合無人到簾外春歸有燕愁
莫道光陰非過客也知塵世似虛舟
何當便結束林社不向城中作漫遊

長廊高樹夕陽紅坐看遊絲墮碧空
量減不禁蕉葉酒春殘已過柳花風
家鄉白馬青山外心事黃簾綠幕中
莫向浮屠誇靜勝朝朝騎馬薊門東

評云

雄渾感慨

遊房公城西別業

平生山水元多癖此日風光始出城春已去
殘猶未雨地因來少不知名吠人村巷時聞
犬立馬溪橋獨聽鶯賴有詩家房次律一尊
花底待同聽

題其先塋次韻

高冢累累對遠岑穹碑文字已苔侵階前未
許崇禰拜林下時容德操尋方圃繁花留晚
蝶斜陽深樹變春禽我來掃石題詩在為感
松楸故國心

評云

五六
自在

再用前韻即事

捲簾坐對郭西岑清曉惟餘爽氣侵此日一
尊聊騁望何時聯騎許重尋官閒已免羈塵
鞅林茂蕪聞嘒夏禽便合放懷成痛飲肯教
辜負百年心

再即事

北苑臨初夏南風襲亭袍樹因花長媚筵與
竹爭高輕靄天施幕新莎地出毛何由消此
日揪局與松醪

紅梅

上苑花光別是春一株寒玉漬紅雲真妃半
醉葡萄酒湘女初圍茜草裙東閣詩篇元未
及西湖風月許平分而今漫有幽香在已與
南枝迥不羣

評云

如此詠物
亦自可喜

題馬湖知府安士官家世卷

露冕行春荷

主恩百蠻迎處拜未輜傳家已歷漢唐宋作
郡兼聞祖子孫季扎比來賢始著尉佗南向

節猶存即今四海車書一留取忠貞照後昆

宣溪宅會飲限韻

種竹庭依柳市東一樽談笑北窓風情深却
恨交猶晚老至那能日再中世事奕棊看已
倦人心如面了難同何當便結青山社不作
朝來木槿紅

夏日過長慶寺次程諭德韻

禪房幽徑隔花分老衲留人禮數勤旋碾綠
塵供茗具細刻蒼蘚辯碑文庭槐初合藏鴉
舅山雨將來戰蟻君到此頓令懷抱爽回看

軒冕是浮雲

贈唐宗明少卿赴滁州分寺

一尊相送出瑤京
陌上涼風白苧輕
老我舊同青瑣客
多君今拜馬曹卿
天香滿袖辭三殿
江雨掀篷過石城
想到滁陽官事少
醉翁亭上聽泉聲

送楊重光弟還閩中次其韻

岸柳陰陰白鳥雙
行人歸思繞蓬窓
還家謾作荆山泣
失意番令李邵降
池草有詩勞遠夢
筆花何日濕長江
閩中列岫青無數
誰辨

尋常石與珣

評云

前六句俱好

禁直寓懷

搔首埤垣對落暉
鄉心撩亂宦情微
八旬老父雖猶健
七品微官未得歸
畫省也知勝白屋
青衫無那誤斑衣
不須蘧瑗行年到
已覺從前事事非

評云

情真故一氣下來不厭直

和楊文卿近寺假榻

風景依稀杜曲南
碧槐庭院畫潭潭
門深過

客敲應再厨澁兼僧食僅三息慮有時同戒
定攢眉無復更沉酣知君此日惟高枕一任
浮雲蔽蔚藍

評云

通篇自在不似
和詩起句尤佳

贈郭都憲謫官射洪

曾駟組練淨胡塵蜀道於今作放臣豈是
朝廷輕用法自緣州縣合勞人

賜環消息知何日橫槊分明誤此身去去定
經斜谷口莫將成敗問遺民

夏日飲李公宅次韻二首

種來窓竹過墻不客到簾應為竹鉤風景隔
年渾似昨園亭過雨忽驚秋每慚坐席香三
日敢向詩壇較一籌薄暮出門成獨笑此生
長為酒杯留

門巷還容再到不醉歸曾計月如鉤花間雨
過香猶濕竹裏風來爽似秋但願長繩能繫
日從教滄海易添籌何因得脫羈銜累此地
高歌十日留

評云

勝前
篇

劉臣節員外宅小酌次韻其弟朋節侍

御同在坐

老我無能兩鬢星每從昆玉挹餘馨情深酒
價寧論費思苦詩神欲乞靈隔座繁陰隨日
轉撲簾雨氣借風醒醉歸况抱文園渴隼擬
分泉入夜瓶

題童勉和便面

黑雲天際垂白浪江間作說與扁舟有前途
風雨惡

評云佳作

和楊重光韻兼東照一天上人

高樹涼生暑解嚴客窓風味許誰兼越南羈
客惟狂寫吳下詩僧數道潛賓館有時勞貫
酒故山無日不鈎簾止綠禁直經過少滿地
蒼苔護笋尖

評云韻愈險句律愈莊重
渾成故自不可及

和楊文卿近寺避暑

蕭寺移居避市喧小窓清比綠筠軒也知未
了詩篇債猶喜權無簿領繁龕近殘燈分許
寺井寒烹茗汲多渾想應不似邯鄲道軒冕
年年役夢龜

次文鄉待用重光聯句韻二首

遠公蓮漏幾籌添話久僧先讓黑甜涼雨忽
從林葉到曉晴還仗燭花占靜便此地塵喧
少貧幸西隣酒價廉怪底夜深衣袂濕陰雲
猶自宿重簷

流年白髮鏡中添潦倒深慚蔗境諶此夜客
邊聽雨坐幾時歸計許眉占簿書債了還何
益山水情多獨未廉偶共故人清話久濕螢
無力墮前檐

馬東田漫稿卷之二

馬東田漫稿卷之三



東田馬中錫著

沙溪孫緒評

筆山文三畏校

新春二首

草堂昨日受新年無那東風太放顛吹破紙
窓奔野馬翻殘書案亂蒲編崎嶇末路猶雙
屐羞澁空囊祇一錢如此情懷空對爾豈徒
堪恨落花前

評云

受字
可喜

東風榆柳變新烟水暖池塘倦鳴眠詞客漸
輸沽酒券王孫先辦買山錢自嗟華髮仍多
病空負青春正好天留取牀頭筇竹杖踏青
扶我待明年

春雪

春雪深三尺柴門僅一開炕温兒懶下路掃
客初來壓樹枝垂瓦烹茶水沸雷所希能瑞
國忍凍把詩裁

人日

世事勞形鬢雪侵况逢人日晝陰陰半生兩

泣思親血萬死難回報

主心野外尚聞多白骨牀頭何必富黃金東
風無限傷懷處消得凭闌一再吟

評云

三四悲婉
不忍讀

上巳拜先壠有作

郭西先壠枕城闌上巳時臨奠一尊男女分
行昭穆序祖宗遺德子孫繁掃勤豈有樵登
墓祭罷惟多丐乞墦却笑唐陵并漢寢石麟
無語卧荒原

春日同宗遠措大高峯上人遊東園限

東田漫稿 三卷 二
韻有作

滿座衣冠盡舊遊
况逢僧是遠公流
花香草暖纔三月
犬吠鷄鳴共一丘
樂事可應輸白社
宦情久已付滄洲
同來祇欠朱轡客
日暮停雲使我愁

評云

不得第四句則第三句止是平語耳是日公兄吳興太守不與故未云句云

次西田述懷韻

十莖玄髮九莖皤
青鏡流年可柰何
殘齒未忘綾餅惠
壯心還擊唾壺歌

朝無故識如戲在
業有新吟比仲冬
回意五雲天北極
馮唐事業轉蹉跎

評云

三四可念五六戲劇可喜

與客遊東園限韻

春闌興未闌
着屐向林間
草軟色堪藉
樹低枝可攀
斜陽催短景
薄靄釀餘寒
客散柴門靜
歸鴉意自安

評云

頗逼老杜

自理隙地植花

自闢庭前地為方
十笏賒土寒難種
竹水近

東田漫稿 三卷
易澆花留草觀生意分春過別家何須師老
圃方始得生涯

評云第六
句新

燈下

手罷殘編對短檠感時懷抱不能平人心小
伏千重險世態春無十日晴甚美終然藏
惡多愁政爾坐多情何因得似浮圖壁濟
東祠過此生

次前韻

春雲低樹鷓鴣鳴清曉登樓野望平近郭

家初播種養花天氣易陰晴危闌偶受東風
倚芳草偏勞遠客情況復日來新病起沈腰
消瘦可憐生

寄王世賞內翰

京國歸來歲月深故交一字惜於金已分天
上人間路空切江東渭北心多病未能忘藥
裹此生無分更朝簪封書却寄雲霄客抱甕
知吾老漢陰

評云

亦是第四句喚
得第三句精神

中年少睡長夜感懷

夜長不寐覺神清月轉踈檮紙半明自是衰
年應少睡况兼世事更牽情聲聲漏向牀頭
數句句詩於枕上成爭及華山陳處士白雲
高卧了平生

誌夢進退韻

夢裏分明見玉容醒來依舊各西東蓬萊水
隔三千里巫峽山迷十二重花月媿娜猶似
昨梨雲落莫竟成空不堪欹枕尋思處腸斷
孤城一杵鍾

評云

觀此作似當衙韓偓
笑健羨之餘不勝歛衽

過塔院尋泰上人偶作

縣城南面水西涯樹繞村回路不賒出屋青
旗知酒店倚門紅袖是誰家居民慣識難乘
馬健僕扶行穩當車莫恠歸來常薄暮東林
惠遠坐留茶

評云第六句好

登縣城南樓

城邊踈柳薄籠烟城上高樓迥接天東望岱
宗三百里西來漳水幾千年笑談聲徹浮雲
外匆匆牧人歸落照邊倚遍闌干渾不厭渚鷗

汀鷺總堪憐

評云三四是唐人語格

禱雨無應亢旱彌深感而有作

望絕農時雨露遙空雲祗日在西郊臣嘗有
疏天忘耳民果何辜地不毛旱魃豈真能
肆虐乾封自古只徒勞憑誰走報東方朔早
晚長安米價高

和西田所誦無題詩韻

軟玉嬌如病香雲倦不梳臨池添菡萏對月
少蟾蜍枕畔知心後筵前識面初每思腸即
斷忍讀寄來書

有所思再疊前韻

想像當時貌雲鬟內樣梳鞦金描蛺蝶領玉
綴蟾蜍淺黛春山遠嬌姿艷杏初而今成間
阻何處可通書

評云勝前

春遊東園

莫向襄陽問習家且從茅屋醉年華浮生能
有幾多歲芳樹尚餘三兩花田壠麥深初沒
雉水塘沙涸未鳴蛙與君傾倒不須惜塵世

紛紛事若麻

評云

三四可為一法如唐人所謂人世幾回傷往事山形依舊枕寒流者

此語似尤勝

再疊前韻

柳市東頭第一家草堂清楚敵繁華病中杖履猶隨酒春後園林漸失花藥圃分泉牽玉虎松牌題句涸銅蛙同來况是同心者不媿孤蓬欲倚麻

初度

火虎司年得此身眼看四十二回春半生南

去北來路每日東塗西抹人九曲有腸空自苦十圍無腹故應貧長生美酒朝來熟先壽高堂白髮親

官堤春行

堤柳垂垂陌草長偶隨流水到斜陽溪邊網散魚吹浪花外車來馬觸香鐘鼎於人真孟浪林泉得意且徜徉村翁笑我猶多事日遣奚奴負錦囊

評云俱好

東園次前韻

東田漫稿 三卷 七
出郭行吟野逕長
村村桃李類河陽
人眠芳草衣沾綠
尊落殘花酒帶香
萬事算來輸酪酏
百年能得幾徜徉
從今牛馬皆堪應
處世何勞穎脫囊

春夜同叅上人話舊有作兼東坐中諸君子

坐久東林月漸升
良宵清話病猶能
花前補衲僧
全老石上爭碁我亦曾
倚壁未規方竹杖
閉門重剪小龕燈
年來此地應蕭索
塵委空罽不養鷹

同叅上人縱步東園偶作

叢策東園一徑斜
去城及五未為賒
春光試暖先揚柳
風信猶寒困杏花
心靜久無朝報擾
眼明應少市塵遮
從來此地誰為伴
惠遠年高鬢亦華

評云三四明
媚可喜
春夢

塵世勞勞虱處禪
暫時一枕卧東軒
蚍蜉總屈守槐國
蝴蝶又招遊漆園
官境寵榮兼謫辱
故人零落忽生存
醒來萬事皆無有
滿

東田漫稿 三卷
地梨花晝掩門

和沈仲律提學見贈韻

宦情全減道情添老屋黃茅取次苫地僻喜
君來得得身閒折我病淹淹箋天事往空搔
首即席詩成共撚髯便欲相從問相識蒼生
誰爲察眉尖

暮春遊東園

聞說園林春色老強扶衰病從君遊梨花點
帽亂如雪棘刺挽衣堅勝釣坐久瘦軀憑几
閣日長清興倒尊休人生何必爲形役華屋

蓬門等一漚

評云三四八晚
唐人語

次眉菴韻自述

十載承

恩立諫坡歸來還作飯牛歌無人更避揚朱
席有客方街李白靴家業蕭蕭生事少顛毛
種種老形多早知用世渾無益只合終身隱
薜蘿

秋夜酒醒爽然無寐感而有作

竦櫺射月紙鳴風萬斛愁懷向此中老母在

東田漫稿 三卷 九
堂慚列野先人即世廢良弓匆匆歲月隨流
水落落生涯類轉蓬惟有丹心終不改欲持
晚節效韓公

雪夜

數盡殘更撥盡灰不知門外雪皚皚詩憑白
戰且降矣酒

賜黃封安在哉斗帳寒疑風竊入紙窓明訝
月初來侵晨試上危樓望直北深迷郭隗營

評云

末謂禮賢無後
燕昭王也可念

詠雪和韻兼疊誌夢各一首

幕幕同雲四野垂漁簑江上畫堪竒農占宜
麥飄當又松作僵龍礙可差獨往禦寒須仗
酒苦吟禁體亦成詩夜深無寐驚窓白墻外
時聞折竹枝

評云

雪詩自難又和難韻
如此作亦自難得

柳比腰肢花比容分明昨夜桂堂東情悰纏
迷渾如故言語丁寧不厭重蠟屐自來同是
累黃梁醒後亦成空古人有語君知否不要
功名上景鐘

評云

起句真是夢詩

夢中誌所見

來時款款去匆匆笑語悲啼恍惚中舊約已
迷巫峽雨新粧猶倚杜韋風枕邊玉漏沉還
滴窓下銀缸滅復却被鷄聲驚覺起不勝
惆悵桂堂東

至京師呈劉郎者君子

雙社龍王破笠斜又騎羸馬客京華傷心蘇
武歸來托酒日劉郎去後花往事謾勞驚昨
夢吾廬今已廢誰家明朝復恐匆匆別末路
崎嶇未有涯

評云

三四情况可念然不應以劉禹錫

泰陵北唐憲宗則得矣

謝畢司封惠紙筆

簪筆箋天事已乖故人猶自謬憐才惠來兔
穎兼溪楮絕勝鷲毛及隴梅從此不須憂價
長當時曾亦夢花開感餘欲報瓊瑤句陡覺
衰遲萬慮灰

評云

兔穎鷲毛溪楮隴梅雖傷于巧亦難得也

答王宣溪

惠來珠玉自橫斜似惜睽違隔歲華拜領此

東坡詩集卷之三十一
心應有媿諦觀雙眼欲生花雕虫未技歸餘
子倚馬高才屬大家嗟我一麾今潦倒敢同
詩酒作生涯

和玄善世

隻履西歸道亦歸高僧出世更扶衰了經殘
月臨龕處說法諸天遶坐時
先帝賜衣今尚在祖師傳鉢鎮相隨我來不
盡題詩意恐浣山人洗墨池

評云第三句好

絕句二首

春草碧連天春鶯黃妬柳行人歸未能且醉
長安酒

評云佳作

寄語長亭柳東風莫漫吹黃金臺下客猶未
有歸期

評云後篇模放太甚不及前作

再補外臺

醉歎烏帽裹鞭絲依舊長途老畫師知已漫
勞深惜別遠臣已喜得量移官亭揚柳前年
酒春水蘼蕪無此日詩却恐路傍雙堠子笑人

來往欲何為

評云

三四好謂自雲南
集司復除閔陝耳

題漁樵小畫

釣歸柳市魚為酒醉卧蘆洲水作家若向此
中論歲月磻溪不及富春賒

一卷殘書兩束薪歸來愚婦苦相嗔時人莫
笑貧如許猶勝臨邛滌器人

捕魚二圖

腋持武陵棹柳貫武昌魚寧犯波濤險不同
豺虎居

曉把木蘭橈橫肩笊箸出夜來春水生應恐
沙磯失

百禽雙鳳圖為宋黃門廷用賦

金盤曉掛扶桑樹萬國湏臾歛雲霧天風吹
下雙鳳凰鳴聲一一諧韶護憶昔長揚五柞
宮選徒千乘旌旒紅韓氏金丸每竒發驚禽
遠避平原空武皇仙去五孫死狗監鷹坊俱
廢弛上林春霽百鳥聞旦夕啾啾亂人耳初
聞黃鳥遷垂楊巧舌百轉真如簧次聞博勞
惡聲鳥亦以缺舌鳴其傍乾鵲媚時惟報喜

向人強聒殊未已鸚鵡南來鸚鵡西竊爲人
語終不似凡此等類俱庸禽百無一二能好
音若持媿美丹山喙譬以箏琶誇素琴黃門
此圖未易得無乃畫工巧比德寄言百鳥且
吞聲鳴鳳朝陽方振翼

評云

聯內有含蓄有
悲感尾句好

懷二首

一春行樂又成空情況蕭條逆旅中開老杏
花渾未雨擺殘楊柳尚多風貌衰自笑年徒
壯心肯依然命不通癡坐忽忘天早宴西山

返照入簾櫳

評云

起句突
兀自在

帝里光陰屬禁烟客邊興味轉蕭然如何枯
木逢春日還值黃楊厄閏年薄宦久居懷祖
下壯心不及武皇前可堪家有龍鍾母綿上
東風待我田

郵亭琵琶圖

葫蘆學士使江左下視吳兒無一可乞食歌
姬老丐夫巧將艷質燃心火郵亭長日寂無
譁敝衣挾帚人如花狂心擾亂不可遏相與

夜狎彈琵琶琵琶絃斷何年續臨別殷勤仍
贈曲曲中心事誰則知明日南堂開宴禔請
君歸去不須遲正是列侯歌舞時回首郵亭
莫惆悵餘情留付党家姬

評云

通篇好結句尤佳但葫蘆吳兒
弓夫等項字面欠穩重老成耳

清明

清明村郭雨餘時獨客無聊出逕遲野草未
可經燒色園花先試出墻枝當年綿上人何
在此日播間乞可悲我自欲歸歸不得幾時
黃已見雙眉

評云

三四景象清

挽錢塘范處士

城柳逋梅不似前小山人去已多年林間深
鎖藏書屋湖上空閒載酒船奇字久嗟無客
問良方猶幸有兒傳錢塘我亦曾遊地把卷
題詩重惘然

評云

三四佳

良鄉

回首蘆溝隔暮雲良鄉路向馬頭分去城十
里塔先見喧道萬車雷不聞沽子當壚常喚

東田漫稿 三卷 五
客行人帶劍半知軍塵容俗狀誰能辨自取
冠彈柱後文

評云 中二聯着
題可喜

涿州

涉盡重岡與斷丘殘星三五柳稍頭林深馬
度天猶暗村遠鷄鳴柝未休逆計客程臨涿
郡漸聞人語似瀛州浮名役我真堪嘆歲秒
辭家到麥秋

評云 第六句尤可愛久客思歸聞
人語似鄉人則心益切矣

新城

新城遙望樹蒼蒼一騎初鳴出曉陽市酒不
能成客醉野位時或近人香也知黃紙功名
好無奈紅塵道路長幾度倦來思馬錯將
汾水當君浪

白溝

蘆花征戍駐白溝主人下馬問相識張燈六
話前朝事把酒權銷萬古愁白骨枕沙猶泣
鬼黃金鑄印已亭侯夜深無寐西窓下一枕
河聲帶雨流

雄縣

維堞連雲古，塹長雄州元。是漢封疆突，師莫
非曹南院割地。當誅石敬瑭，夷夏本來分。首
三英雄空自裂肝腸，而今此鎮歸畿內。十里
鶯聲轉綠楊。

評云：曹瑋，河小，勳其志，致增土十年。
前已識，九矣，其志可深，罪若敬瑭。

則死有餘辜也。語之痛快五六。

鄭州城東有扁鵲廟感時居民奉祀

鄭州經過憶宮詩：秀空城馬去遲，逐客未

全歸擊龍居，民猶解祀醫。師驚塵滿路，顏如

儲飛絮，漸人鬢益絲。擾擾此生成，底用奚囊

空貯紀行詩

河間

遠樹依依宿靄收，鄭州南去是瀛州。漸無盜
警，行人早時喜，鄉音野父咻。市賈懋遷多馬
筮，居民生理半魚舟。十年此地三經過，贏得
霜毛上黑頭。

評云：五六着題，可喜。

獻縣

野黍離離，麥黃樂城風土似吾鄉。通衢午
市人初集，小店春醪客過嘗。雄鄭漸遙無網

東門漢精 三卷 七
呂濤沱將近有帆墻百年遺俗猶公道不祀
瀛王祀獻王

評云馮道有興致有風刺瀛王

均望家

宿雨初晴白苧涼平原曙色正蒼茫流鶯未
轉綠楊濕瘦馬不嘶芳草長瞻

闕尚多回首領問程知漸近家鄉羈懷此日
應消盡稚子後門母在堂

東園避暑

近郭幽居夏日長避暑聊復此徜徉雲連遠

樹林光合風帶長河水氣涼

天上雖無冰蔗賜人間幸免簿書忙蟬聲祇
恐傳秋信又逐嚴程戒客裝

評云結謂秋當赴
陝早可念

李少叅翁姥輓詩

采石高堂掩悠悠歲月更夜窓停盃織春隴
憶龐耕白壁雙埋玉紅羅再製旌空令遊子
淚長洒助江聲

沈靈卷為前人作

君自清如水年來沈更清千江隨月瑩孤鑑

照人明箕穎徒汙耳滄浪可濯纓何如方寸地不遣一塵生

評云如此著題何害

高良紀異卷為前人題

王事兼程急深山去路昏火方窮介子風忽反劉昆自謂衣冠烈安知玉石存憑君持此意博施救焚恩

湖州宅同李汝弼賞蓮

盆池過雨著朱華家釀初成不用賒康樂雅懷同季惠子雲高興對侯芭萍蓬湏記功名

路桃李從輸富貴家便欲狂隨韓吏部再歌船藕未為誇

評云湖州者公兄湖州太守也李侍御公門人也

赴延綏

兩足黃塵未得閒
絕離滇海又榆關
壯心已逐歸雲倦
老態難憑大藥還
千里轉輸叨重寄
十年供奉玷清班
荷衣芟製今誰是
空鬼移文在北山

評云南荒西鄙備歷奔忙故微有怨意

雨卧書臬司壁

官舍蕭條木葉殘山風吹雨入窓寒瘦軀倦
擁黃紬被短髮羞彈黑豸冠天上貴人青眼
少世間俗吏折腰難不如拋擲浮名去依舊
東山卧謝安

入宜君界

同川漸遠宜城近馬首寒風颺雪花山路行
經千百折窰民居僅兩三家草枯石出遙疑
虎木落林疎靜見鴉如此畏途如此景軟紅
無怪憶東華

評云五六好末句有味

望中部

林靄凝寒日漸昏廊坊遙望歎銷魂山腰路
狹纒通馬澗底冰堅不飲猿古廟鬼無香供
案破窰人以席爲門北來郡縣猶如此邊戍
荒涼更可言

評云起得凄楚類邊塞狀

宿三川

蕭疎公署集昏鴉比屋居民祗數家垣遶四
山無草木門臨一徑足風沙中堂冠蓋經年
至隅地星辰入夜斜却憶上林風景好而今

飄泊在天涯

曉發甘泉

肩輿清曉發甘泉風雪遙連塞外天野店客
敲門問酒土室人隔水炊煙山無草木惟多
石地產毡裘不衣綿試叩征夫前去路成鴉
聲裏是延川

安塞懷古

即羽王秦降將董翳所都高奴之地分司有戴提學詩挂壁

咸陽火後此誰都千載喑鳴笑匹夫不識真
人翔灞上却教降將王高奴今逢

昭代三邊靜欲考當時一字無賴有詩家題

句在松牌年月未模劔

發安塞

塞門西望益荒涼山色如焚野日黃路入懸

崖愁度馬川呈亂石宛如羊逃亡屋圯塞猶

在逋負田蕪稅亦償到此踟躕不能去無邊

憂思攪詩腸

保安即事

百里黃沙草盡枯永安風物類高奴僕夫襁

褻初疑丐胥史猙獰不辨胡峽盡馬如從巷

出磴危人似躡梯徂回頭却起家山思松菊

東田漫稿 三卷 田園跡半蕪

暮投園林驛

落日深山路轉迷驚聞虎嘯與鳥啼眼穿不見三家市瞻落仍臨萬丈谿野燒入林星隱見群峯攢嶺玉高底平生不識春明外潦到干今出塞西

評云中山行景象真是

順寧道中

高崖萬丈鳥飛愁積雪層冰路滑油石出樹梢番下瞰山迴澗水却西流貼危命繫須臾事跋涉心懷百萬憂却笑浮名是尤物移入到此未知休

評云前六句是何等辛抵靖邊營

抵靖邊營

遠塞孤城落照間故鄉回首動愁顏長年憂擾成何事十口迢迢度萬山危險尚須談蜀道宦遊再勿入秦關當時把似滇南去今日蒙恩得賜環

評云三四句自對五六亦可

再發安塞

塞門東望雪初晴
驄馬搖搖趁曉行
面日遠山明
似近背風深
塹積皆平
僧開野寺林
鴉散人叩柴扉
若犬鳴不是六花粧
點好黃沙白草若爲情

評云

中聯甚佳起語亦自在

夜宿聶石峪鋪

深山積雪少人行
郵舍三間戶不扃
聊入鮮鞍因假榻
空勞待旦不聞更
窓中歷歷星搖影
墻外時時虎作聲
追念少遊平口語
可勝撩亂故園情

書安定分司壁

遙望分川迤邐行
夕陽殘雪照人明
羊腸路險疑連棧
鬼面山歌欲壓城
戍火隔林微見影
野禽依樹凍無聲
公庭下馬晚衙散
一首新詩又告成

望榆林

榆塞關城入望遙
雪凝貂帽馬蕭蕭
蕭磧沙風聚俄成
壠野水冰堅勝度橋
蕃部牛羊歸羣
胆漢家軍馬屬嫖姚
從來俎豆書生事
老逐征鞍髀肉消

評云八句俱佳

靖邊營分司十首

時邁才疎心及官拙
田園之興無日不發

因詩見志
漫書于壁

散却晨衙日轉槐閒庭寂寂燕雙來
田園歸興濃於酒軒冕初心冷似灰
詩怕傷時常少作人非知己竟多猜
從今擬脫樊籠去東閣母勞更愛才

宿雨初晴柳色新邊城四月始知春
籬根沙暖山鷄浴門外蕪平澤雉馴
幕府文移無印信野人詞訟半婚姻
欣舞一笑吾將隱明月

清風待止身

評云可備一故事

階下衙人報午牌
驚回幽夢坐高齋
柳風試暖簾歸燕
花雨塵晴壁篆蝸
金紫銀青思爛熟
山間林下志全乖
憑誰寄語羊求仲
早晚封章便乞骸

評云險韻佳作

晝漏沉沉篆火微
明窓淨几對斜暉
細推達與窮俱
夢不待今知昨已非
騎虎未深猶可下
思鱸如甚合言歸
古來賢哲知多少
五柳

先生最見幾

評云五六名
言也

一春多病卧邊陲
夏燕成巢總未知
瘦骨怯寒猶擁絮
殘牙怕硬每憎糜
不諳風土歸何恨
自課功能退亦宜
却笑樂天非達觀
苦聽妻子乞分司

評云三四老態
衰後始知

羞把功名較觸蠻
邊庭無事且偷閒
一簾風雪門前柳
四壁丹青屋外山
飽喫飯餘呼枕卧
靜支頤罷取詩刪
分明只類休官者
猶羨

西林倦鳥還

評云三四
如畫

公館春深白晝閒
倦時隱几健巡檐
雲開山色常當戶
風懶楊花不入簾
客裏形容嗟獨老
人生吏隱有誰兼
親除人拜非吾望
歸去山中酒正甜

評云三四雖止
裝景語意
却新尾句氣不弱

分司廳事面山城
寥落難為遠客情
行馬歲施沙沒足
靈鼉晨擊雨無聲
地偏朔漠寒常倍
人雜羌胡語不明
惟有春風如故國
吹教

芳草一齊生

十年供奉

玉宸前此日，栖遲紫塞邊。官署虛銜無印綬，
案兼公劄理詩篇。前魚恩寵成飄瓦，左角功名倦著鞭。君比車少留吾計，決瀛東何地不宜田。

評云通篇不費力起語尤自在

邊頭薄宦苦勞生，爭及林間掉臂行。棊已著殘，輸亦喜弓。雖痛定見猶驚，顛毛有二羞餽鏡。酒量無多不耐觥，如此不歸，何以待洪濤。

日夜減滄瀛

靖邊營舊名范將軍馬營，柳陽曹大巡撫時有作，因次其韻。

小范當年此駐營，披圖直過古長城。山川已

入

皇朝版圖，父老猶傳故國名。萬馬總肥兼上飽，六驛遙遁喜時清。我來官裡渾無事，繡斧乘春一省耕。

寧塞營舊名兀刺城，亦范文正公所守之地。

重城斜跨北山隅，樓櫓爭嶒雉堞紆。勝國地名傳兀刺，清時文教款單于。一川雨霽

流衣帶亂壁雲開展畫圖却向邊人問邊帥
即今還有范公無

把都河堡

行臺無事戶多封睡起支頤百念慵風柳似
為渾脫舞雨花常帶別離容城圍白屋高低
住簾捲青山遠近重日暮詩成吟未穩一聲
忽送戍樓鍾

評云

八句俱佳二聯尤
俊麗遠勝前數首

永濟堡

鷺車西過此躊躇問俗人傳古義渠公署地

高山可數軍營屋少穴無苔一宮破碌可儲
詩終日勞勞了簿書安得勾奴來款塞掀髯
一笑賦歸歟

新安邊營

按此本古西戎之地秦滅義渠漢城朔方則遂為中國邊

郡地矣今屬慶陽之安化境即隋慶州也唐始改今名肅宗即位靈武時又改為弘化郡升定安軍然市朝遷變文獻銷沉漫不可考姑依稀料度如此爾因作詩紀之庶來馬者徵

城枕山幻百雉長下臨天塹水微茫元封拓
地歸炎漢弘化升軍自李唐兩市人家如隔

東山漫稿 三卷 三十一
岸幾區官舍盡連墻我來督餉無餘事惟助
將軍替戍岡

評云

境地沿革建置
大畧俱見于此

新興堡

一山高聳萬山中山頂層城結構雄到海雖
賒先見日去天不遠易招風范家父子功何
在夏國君臣業已空

今日華夷歸一統虛勞邊餉積陳紅

定邊營次曹大理韻

誰言禹跡尚茫茫夷夏今從此畫疆沙漠北
連多列障河源西望渺殘陽府中僅有羗兵
衛城上渾無藥草香千古市朝成幾變山川
良是自洪荒

舊安邊營

絕塞孤城滿目愁疲兵絕足守邊樓黃沙白
草連千里北虜中華限一溝戰骨未收啼舊
鬼捷書誰奏拜通侯停車重感前賢語肉食
何人與國謀

柳樹澗廢城和壁間王威寧韻

野色蒼茫帶遠岑空城歲久白蒿侵更無粉

堞悲笳隱惟有黃沙古道深
荒日晝昏人影絕剛風西起
塞雲陰題詩豪客今何處
牢落襟懷付短吟

評云雄渾不似和詩五六尤奇

鎮靖堡

鎮靖城邊紫塞斜遙看直北是龍沙
何人馬上魯橫梁老我官中未代瓜
題壁忽愁人掣肘銜杯兼怕酒沉蛇
醉吟兩字尤難得况復生擒李左車

評云起語自然餘六句亦不費力

龍州城

其山最高虜地望而見之城邊澗水環帶左右崖深數百尺特

以為險東行二三里有良田千頃其平似掌俗呼千頃坪

侵晨遙見此山峯迤邐行來日下春
千頃前田平似掌一川流水曲如龍
登車自秉澄清志按筆誰當定遠封
尚賴時康邊事少沙場豐草歲蒙茸

清平堡

南風拂曙散輕霏沙磧新欣試葛衣
白草塞遙青草徧黃雲城上黑雲飛
山河有誓龜裘遁烽燧無煙組練威
自念為儒身計拙是誰

長嘯解重圍

威武堡

官廳中雜蒔花木時夏盛開爛然可愛故為賦之

山城長夏日如年草樹生香雨後天恍若身
猶依 近禁都忘宦已落窮邊水從沙漠流
來遠路接雕陰屈曲偏縱有好懷還復惡強
成佳句歎誰憐

給餉過威武特值雨暴至倉廩或壞
給餉粒米很入予為親臨放支有作

塞垣得得餉軍來倉庾陳紅次第開人聽唱
筍詩魚貫進家欣負米蟻衙回須知一飯猶為
德何必千金始費財我亦月支官廩在厚顏

無以答涓埃

評云

三四曲盡軍
丁支糧像貌

懷遠堡

圓水遙來自朔方水邊城屬漢封疆岡巒極
目高還下亭障兼程短更長自古華夷分首
足而今衛霍領金湯令人却恨平城役
天子如何可自當

嚮水堡

城外有巨川即無定河也河邊
豐碑屹立而亡其文字故未向
及之

戰馬無聲塞草深朔雲垂雨晝陰陰城邊山

勢分夷夏磧裡河流自古今
虎旅幸逢耕守日狼胥莫起
擅封心請看道左前朝石字
滅豐功不可尋

評云

垂字俊麗

龍州邊外

大荒渺渺接天平落日蒼皇
敢計程沙裏或驚胡馬跡
草間猶委漢人兵前駟相
戒銜枚過外境那堪按節
行忽憶江南佳麗地水村
山郭正啼鶯

評云

鴈得十分可畏邊塞之苦至于如此

平夷堡

一聲寒角起邊頭水柳沙蓬
滿目秋連鴈去遙天漠漠
恹鷓鳴急樹颼颼黃金築
土魯招士白骨如山始拜
侯勒馬不勝惆悵意野河
依塞自東流

評云

雄渾悲壯不愧作者未謂惟水無情耳

秋日榆林道中

荒荒野日照邊城疋馬長途
愴客情白草地寬天共遠
黃沙磧冷鴈無聲將軍笑
擁胡姬醉戍卒貧同乞丐
行甘使堂堂三表計輸他

年少一書生

評云

賈誼之策當特已謂其為踈今日欲如誼之策亦不可得無窮憂思

千谷驛

驛舍荒涼秋已深空階吏散下幽禽樹圍知
有百年壽客到每懷千里心剩水殘山空復
在來牛去馬幾相尋因思浮世猶如傳郿塢
何勞積萬金

延安分司題壁

延州城外樹蒼蒼小雨隨風送早涼東望黃
河天漸遠西連紫塞路偏長人歌韓范言猶
在地考金元志已亡為感廢興成久竚却題
詩句紀山墻

鄜州

野水寒雲望不窮鄜州風物去年同樓臺碧
樹秋風外城郭青山暮雨中避地衣冠傳杜
甫祀天壇壝本秦公停車欲問當時事雲自
西飛水自東

評云

八句俱可結語俊爽有興致

宜君道中

馳駘畢竟為誰忙烏帽籠頭去路長山雨趁

人無歇意野花迎馬有來香蟬經殘暑聲初
咽水入新秋氣自涼莫向西風恨行邁即今
元凱佐巖廊

評云中聯
意新

同官偶成次前韻

春燕秋鴻有底忙海鳧元短鶴元長桓温死
後空遺臭苟令生前本自香棊局謾勞爭勝
負扇紈終是有炎涼西風疋馬同官路漸覺
江湖勝廟廊

評云律純熟但意
太露少含蓄

羅州

長擬投閒未得閒每逢會意即盤桓林間僧
語遙次寺馬上詩成半說山野意但應同薄
宦溪流清可鑑衰顏頻年鞍馬華原路剛勝
崎嶇蜀道難

評云三四
可喜

三原

去年曾此駐羸駝今日重來祗自慚身已桑
榆將暮景宦猶擻攬待微甘孤雲挾雨還投
此一鴈驚秋又向南誰念阿婆塗抹倦西風

雙鬢正鬢髮

評云

西以上諸川人物但句律俊麗可傳而

盡亦小樣誌書也詩家例不可無此

春日敬陪

秦王郊行限韻四絕

曲江南畔杜陵東杏花塢苑蹊細細風

帝子乘春聊騁望旌旗來自百花中

評云

好前二句後二句未稱

水邊楊柳綠偏東夾路花香兩袖風莫恠

金鞍歸去晚梁園賦客酒初中

評云

獨感調

腰裏騎嘶綺陌東杏花香度酒旗風春遊記

得條桑記願譜 寧王玉笛中

春水蒲芽乳活東禁烟時節野棠風郊行不

用笙歌擁人在 河間禮樂中

奉送韓公都憲出鎮寧夏

墨書農墨爛金光

天子煩公鎮朔方三尺總歸中執法隻輪遙

道左賢玉南山舊價元同重滑水離情更比

長去去莫嫌邊地冷黃花晚節正秋香

評云

三四鍛鍊極
工五六亦稱

華清宮

在
館

天寶繁華此地偏而今全不似當年新豐樹
老無人度繡嶺宮荒有曲傳碑折半埋秋草
裏鴉啼還自西陽邊我來不用溫泉浴留取
塵纓濯渭川

評云

未句可警可喜所
以鄙明皇者至矣

高陵

馮翊城荒近早秋渭川依舊昔城流西風野
濶行人少落日天底去鳥愁

評云

此
詩

同官題壁

絳帷聒起坐西窻自取文書校勤忙厨未仁
煙人語靜樹繞秋雨鳥聲涼青山似識常
對白髮緣愁積漸長幾度倦來還拄頰問蒼
蝸殼上危墻

宜君道中

路入宜城草色秋盤盤石磴去應愁風從谷
口推雲出雨到溪心雜水流瘦馬怯泥真款
段恁禽啼樹幾鈞軸行人莫起鄉關思野店

青旗酒正篇

評云 中 起 結 亦 稱

至宜君再次前韻

蔓草荒煙滿目秋宜城風景足羈愁野田隨
地高低種澗水依山曲折流雨扶早寒侵皂
幘嵐疑毒瘴撲華輶我來憲府深如海酒薄
村遙不用筇

評云 前 不 及

破屋

峯山碧水我重來城屋瓦不回碎
功者

頭紅子熟疾熱沙上野花開椽摧盡失踈簷
瓦土黑猶疑故竈灰對此不須惆悵在咸陽
原上有荒臺

中部道中

高原驛樹晚離離八月邊城已授衣絕塞風
雲天外變孤村烟火雨中微山容似病青初
瘦客病驚秋黑漸非因念為官身計拙一身
常與世相違

洛川喜晴

溪雲忽散雨全收暫倚肩輿豁病眸野徑花

香蕎麥晚山園果熟杜梨秋原頭獵騎歸捎
兔壠上耕童卧牧牛風景北來剛見此行人
不信是邊州

評云邊地雨後
氣象如此

中秋有感

前度中秋見月時一家十口未分離三年甘
旨俄成悞兩月妻孥敢動思坐久桂花疑墮
影醉來竹葉反增悲遙知故國當今夕老母
登樓亦念兒

鄜州

風煙竟日迷関塞曉盼山城到却昏鍾定僧
歸黃葉寺市收人散白沙村千林爭趁霜前
茂一水新經雨後渾試問郡中誰作守相逢
都道是西門

評云八句俱好時戈勉學先生守鄜公
姻家也甚有政譽故未句云

發安塞

風雨龍安道愁來句不豪草侵山逕狹石激
水聲高鞍馬勞雙髀鄉関感二毛故人誰念
我白首困青袍

評云第二句
亦創見

再宿聶石谷郵舍

再過郵亭宿悠然感物華山昏雲釀雨溪折
水鳴沙候吏秋眠穩厨人夜語譁嗟予行役
慣到處即家

評云

三四近唐人

清澗

丹頭山下景荒涼遠客悲秋欲斷腸一雨汀
洲沙盡白未霜楊柳葉先黃孤城按節今三
度野壁題詩定幾行少日功名渾已矣更無
才思賦長楊

再過無定河

無定河邊草樹涼村無雞犬祇牛羊黃沙又
沒新官渡白骨猶傳古戰場巨石塞川如砥
柱奔流赴海自龍荒我來亦起鄉關思何事
征人不斷腸

宿米脂二首

野水荒山行路難蕭蕭黃葉逗征鞍二毛總
為三年病一疏能淹兩世官宦境雲泥盧杞
覺邊城風雨晏裘寒故人天上誰青眼終合
桐江理釣竿

評云凄楚可念

長夜無眠有所思邊城寒鼓到窓時不才謾
辱山公啓失意徒工水部詩去住此生勞泛
梗輸羸何日了殘棊床頭幸有吳鈞在一寸
丹心許獨知

宿柘林堡次壁間曹大理韻

月白邊庭葉墮林夢回飢粟冷森森十年塵
事三更枕萬里鄉心一夜碁路出城闔連大
漠山經野燒變荒岑詩人到此豪應減擁鼻
聊為出塞吟

評云六句未稱軍未

神木縣分司題壁

兩鬢如絲未得還忍將疎散博間閑路衝寒
雨來千里屋共秋燈卧一問已分漢陰終抱
甕敢期綿上或焚山屠龍騎鶴諸公事讓
我開籠放白鷗

評云八句俱佳

永興堡題壁

馬頭塵起鬢雙輪短日寒山去路昏黃葉驚
林無定鳥赤藤蘸水有懸猿細思潘岳親同

市爭及陶潛子候門行矣不須留戀在故園
松菊幸猶存

鎮羌堡書懷題壁

鞍馬頻年走北陲鬢毛已慣北風吹賈生當日固年少李廣此時猶數竒家信杳無黃犬寄塞寒惟有黑貂知平生總爲文章累墻壁從今莫賦詩

府谷縣

萬山深處縣城開里巷蕭條半草萊官不挈家如客寓路從開國少人來瘦黃餓吏供呵

殿曳白書生試憲臺更有驚心無寐處黃河
窻外響如雷

評云府谷風景人物如此可嘆可笑

遊水寨

府谷北十里者偶一登臨慨然

女媧殘石未消磨帝遣龍荒鎮濁河千古不
隨風雨壞半天應有鬼神訶中流砥柱分明
是南國金山未足多歇馬偶來凌絕頂一聲
長嘯鎮林阿

評云金山志外一種竒作也可喜可愛

題壁

野無平衍盡坡陀此地經年少客過城上風
雲連朔漠縣前楊柳匝黃河高秋羗笛沿村
起落日并兒隔岸歌老我不勝鄉思苦敝裘
寒透倚闌多

再賦水寨

一葉扁舟鳥外回盡收風景入行臺山如艷
潁中流見河自崑崙萬里來夾岸晚田登穢
極傍岩秋寺老蒼苔臨風欲賦空搔首安得
蘇公赤壁才

評云此首又勝前作一時
登臨景象歷歷在目

孤山堡

五原東接樓煩地疋馬西來日下春恠石草
間蹲怒虎枯松岩畔掛乖龍白雲倦出知人
意黃葉將殘類客容却笑貴人頭似雪東華
猶自晚聞鐘

評云未句少
含蓄

神木堡

老樹無枝可著花猶遺城郭鎮龍沙將軍擁
節新開府縣令鳴琴早放衙秋戍鶻毳煙萬

竈春耕襍襖雨千家何時文武還歸一再見
詩人詠兔置

評云三事四紀

葭州

病眼經秋此暫開越羅寒透立行臺城邊樹
繞黃河去天外山從朔漠來老我尚為文字
累是誰不困簿書堆西風莫謾吹華髮已約
陶潛醉菊杯

評云三四佳句

延長野寺牡丹縣北七十里地名交口有僧寺馬中植牡丹數

本秋意闌珊花枝搖落
一秋意闌珊花枝搖落
馬感而有作

野寺秋深木葉殘名花流落此誰看將移上
苑愁無路曾向東風笑倚闌蒼筤似難同物
外芙蓉番共笑江干靈根遮莫僧知重回首
空山歲已寒

評云全不着力自佳
着力者不能及

宿雲鋪有感

萬疊青山晚望通數家鷄犬一村同溪橋雨
過莓苔滑野逕秋深枸杞紅薄宦已諳分陝
路清時豈有避秦翁悠然忽感當年事

東田漫稿 三卷 四三
曾拜金門夕照中

曉發雲岩

銀漢初斜斗欵沉滿天風露濕衣襟水村客
去鷄鳴早山逕人稀葉落深曙色漸分勞望
眼秋聲遙起暗驚心獨憐岩下幽栖者日上
衡門正擁衾

經廢武帝廟

在宜川山中

野廟荒涼戶不扃當時翠輦此曾經空餘老
樹藏風雨無復靈旗閃日星芳草又從秋色
變故山猶出晚雲青人間興廢都如此可但

遼陽鶴姓丁

再過鄜州

秋日鄜州路郊原草木凋寺遙先見塔水冷
漸成橋沙鷗常驚馬山狸小似猫行人歸未
得一日幾魂銷

宜川道中

浮生空盪浪薄宦此奔波僻逕捫蘿入危橋
下馬過山深人語靜林茂鳥聲多回首斜陽
沒前途可柰何

山城驛次壁間鄧繼申韻

絕塞無人到長途祇自憐
林黃霜後葉柿白
雨中煙孤館生秋思
殘燈入夜眠
豸冠猶欲
挂魚袋更須懸

評云中四句好

石溝閏九月

度馬凌兢度石溝
酸風如箭射雙眸
途中節感黃楊
閏塞外寒驚白草秋
憂

國每慚犖婦婦締報

君誰斬月支頭
從來燕頰書生爾
投筆能封萬里侯

評云黃楊閏白草秋天生對也

高橋題河西道壁

塞垣風景惡
况属秒秋時
野闊人行少
沙深馬去遲
狂飈鳴獨樹
寒燒入荒陂
試問晨征者
憂來鬢幾絲

寧州述懷

廟堂何必勝
江湖南畝東
阡是壯圖
文仲尚然擠
下惠叔牙空
自薦夷吾衰
容照鑑
經秋減病影
隨燈入夜孤
獨有感麟
雙淚在等閒
不肯泣窮途

評云第六

試諸生

臺鎖諸生校藝時文章燦爛墨淋漓盛名本
自無虛士百戰還應有健兒沙裏揀金良獨
苦璞中得玉始為竒須知此特雕虫技留取

山龍獻

赤墀

次咸陽奉寄仰年兄

絕塞高秋按節時聞君秦地又分司歸心便
欲從南鴈舊事重論立
右螭不意笑談還有數却教文字久相羈長

安此去無多路明日樽前慰所思

再疊前韻

憶向西垣共直時別來兩地各分司音書
水底沉雙鯉歲月車前駕
六螭敢謂劔南還玉節更同席曲駐金西羈從
今便擬頭俱白不作江雲渭樹思

評云

此仰晉卿也與公同為司諫情
好甚篤此時自蜀移臬分陝

二月二十四日富平道中見花

寒食頻年不在家慣於馬上見開花病軀欲
傍難禁酒老眼雖看似隔紗隄柳曉飛千樹

雪野挑春爛一川霞羈人對此偏惆悵便擬
臨流買釣槎

臨潼時久

十里坡陀信馬行東風吹送入華清野棠將
盡燕初到山雨不來鳩正鳴當日巡遊成底
事百年興廢總閑情居人謾唱開元曲亡國
從來是此聲

評云三四

再過新豐

馬蹄再入新豐市撫景分明似去年郭外東

風草水遠斜日落花天韶華猶指三過

二世事勞形萬復千空得棄官歸栗里杖頭

常挂酒家錢

灞橋春晚

灞上春殘綠漸稠酒旗斜出水邊樓一天素

雪楊花晚萬頃黃雲麥穗秋馬踏亂紅逢野

寺畧隨斜日晒漁舟漢文有道今何在遠岸

惟存土一丘

鄠縣西二里即漢陂今廢為民田矣

北流入咸陽界行

幾家煙火羨陂東，聊解吟鞍向此中。
花落鶯啼官舍晚，月明烏怨女牆空。
千山不斷秦連蜀，二水交流渭合豐。
獨凭闌干正凝思，柳邊忽送一襟風。

重陽宮次白司馬韻

在盤至縣東之祖菴鎮元時有王重

陽者常監河干此遇異人得道山去當時因盛立宮觀今頗頽毀獨殘碑在草

者甚富云

外監樓臺罨畫微，斷碑人過讀應稀。
一瓢春酒生曾醉，兩袂秋雲去不歸。
華表空傳丁鶴返，黃庭誰養子鸞肥。
臨風不用多惆悵，漢苑

隋宮總夕暉

評云

中道士俱可五六謂神山渺茫宮

盤屋

縣東有長楊五柞宮故址其南抵終南山麓西則太白山在望矣

莽蒼連城晚望通，時平却喜戍樓空。
浮雲太白終南外，茂草長陽五柞中。
水漲陂塘初過雨，麥收時節偶觀風。
前驅莫遣行人避，恐有顛連帶索翁。

郿縣

即漢董卓藏金處其此二里許即渭川其南五里許即斜谷其東六

七十里則橫渠祠在焉

萬人金匱向此中，藏今日經過漢竟亡。
斜谷猿

啼山月曉滑川鷗泛水風涼市頭客舍新栽
柳郭裏人家舊插秧何事橫渠祠下石獨遺
殘字兩三行

評云三四裝綴可喜

連雲棧東河橋驛馬

一路松聲雜水聲碧山如畫夕陽明棧連絕
壁千尋起雲向行人兩足生孤館夜投聽鼓
坐殘燈時對結花成明朝試把青銅照雙鬢
應湏白數莖

題壁二絕句

公庭長夏無人到簾捲青山不下鈎何處飛
來雙燕子杏梁猶自話春愁

評云細媚可意

山窻影落梧桐月忽聽猿啼三兩聲鴻寶枕
寒衾又薄一場歸夢不能成

評云此足樂府體

吳山西鎮也

吳嶽凌寒似早秋廟田五月麥初收四時玉
帛導周典萬古山川鎮雍州高鳥入雲通絕
頂神龍行雨出靈湫老蟾未吐陽烏沒惟有

青山在上頭

鳳翔書懷

山雨初晴官舍幽且教吏散暫科頭階前鳥
下厨將午庭外風來竹自秋斗米久拚歸靖
節尺書無便寄浮丘從今縱得文章力未必
能封萬里侯

鳳翔藩司有竹數百竿鄭方伯所種者

詩以柬之

畫師雖老尚多情愛聽篔簹戛玉聲移得數
竿窓下種月明踈影學梅橫

茂陵

在輿平道傍

萬戶千門事已非獨留高冢對斜暉馬卿病
後書多遺蘇武歸來樹可圍芳草有情猶滿
地行人無淚為沾衣如何不是閒丘壠荆棘
年年野雉飛

評云

漢武耗國蠹民此詩句風刺作者作者

涵碧池

上瀟蒼水下清泥玉甃參差柳覆齊風過連
猗沉翡翠雨餘清淺浸玻璃漢娥入夜嬌留
影山簡乘春醉欲迷老我不堪重洗硯金花

箋上試新題

賦太乙真人蓮葉舟應 教

夫容老子下層城
擲却青藜自在行
衣惹九華香
霧濕身隨一葉水
風輕長河杯穩
緝郎渡遠漢槎回
織女驚更擬長流
何處去蓬萊
仙藥采長生

評云二聯俱佳

賦得荷葉露應 教

花氣侵晨濕畫闌
池荷如洗翠團團
誰將天上金莖露
瀉入波心碧玉盤
風動每愁爐汞

走雨餘應訝浦珠還
十年曾作

西垣客此景親從太液看

評云興似此甚難得

送張希載侍御入京

貞元花下舊同年
忽謾相逢向渭川
尊酒未酬文字飲
祖筵又賦別離篇
秦蕪曉發兼程馬
灞柳涼喧十里蟬
去去北臺人望切
才華久矣待箋天

白豹突馬身有黑花作鴈熊二物狀

沙場汗駒走且僵
陳王白馬何昂藏
中官牽

來金勒鏘滿身黑花浮練光初疑從獵漢武
皇射熊館下雄翱翔又疑角鷹養支郎共爾
神駿俱非常遂令二物協嘉祥變現異質為
爾章爾章不數十錦良爾價不數千金償會
當持爾獻 尚方芝房寶鼎同揄揚

黑豹突馬

身有白花
作伏兔狀

燕昭不惜千黃金市來駿馬烏同黔白花亂
點疑雪侵中有狡兔形可臨毛竒骨異難重
尋伯樂顧瞻應憐心

王門得之過獲琛置諸華廐如海深香篋滿

檻奚圍森衆馬引弊徒羨歆我見笑取桑落
斟醉持老穎成狂吟君獨不見李翰林五花
換酒曾酣沉

評云

以栢梁體咏物
故難得竒語

寄意

魯向

先朝拜拾遺老來僻性尚耽詩蜂腰鶴膝成
何用狗尾羊頭正得時把鏡自慚無貴相學
琴誰信有深思東臯舒嘯南窓傲早晚泉明
是我師

書堂應教賦蓮池

清宴高張

帝子家芝荷池館日初斜舞歌翠袖風翻葉
浴罷紅粧露浥花綵仗漫移看濯錦羽杯頻
送泛流霞

主人自有笙歌在不用尚書兩部蛙

武功行臺寓留一飯即赴扶風

綠槐庭院午陰涼簾簾半鋪八尺床無那困
來方美睡一聲啼鳥又斜陽

岐山行臺偶書

長日勞勞未得閒偶餘公務此開顏鐘鳴暮
雨知隣寺簾捲秋風坐見山世故夢疑非夢
叢身謀才與不才間夜窗靜數黃塵客都為
浮名兩鬢斑

評云三四

苦竹鳳翔分司

不是江州司馬宅却題湘水鷓鴣詩凍雷驚
笋猫頭出積雨侵梢鳳尾垂聲入西風敲戶
急影隨南月上窗遲而今若有洋州可定乞
生綃馮一枝

隴州道中兼簡閔光甫大叅

隴水南流更北流，幾村烟雨隔汀洲。
鷓鴣逐婦槐初雨，鸚鵡將雛稻正秋。
人望關山遙黯黯，樹僧歸吳嶽晚橫舟。
不知若箇雲深處，安妥先生卧一裘。

和閔光甫韻

世故多君懶應酬，歸來叢桂小山幽。
白鷗已放飛南國，黃犢親牽飲上流。
兩辰輕雲春采藥，一尊明月夜登樓。
遙知舊日書千卷，惟有南華在案頭。

評云八句俱佳第
六句尤自在

苦雨柬鄭方伯

秋陰隴坂黃泥滑，終日馳驅兩鬢斑。
細雨忽來昏碧樹，浮雲不散困青山。
僕夫冒雨猶待鞅，候吏侵晨未啓關。
寄語同行鄭藩長，萬金難買一身閒。

書華亭分司壁一絕

定是欲了公家事，一日途兼兩日行。
無奈東

書山 暫隨 曝秋城

道中

羨旬山一宿且修禪
日秋光始放晴弄笛牧
童牛地過何人好
空馬野歸水橫說與前驅休喝道暫時
立馬聽松聲

東田李義山詩
事亦自覺稽可也

官安家空野

喜病黃昏母白頭孤身萬里使
夜聞山雨今古如何共一愁

過乾陵

病乞還山尚未能瀟瀟風雨過
乾陵野口耕

遍楸梧盡寢殿頽平瓦礫增
郭近郡樓寒起
角寺遙村逕晚歸僧行人自是悲
秋客不為前朝感廢興

評云言我自傷非為武
后其人不足傷也

晚渡咸陽

野色微茫接渭川白鷗飛盡水如天
僧接紅葉林間寺人喚斜陽渡口船
表裏山河猶往日變遷朝市已多年
漁翁勘破興亡事獨坐秋風釣石邊

評云起句不
愧盛唐

次韻題光甫草堂

廣廈千間志已酬
草堂買占碧山幽
鳥啼藥圃春長在
花落柴門水自流
萬里橋邊工部宅
十年江上仲宣樓
歸來不待移文促
一把黃茆自蓋頭

評云

隱逸情況味歌盡之矣

題扇面小景二絕

水向人間流去遠
松於石上長來高
道人相見不相識
惟記從師舊姓茅
青山不費一錢買
暮暮朝朝在眼前
何用杖

藜蕪命僕沒來由
立大江邊

途間喜晴

小雨濕衣細若絲
西風吹散晚晴時
山橋碧瀉泉雙耳
野店青搖酒一旗
鳥隔亂藤啼不
息馬逢平坂度
忘疲歸裝自喜無
餘物博得秋懷數
首詩

評云

第六句新

送馬宗勉太常還吳中

布帆風飽木蘭舟
賜告歸來寵渥優
禁裡幾年依日月
江南千里憶松楸
華筵共餞金

臺下絲筆曾拈玉
殿頭去去奉常班
內客綠蕪春水渺
予愁

題便面小景

杏花村郭水邊樓
隔岸春山翠欲流
沾得吳姬新壓酒
小舟載過大江遊

春日東軒小酌聯句

東風庭院杏花殘
客裏聊偷半日懽
笑語正稠人欲醉
推敲不定字難安
金爐香裊黃雲直
銀甕醅浮綠蟻寒
回首韶華剛過半
踏青還擬聚雕鞍

壽劉考功母

壽酒春香歛灑杯
高堂慈母笑顏開
螽斯有美千年又
鶴筭無窮八秩纔

北闕恩馳申國老
東曹祿養阿戎才
韶華歲歲三過二
海上蟠桃始獻來

評云三四好

李國英庄上待遊山同伴

穠綠媽黃望眼迷
鄴侯別墅

禁城西古槐覆瓦陰
初合芳草侵階色未齊
雨後簾櫳雙燕入水邊
庭院一鶯啼不知酒

伴來何暮獨慙吟髭半日稽

評云第二句潭成自
在兩聯俱佳

遊西湖

十里琳宮接具臺是中佳處勝蓬萊雨餘山
色畫圖出日落湖光奩鏡開載酒且拚文字
飲了官權閣簿書堆多情却有長堤柳曾見
先皇行幸來

評云三四寫出
西湖佳處

公署即事

兀坐高齋對綺寮紙屏鬆几亦難消池塘雨

足揚花老簾幙風斜燕子嬌壁上詩篇唐制
作案頭書卷漢科條從來淺薄知無似白髮
終然負

聖朝

評云三四頗
類晚唐

促陳元溥水雲亭之遊

萬里橋邊黃四家水香雲暖小亭斜少陵頭
白猶強健肯許樽前醉落花

評云此絕亦
類唐語

輓何都憲封君

先生家住沃州西青壁丹崖白板扉城市薄
遊金不愛山林高卧虎忘機平生教子惟黃
卷中歲馳 恩亦繡衣惆悵東門瓜尚熟召
平一去幾時歸

評云

優柔自在
不類輓詩

送馬太常在告

棟花風裏放吳船澤國城邊有墓田
魏闕恩優貶兩世客臺春盡別群仙宦遊乍
許相如病自誓休同逸少賢別後思君無那
遠江南江北水如天

評云

起句甚驚人結亦稱
送人詩少見其此也

登水雲亭

近郭亭臺罨畫明

紫宸朝散此閒行城邊水泛宮花出橋口雲
連苑樹生人靜小簾飛乳燕日長深院語流
鶯相逢莫惜金貂重且共樽前一暢情

評云

三四見得
水雲意

涂黃門兄弟奉使南中便道壽其公羽

奉使槎隨萬里風兩郎歸自

五雲中黃堂老子鬚眉古綠野仙人格調同

卷裏詩誇千歲壽酒邊顏似少年紅更憐舊
業門生在一鶴南飛曲未終

張黃門使廣便道壽其母

白頭老母人間少青瑣賢郎

天上歸內法一尊斟壽酒

御香兩袖舞斑衣比堂瑞日萱花好南海蠻

烟荔子肥莫恠星輶行復止白雲紅日共依

依

次李西涯韻簡屠元勳二首

詰

闕丹楓曉行邊白草秋士趨嚴武幕客避庾
公樓雅愛烏魯及餘香席尚留千金與雙璧
此意詎能酬

迂疎猶似昨衰病不禁秋薄宦蝸粘壁危機
鼠墮樓雨中荷漸敗霜後葉難留撫景都如
此新詩亦漫酬

早朝遇雨

右掖鐘鳴曉殿開百官班裏雨聲來禁鴉不
散綠槐重仗馬初牽黃帕回溜意千簷疑倒
海雲迷雙闕尚奔雷緋袍沾濕烏紗墊半代

爭如陞盾亦

評云作

挽人父母

少微雲霧掩江天
婺女星沉更隔年
孔相尊空賓客散
柳家九在子孫賢
青山佳處埋雙璧
白首同期赴九泉
料得吳中人物志
一門名德自今傳

輓謝方伯

亞卿父也

青袍犀帶老藩卿
掉臂香山社裏行
少日官琴韓吏部
百年家世謝宣城
文章有後收遺

稿政事逢人說盛名

國史似公宜有傳
短章安足盡平生

挽謝方伯余夫人

不向河陽坐板輿
夫人名德更誰如
家貧尚舉梁鴻案
年少曾通伏勝書
八座累封

頒紫誥五男多貴佩
金魚南風近綠宜
男草堂背無人恨有餘

送畢嘉會

一官南去謫監鹽
更買南船繫潞河
京兆吏民遮道泣
揚州沽客扣舷歌
青雲後進推輪

少白首相知按劍多折盡柳條沽盡酒留君
不住柰君何

評云感慨悲壯想亦情真故耳

題小畫二景

溪友敲門留白魚浣花翁舍酒應無多呼阿
段衝寒雪黃四娘家得得沽
八月洞庭湖水平岳陽樓上晚風清孤舟欲
繫城南柳共楚乾坤句未成

壽白司寇

尚書門外人如簇盡是照鞍與朱轡登堂爭

獻東海桃花甲初周介多福維時臘月凍全
消蕙英階前六葉翹群仙滿座紅日上共飲
沈瀛歌雲韶雲韶歌罷餘清響銀燭高烧光
一丈笑談轉劇賓主歡香煖壽筵春浩蕩有
北湏臾斗柄橫孤星法星同度明主人不醉
健復飲無乃夜降南極星我聞右共誥言偏習
上壽由來百二十願公方來如已徂
三幾年年聽履入

評云

古調高語健集中少見其此

題斗方鶴鷄飛鳴宿食

不作儒衣結飛來白草坡西風木末外應恐
有虞羅

評云好末句

把菊幽叢下奔鴉兩兩鳴上林鶯莫妬西舍
鴨遭烹

朱雀飛應倦雙雙夕宿隴頭可憐風雨夜沙黑
鴈奴愁

北穀垂殘穗飢鴛啄處紅苔八誇鸚鵡粒贏得
閉雕籠

輓林黃門父教授君

閩海高人瘞玉特可蓋山下塞風吹玉門不
醉葡萄酒鬢舍空傳荔子詩鄭老襟期官獨
冷賈生才調死堪悲承家賴有書香子簪筆
頻年立右螭

送李彥明太守書最還泉州

曉風雙珮正珊珊太守從天報政還燕鴈北
來趨魏闕島雲南盡見閩山杏園春釀魯
同醉柳舍寒條忍重攀此別尺書如念我好
憑京使寄朝班

送韓錄事

折木秋風卷素濤封君歸興繞歸艘新從
北闕馳鸞鳥誥舊向西涼署馬曹九日忽思陶
社酒兩卽齊着漢宮袍靈椿卅挂千年事誰
說燕山竇氏高

會合聯句

序有

先帝時四方無事士大夫每休沐暇輒觴咏
暢情如蘭亭梓澤者不可勝數維時予與都
憲李公在給舍太守錢公在西臺實為同社
距今餘十年矣升沉聚散踪跡頓殊良可歎
也今年秋李入漕

京師錢需次選部予備貢大理十月初旬復
會於大興隆寺之東廊把酒之頃憶往事感
舊遊因共聯句得詩三首視前作蓋千百之
十一矣不知將來者復何如也漫錄於此誌
卷惘然弘治乙卯十月二日中錫識

十年重醉

上林秋蕙

聚散無憑是宦遊

此夜網繆知己話

承德

明朝離別故人愁

西風蕭寺驚黃葉

中錫

南客

都城易白頭

承德忽憶舊時行樂處
蕙芳筵欲去又還留

中錫

剪燭西窗斗欲沉中錫酒杯爭似故情深蕙

森森臺栢陰連棘承德濟濟朝紳誼合簪中錫

天上有恩春拍塞蕙官中無補歲侵尋承德

相逢且共掀髯笑中錫不負

明時有寸心蕙

故人忘勢又忘形承德久別相逢眼倍青蕙

今夜壺觴聊會合中錫當時朋舊幾沉冥承

德黃花滿徑秋香晚蕙綠竹當窻凍雨經中

錫却喜坐中無俗客承德金蘭談笑有餘馨蕙

評云情三好四

春社

冶聲當此日數戌自微陽膳肉陳平宰村醪

杜甫嘗風花迷道路煙柳淡池塘處處聞田

鼓粉榆引興長

評云五六好前四句恨故實堆絮耳

暮雪

凍鳥寂無聲黃昏雪未晴壓枝危始墮掃地

積還平韓句形容酷陶茶風味清是誰頽玉

處猶恨紫貂輕

二月一日風惡

石闌干外東風惡花信今年第一番未怕柳
柔禁不得祇憂竹勁勢難存漢皇志遠空高
詠宋傅才踈感舊恩幾度出門吹欲倒小窻
孤坐對黃昏

賜衣

宮錦離披五色絲上元分賜百官時自言客
數無毛遂敢謂

君恩漏介推錫命幸遭三褫辱退公空詠五
純詩朝來却喜東風暖併脫春衣當酒資

評云

未謂得賜衣始可脫春衣言貧無
兼衣也晚去又與酒家其貧尤甚

笑可

嘲陳元溥瘡面

王文嗔君貌似潘至今嚙面未曾乾便湏急
傳何郎粉莫遣閨人誤索癩

評云

滑稽有趣
味可喜

輓李黃門母

磨笄山下桑乾水此日經過憶客懷白髮已
違司諫養青羸曾守太常齋窻支舊石機絲
冷草合春蟠匣玉埋惟有同時鄰舍媪戍遙
砧冷記吾偕

輓盧方伯

舊都山水暮年情一枕邯鄲夢又驚愁見里
門題孝子空聞藩省說名鄉被閒姜榻寒猶
嫩花死陶籬恨未平惟有野城當夜月清光
偏照阿戎明

馬東田漫稿卷之三

馬東田漫稿卷之四



東田馬中錫著

沙溪孫

緒評

筆山文三畏校

居庸關 三首

野色微茫日下春

長陵西去是居庸
貔貅萬竈關門戍
龍虎千年王氣鍾
地險不須勞北顧
時平端可笑東封
我來總為宣威德
令尹毋嗔著述慵

評云

三四氣象雄
大與題相稱

關門紫氣結層陰柱史平明此共臨萬雉連
雲皆內拱六羸遠塞敢南侵老當益壯書生
志安不忘危聖主心便欲歸持三表獻草茅
終淺 廟謨深
清時鞞鼓暗邊聲馬首西來第一程漢障曉
雲連朔漠蒲津春樹望咸京兵陳畫戟野人
避隊奏清笳山鳥驚不是當時關吏在有誰
能識棄繻生

評云

二聯富麗可誦

黃花鎮會屠元勳都憲和其韻

此會應知慰宿期不勞千里更相思山城莎
雨連牀夜驛路松風並轡時令假憲威脩播
易裝因邊務束歸遲平生青眼今頭白消得
樽前幾首詩

道中言懷用前韻

東風花鳥負佳期獨凭肩輿有所思豹尾班
邊朝散後羊腸路險雨餘時諸邊番部羽書
靜古戍人家煙火遲按部却慚無寸補但歌
入你采薇詩

沙嶺道中郎事

在陵後長

寶山佳氣鬱葱葱一徑無媒萬木中春淺燒
痕猶自黑花遲風信未全東前駢漫遣行人
避南望應知複道通向晚濃嵐收不盡沾衣
微雨又濛濛

評云

三四調清雅且寫
出邊城凄苦之態

白瀑寺

在居庸關西百里寺中畫壁
碑志皆金大定年物也

白雲深處萬重山寺在雲山杳靄間四壁丹
青圖海會斷碑文字紀完顏俱餘盤石僧初
定齋罷生臺鳥未還世上紅塵應不到正宜
長日掩柴關

龍門道中聞北虜入貢

在紫荊東
石餘里

獨節雙旌建馬前理臣銜

命出行邊東西亭障餘千里表裏山河已百
年塞外紫駝遙入貢回中黃犢盡耕田居民
漫說昇平事得見昇平豈偶然

德勝寺

在居庸紫
荊塞上

山寺樓臺帶晚霞從來車馬不聞譁青松樹
下盤陀石綠水橋邊躑躅花老宿殘經猶在
案前朝斷磴半沉沙行人不解悲遺事爭向
村中問酒家

紫荆關二首

春盡邊城按節來一聲清角九關開懸崖花
落前旌過遠徼塵生探騎回老大尚餘橫槊
興踈狂空負請纓才不知客路還多少萬里
封侯念已灰

評云第三句有思

駐節關城日已昏漢兵十萬此中屯未逢尹
喜留函谷且學班超度玉門兩鬢蒼浪無藥
駐一囊羞澁有詩存歸來何用安邊策昨日
新降吐谷渾

浮圖峪

西接廣昌即古飛狐道李廣出軍處其南易州也燕昭王故城

猶存

關城樓櫓出層雲獨自憑高日又曛易水遺
墟燕太子飛狐故道李將軍戍連朔漠兵威
盛山隈幽并地勢分弭節恠來無一事
虞詩長夏奏南薰

廣昌道中

即古飛狐口今屬山西

華髮居然兩鬢生又持龍節按邊城堦整小
列元戎隊感粟雙吹出塞聲草色漸回初過
雨柳條猶短未聞鶯不知了却餘生事合得

雲山幾萬重

評云

尾句自在
中聯俱好

倒馬關

山有兩關對峙其路極險相傳
宋楊六郎至此馬踣故名其此

可通恒山
及朔州也

山上重關結構同成樓相對隔西東將軍戰

馬斜陽外老子青牛紫氣中恒嶽煙嵐春可

望朔方烽火夜曾通茲行却喜逢三月花逐

吟鞭日日紅

評云

八句
句稱

阜平縣

同年錢世
恒曾宰此

萬壘青山一逕斜縣城回首即天涯不嫌踪

跡常萍梗秣恐風光又揀花雲外成樓連驛

路林間樵火隔人家因思二十年前事有客

乘春此放衙

評云

五六
好

龍泉關

在阜平西百里
去五臺山甚近

歷盡邊城此最遙曉行嵐氣濕征袍路緣樹

抄羊腸險山入雲中鬼面高筋力漸衰鞍馬

倦軍儲多廢簿書勞憊來兩鬢黃塵滿安得

餘情付絲毫

温湯

在阜平境北距易州三日程即燕谷也

吕翁曾此煉瓊膏流出山根火未消色比華
池清更絕氣通燕谷暖應饒偶成春服思童
冠欲濯塵纓限市朝向晚披襟閒照影不知
雙髮已蕭蕭

曲陽謁北岳廟

恒陽靈氣藹神州花縣春深古廟幽五嶽風
雲連岱華千年玉帛獻春秋中山地迥稀遊
客北斗壇高禮道流我有瓣香從內出祝
禧此外更何求

軍城鎮

有宋王都監詩刻數壁
問錄裂始半因次其韻

落日悲笳隱塞城羽書稀報喜特清斷碑經
火留殘字折戟沉沙辨舊營
天子治安猶講武書生迂濶豈知兵停車正
遇邊墟散爭說邊頭米價平

龍華道中

在紫荆南
四五十里

數聲鷄犬隔煙蘿候吏遙驚使節過馬首驛
程何日了山中傳舍閱人多杏花看已青如
豆蒲葉來猶淺似莎撫景不堪春又去且歌
烏帽下坡陀

評云久困仕途方知此詩非虛語也

過懷安廢城

古戍多年廢牛羊散碧蕪水聲南入漢山勢
北連胡士馬乘秋簡旌麾向曉徂所希邊報
靜凌閣未須圖

評云梅渾閣闕宛然感唐人語

柴溝堡

大閣逢秋日名城奠朔方塞雲常作陣沙鳥
不成行前隊旌旗整中軍平宵元忽聞飛騎
報哨得左賢王

評云此等作製字宙間自有數不勝嘆服

葛峪堡題壁

孤城臨大漠猶屬漢提封月暗秋罨柝風嚴
曙閣鐘胡兵窺近塞戍士謹遙烽努力伊吾
水

朝廷賞自穠

評云惟淨可誦

過楊武襄墓

武襄一節四夷知千古遐思駐馬時偉績憑
誰歸太史平生高誼此殘碑墓田蕪沒居人

少屋瓦歌傾弔客悲見說北邙山下路野煙
荒草更淒其

評云深悲極怨不止
為楊武襄而已

威寧王公再起總制并涼軍事

單于十萬寇湟中

天子臨軒又起公玉笋班頭今耆老金貂行
裏舊元戎重持漢節殊方悅一掃胡塵大漠
空願答昇平辭富貴扁舟還向五湖東

書行臺壁五首

金帶奚堪束沈腰小山叢桂謬相招

朝廷寵重臣才劣邊塞功成士骨銷退虜恨
無中令郭漏師元有寺人貂不堪倚柱成惆
悵况復風花一片飄

坐拂吳鉤看斗文春來青海靜妖氛邊頭樹
與中華接屋角山從北極分萬里長城勞戍
卒十圍便腹負將軍含情欲語無人會翹首
東南是

五雲

評云

起語十分憤恨
五六當有所風

病骨稜層倚瘦藤感時懷抱積難勝

尚方寶劔憑誰借下澤巾車擬獨乘囊底幸
仔醫藥費案頭猶苦簿書仍平生豪氣今除
盡可柰青銅白髮增

書卷長拋案有塵春歸無處不傷神桐花院
落紅初減荷葉池亭綠未勻鄉夢每勞多病
客邊愁不到早朝人呼僮暫洗舒州杓莫負
樽前見在身

評云五六所謂春歸傷神者情思可念

候鴈飛歸塞草春悄愁人臥已經旬浮名可
但途千里厚祿深慚歲百緡既逐鷓鴣牛腐

鼠敢辭犬豕混祥麟思量總被殘編誤燈火
教兒且漫親

評云五首俱佳作第

帥府東園帥府東園舊有小園中建池亭

所月十八日簡士馬畢元戎恒置酒
高會於此以暢雅懷弘治丁巳春都
督阮公既佩印適屆其期即循故事
與同事諸公來此聚飲或謂不可無
作以紀其事因各賦詩一首刻而
於亭廢將來茲盟可寒亦可尋耳

洗兵池上射堂前美酒今晨費十千倚座鶯

聲來細柳捲簾山色對燕然單于累歲無傳

箭嫖姚諸軍總控絃况復青春照金紫豈容

無句記流年

細柳謂坤府城南
南即燕然山也

送何德章員外清理屯田還京

按節桑乾驚歲晚一尊臨別重徘徊屯田為
國真長計民部多君是俊才踈柳漫從河畔
折寒花猶近磧中開憑將充國當時意獻上
黃金百尺臺

寄劉司徒時 賜告還家

乞得還家

詔旨優安車夙駕更難留山林已遂先生樂
廊廟誰分

聖主憂偶以蓬麻親受益敢言膠漆舊相投
從今漢水方城外人物真成第一流

登野狐嶺關

絕塞孤城落照邊行人猶解說當年

白旄一去無消息

黃屋重歸有變遷胡馬夜嘶關月暗漢兵秋
戍陣雲連斷碑臥草前朝物欲讀摩挲字不
全

評云

五六氣象雄大邊關
留題不可無此等句

書懷

年年邊草見黃時
黃色無由得上眉
沈約宦情金帶減
班超歸計玉關遲
路遙鄉信何曾達
日短程書

聖得知一夜北風愁
裏聽曉來雙髮總成絲

評云 前四句悲壯後四句畧似下稱

輓賈僉憲母趙孺人 乃翁嘗為長史

衣笥香塵積 帔霞南風吹
老北堂花路迷 鈎弋夫人宅
門掩長沙太傅家
剪髮厨空賓已散
斷機牕冷月猶斜
不堪遊子乘驄後
獨對靈椿感歲華

評云 三四切題

春寒夜坐

三日晴明兩日陰
越羅衣擁峭寒侵
杏桃已識春風面
松栢猶堅晚歲心
吟筆乍拈燈欲暗
熏籠斜倚漏初沉
不堪病骨稜層瘦
可恠休文帶減金

評云 八句俱佳三四意有所風含蓄不盡露

春晚三首

獨坐風簾晚空庭
小雨餘衙兵收隊
仗院吏罷文書
病為愁多劇才因老至
踈願言楊得

意莫更薦相如

花落高齋靜公堂退食餘蜂鑽窗裡紙燕泥

案頭書醫藥經年在琴樽累月踈自慚頭已

白於道尚紛如

思家千里外算老五旬餘終歲了公事何時

讀我書天寒花放少地僻客來踈檢點從前

句而今媿不如

評云尾句常情也

別上谷

馬首東歸第一程猶凭熊軾建雙旌鄉心杜

宇枝頭血世事鷓鴣江上聲統幕地寒春間

寂摩笄山晚水紆縈高原回首踈久不見

黃雲萬里城

評云自宣府得告歸詩也八句俱好

謝病還家八首望廬

十里垂楊兩岸鶯病眸家近豁然明吾廬次

第船頭見故老相將水際迎烏帽尚為行路

扮白頭遙慰倚門情不須藥餌扶持在已覺

微軀氣漸平

及家

東田漫稿 四卷 十一
入門憂病兩俱忘筋力猶堪拜北堂市近盤
殮嗟可辨坐來親舊話偏長五句之壽宜知
止二十餘年為底忙却喜歸囊無長物南華
一卷久珍藏

壽親

七十慈親見在身眼明猶足辨諸親蘋蘩久
相先君子

鸞鵲新封太淑人壽酒歸來斟合再病軀拜
起喜忘頻從今擬汲清漳水盡濯斑衣往日
塵

理病

病足

行藥巡簷總要扶前身恐是躄浮圖芒屨竹
杖徒為爾曲几方牀不負吾意外幾時歸塞
馬世間無處覓醫盧天公可道於人薄與免
殘年走畏途

評云

三四見得杖屨日疎牀榻日
密爾滑稽可喜後四句弱

觀稼

二頃東臯負郭田黃牛耕罷隴頭眠舊苗半
雜新苗長大麥常收小麥前斗笠倒欹渡赤
日籃輿仰卧看青天有時樹底逢樵子談笑

聊同一息肩

灌園

不忘平生咬菜根
還家依舊灌西園
揮鉏謾有旁人識
抱甕惟甘古道存
杜甫芋區誇錦里
召平瓜地接青門
蕪菁爛煮肥於肉
况對田家老瓦盆

懋樹

長夏科頭坐茂林
更無榮辱可關心
黃鸝不語口將午
玄蟻移封天欲陰
三宿詎生塵世愛
十園空感歲時侵
槐根醉卧東村老
呼起

聽予快活吟

讀書

茆屋東頭甕牖前
展開黃卷坐青毡
首參羲老先天畫
次及莊生秋水篇
開闔始終總一部
是非成敗已千年
廢書又復成長嘆
輸與邊韶鎮日眠

秋江獨釣便面寄陳元溥

舴艋小於杯
鱸魚肥似瓠
故人如可來
沽酒蘆花渡

評云瓊經可喜

東田漫稿 四卷
漁舟晚泊便面寄周載文侍御

怕經風浪惡且繫釣魚船
君踏東華月江村
我正眠

評云

格調亦類唐人
微欠點檢耳

雨後

林下披襟坐蕭然
息世機涼隨絲雨至
暑共火雲飛
朱鳥昏雖見青奴
夜已遠不知塵網
客何苦觸炎威

輓李都閩

謝却章逢葦長楊百步穿

先朝魁武舉中歲解兵權
勲業賢郎繼聲名
成卒傳秋風易水外
高塚正累然

圮橋進履

六籍初經劫火餘
圮橋一卷更何書
留侯受得渾無用
祇與高皇創帝居

渡江擊楫

胡騎縱橫滿洛京
江東惟仗茂弘卿
如何舉措全乖刺
坐使中州哭祖生

耕

昨夜典園收息錢
大兒買牛耕麥田
向翁耳

語已種黍酒熟正當秋社前

織

老蚕上箔桑葉稀
小女手中新繭肥
數日繰車怪不響
阿婆裙練先登機

評云

二絕佳甚盛唐人語也三復起敬

嘲田濟民

酒泉郡外初歸我
飯顆山前忽見君
身謝簪袍貧似洗
心關桂玉熱如焚
故人牢落空懷刺
舊學荒唐尚鬻文
獨有盛名隨處滿
米家顛子是前聞

嘲韓宗康

南園狂老子花裏
一生忙夢雨魂應
斷俚紅竅亦香綺
羅淹歲月脂粉浣
肝腸千古誰堪比
風流乞食郎

贈鄭端本民部遇例 馳封父母

喜氣榮光塞劔川
名郎翁媪受封年

恩頒北闕常資外
官署東曹此例前
竇氏義方人未老
柳家勤苦世稱賢
題詩遠寄高堂上
翠翟烏紗共儼然

遊鄰寺憶泰高峯上人

二十年前掃石苔杖藜今日我重來綠槐過
雨葉初靜紅蓼受風花自開鮮帶謾為西教
重留衣恐起後人猜寺門流水依然在不見
當時老辨才

評云頌聯

西田父子析居詩以嘲之

一夜鴻溝判閩中侵晨橋梓各西東弟兄本
合常同被父子從來有異宮棊裡舊聞爭局
道御前猶自隔屏風願言他日芝蘭茂無改
而翁與太翁

評云

戲得有趣非
故實太多

和李石城學士祀闕里韻

畢方夜見魯東家學士侵晨奉白麻三獻直
臨洙泗水頭綱先

賜翰林茶詩驚白傳傳郵竹禮候嚴公掃逕
花莫訝西風吾在告從來痼疾染煙霞

簡景守馬世維

塞國歸來兩鬢絲閉門高卧雪殘時足同粟
里先生病酒賴江州太守齋枉駕况筮臨下
邑連墻曾共駐京師襟期歲晚何人話幸有

東坡詩集 四卷 十一
同宗是故知

舊居

河聲樹色繞吾廬
一徑蕭然草不除
多病祇宜玄晏卧
卜鄰原近董生居
流年窓外三竿日
今雨門前駟馬車
昨日曉寒聊袖手
西風為展案頭書

送王縣博謫山陰河泊因便道長沙省

其親

芹泮橫經二十秋
升沉歲晚寄浮漚
青毡舊物還湘水
黃紙新除上沃州
門外客來竒莫問
江頭船集稅初收
臨行最恨長亭柳
折盡柔條不可留

雪

同雲黯黯朔風吹
三日柴門未啓時
折竹有聲驚將夢
凍梅無影入逋詩
籬邊酒路晨初掃
江上漁簑晚正披
獨喜風流陶學士
煎茶調笑党家姬

新春試筆

東風揚柳受偏多
綠遍柴門遶御河
自笑身猶窮措大
不須人問病維摩
結亭已扁休休

字拂枕還為浩浩歌一卷太玄空白首試持
覆訖看如何

雨中自述

春寒何事起來遲抱膝掀髯揔費詩一雨閉
門總十日百花待酒已多時園林小樣茅亭
結山水橫披古畫垂醉了却醒醒又醉從今
行止更由誰

再用前韻

今年寒食踏青遲減却詩人馬上詩卧病無
醫三月裡朝

天有夢五更時梨花欲破酒應熟燕子不來
簾尚垂睡覺日高剛丈五柴門常掩任敲誰
西田見和苦遲又疊前韻促之

詩壇老将戰何遲三月總吟兩首詩句律固
知猶壯日情悰應不似當時陳思七步才安
在賈島三年淚欲垂愧我偶成還草草媚娘
宮錦奪歸誰

閨怨二首

羞把高樓玉笛吹玉人心不似當時婦期屢
負金錢卜別恨虛勞錦字詩醒後酒痕猶的

歷病中花事已離披口脂面藥無消息
秋風冷漢姬

評云頗近李義山

永夜鸞簫獨自吹
小紅休更說年時
望迷天上牽牛會
情切周南卷耳詩
團月自甘班扇棄
雄風魯頌楚襟披
長門咫尺何須怨
萬里烏孫嫁帝姬

述懷

已還旌節下

彤闈老瓦盆中酒
正肥三萬六千塲
始半東

西南北路初歸春風有意來茅屋
朔雪無心上鐵衣
早晚只除些事累
催租益菜苦相逼
過鄉校為群蒙正句讀有感

名場可但此心灰
青鏡頻看退亦該
兩眼多便大字百朋量
減怯深杯病慵已絕
朝念性拙原非濟世才
只合終身栖舊隱
兔園冊子教提孩

杏花

探膽瓶寒貯浸花泉
折得紅芳祗自憐
曲水舊

恩榜後牧村新指酒旗邊影橫夜月梅應肖
色醉春風柳傍眠今日書齋伴幽寂出墻嬌
態漫爭妍

閨情

紅日花梢起繡遲舊愁新恨有誰知前魚靜
憶龍陽寵青鳥頻遠阿母期萬里藁砧空錦
字千金蓋白輟烏絲春來似少闌干債一日
先闌十二時

評云結語可喜

短述九絕

盆池受水剛斗大湖石假山高尺餘午倦拋
書聊寓目儼然彭蠡及匡廬
殘紅已褪成青杏一架薔薇爛熳開分付花
光須記取莫貪結子且徘徊
兩童肩水灌闌花屈指來回二里賒使我有
田過十頃夸娥定遣挽雲車
逢蟻符花鬢忙釀蜜螳銜蝶翅亂隨衙幽人一
笑輟吟事獨倚闌干春日斜

評云藉有醞

不種平章宅裡花蔓菁蘆菴繞籬芭客來無

用誇顏色羸得春風每在家
頭髮不巾韉不襪宿醒未解出門遲童奴忽
報漁船過正是梨花酒熟時

評云

樂府題
有古意

獻玉無心運甕慵黃牛飼飽健如龍年來頗
諳田家事毋怪樊遲學老農
粟留西郭纔雙嘒楊柳東風已二眠草草韶
華過又半頁文虛掛杖頭錢
書卷廢多生壁蠹硯池濡少冷銅蟬蓬門深
掩無人到落盡春風棠棣花

評云

九絕
俱佳

夜半聞雨時久旱二麥未登

譙鼓聲頻轉四更忽驚風雨入踈櫺青綾坐
擁歡無寐麥壠明朝餅餌馨

今朝立夏剛三日小麥青青一尺高好雨知
時來夜半田家翁媪睡能牢

如膏小雨通宵下宿麥斬斬遠近齊縱使多
收過十斛也應難易炭度妻

半夜山風吹雨過淙淙簷溜到天明急呼傭
保醒來聽此是儂家打麥聲

東田漫稿
評云

調似琴操
可喜可愛

偶成用別上谷韻

西村赴飲恐稽程東社塵詩未倒旌雨過園
林增事料鷲來楊柳送歌聲行藏瞥眼還成
夢得喪於心了不索却笑杜陵緣底瘦不如
一醉破愁城

擇里

不出衡門歲月長南鄰無賴北鄰狂從來知
者居仁里無怪門人惑互鄉幾欲移家關壘
畝未能成俗愧朝堂温公涑水堯夫薊也托

看花駐洛陽

江村釣舟便面

獨樹圓沙艤釣舟白蘋風起滿江秋葦羨鱸
膾年年飽何必人間萬戶侯

即事二首

燕市新辭買駿金板扉茅屋卧青林盆花種
活自住色籠鳥養馴時好音捫虱倦談當世
務屠龍慚負少年心欲將勲業還看鏡短髮
蕭蕭不耐簪

多病休文怯帶金經年高枕卧園林野花夾

徑麝蘭氣山鳥隔簾絲竹音案上陸方多誤
字林頭周易可醒心客來莫問人間事華髮
蕭然已擲簪

送王民望自陝藩陞秩巡撫次三原王

太宰韻

分陝旬宣屬雋才又持繡斧岱宗來柏臺望
重憑熊軾蓮岳光寒動蟻杯士設禮羅期盡
取人惟法畧喜重開犧樽會見歸

清廟可但青黃是木灾

六月望新舍成與呂太守韓明府會飲

殘暑相逢笑口開小堂新構近城隈寒瓜再
摘浮冰椀短笛雙吹勸酒杯花外香知韓掾
過韓風情人故調之柳邊駕報呂安來主人卧病文
園久欲賦慚無授簡才

次前韻

莫道蓬門近市開會心無處不林隈身閒懶
束黃金帶量減猶堪藥玉杯親友屢成聊燕
賀比鄰墻短任鷄來獨憐無地樓臺者剛得
人誇宰相才

施太守見薦詩以祝之

一卧滄江歲兩移驚聞剡薦及支離孤舟已
怕經風浪駑馬那堪再馮羈藥喜新方抄陸
氏琴慚古調奏鍾期丹崖青壁吾何敢且乞
餘牛食蛤蜊

太宰屠公致政歸四明詩以贈之

金紫班頭早拂衣官船恩給去如飛

朝途尚憶山公啓鄰曲爭迎賀老歸晚節保
全真得計急流勇退是知幾到家相近中秋
節玉帶花前父子圍

評云三四
著題

聞虜寇雲中感而有作二首

城下平明虜騎圍城西昨夜血沾衣裹創出
戰士多死囚首被俘人幾歸關塞極天烽歷
歷沙場經雨燐輝輝材間可是無醫藥懶性
從來與世違

聞道邊城久被圍邊兵猶未解戎衣請纓事
笑終童誕勒石功慚竇憲歸劍挂壁間秋水
淨旄懸天上夜星輝可堪醉尉呵人後藥裹
關心雅志違

評云二一首
感慨

秋雨病中二首

閉門十日臥秋陰欲起巡檐力未任書對短
檠空二尺家藏敝帚尚千金薔薇浥露新生
刺菡萏含風正苦心藥裹滿前挂不去相如
消渴近來深

評云

五六古人所未道者

歸田生計勝為官林下幽居十畝寬溪水度
雲茅屋暖山風吹雨打窗寒案頭本草閒時
檢篋裏離騷醉後看一枕倦來還穩睡豈容
塵夢到槐安

評云

三四可愛

卧病苦雨

城頭黯黯雲堆墨屋漏床床雨似麻巷陌泥
深稀過客比鄰墻地盡通家聲繁如沸蛙鳴
草粉重難飛蝶困花門外會看秋水至何妨
博望一乘槎

評云

第四句新

簡施太守見過

五柳庄前菊未開陶潛脚疾久停杯忽驚穉
子雙雙入報道江州刺史來

自述

明時何事賦歸田屈指知非又六年前箸舊
慚禪

廟筭左符今喜解兵權剝伶酒頌狂文字陸
羽茶經贅簡篇五斗醒來還七碗回看塵世
是虛船

評云

虛船未經見未知是
用莊生虛舟事否

述懷四首

聞薦

百尺危樓八尺床歸田歲晚卧滄江蕭何底
用追韓信鮑老而今笑郭郎細為身謀歸最

穩記語世味澹偏長山瓶乳酒東籬菊且醉

陶家五柳庄

罹謗

日高丈五睡方酣世事逢人口不談彼譖詩
錐投有比我生箕或在維南病歸豈類潁陽
剪知足常懷柱下聃檻外有花樽有酒且拚
雙鬢醉鬢鬢

評云

三四對工可
喜亦有醜藉

校書

酒殘朝來尚未拈西齋高坐校牙籤硯難磨

為生來滑筆易頽因強出尖虎豕並訛真莫
辨熊魚雖美詎能兼不如徙倚虛簷柱且對
寒花一撚髯

評云

滑稽可愛三四有所諷

對菊

秋菊花開滿徑黃自臨深甕取醅嘗東籬敢
奪陶家好老圃聊薰魏國香此日詩須三百
韻餘生醉尚幾千場虎符龍勅都交付且避
人間馬足忙

謝苦侍御二首

故山霜葉繞吾廬歲晚勞君慰索居鄙吝未
交黃叔度宦遊先念心相如多儀遣使恩私
厚一病逢人禮法疎獨恨晨寒侵筆硯報章
呵凍不成書

舊雨柴門長徑苔親勞柱史寄聲來人才自
古推西蜀風采於今見北臺雅意並隨宰禮
至病眸遙為法星開題詩欲報無佳句撚筆
深慚贈隴梅

九日述懷

懶作人間了事癡柴門高卧起常逢王弘酒

到即高品靖節花開無醜枝不俗不僧仍識
字半醒半醉且吟詩年來况與漁樵契温樹
從前本不知

評云 木用孔光事翻得極好又以見初未蒙優渥也可念

贈歙商吳以時南還

到處風花豁壯眸世家喬木在南州弟兄力
作千金產湖海深藏一葉舟旅館生涯淹累
歲故園歸興動高秋願言此去毋濡滯慈母
重門倚白頭

報王僉憲

群童對面忍相欺歲晚滄江卧
池遭毒手祇緣騎屋遺
禠入矢親勞德五辭
濡筆寫新詩

社飲

晨起掃風軒花磁淨於玉時年稍豐和談笑
聚鄰曲左手整正中山酒初熟哨
遲寬韻詩成速意適軒
資頗任真禮數亦諧俗
溪六情深各盡觴畫短繼以燭
鴻

籬香還北菊流光衆所同
世間人紅塵莫相觸

評云情真意洽衝口
亦致亦自可喜

擬古八百

行樂秋水濱蕭蕭木葉下
健於馬蹄來悲於門送照
歌曲終和良寡

雨過秋氣清茆齋淨如洗
山公啓視酒有甌泉厨空無
心此味甘同藜

病起旅梳頭華髮不盈把
薄亦寡魚安知魚呼馬謂之
不蒙莊在達者

齋簷坐負暄愛日熏人醉
槐南使高車駟馬遊飽諳
空隣翁方美睡

評云是選詩
聲意

中歲究墳典頗知滋味長
波亦光薑桂老逾辣椒蘭
酒末路博西涼

薄暮坐一室焚香彈素琴冰絃足古調玉軫
無繁音不奏廣陵散唯工梁父吟紛紛箏笛
耳誰復稱予心

評云 此二首不是古詩
只是五言律耳

寒鼓遠聲微踈簷響秋雨林空萬葉殘一一
委定字獨卧掩荆扉沉疴久難愈感之坐天
明所念非三登
經年耽肺病藥果堆如山雖失據鞍健却辭
行路難心忘軒冕靜身處衡茅閭內外兩無
事優游穹壤間

評云 仍是律詩
無古意

田家

農家歲事畢日晚關蓬門兒女笑燈下牛羊
卧墻根火煨楮煖酒漉茅柴渾陶然取一
醉其樂不可言

長門行

金屋佳人正專夕翠華忽幸平陽宅平陽宅
裡春晝長妙舞清歌圍綺席就中艷質霍家
親珠翠滿頭恩澤新酒罷携婦後宮去妖嬈
不數邢夫人經年再辱重瞳顧豈蕊含胎滋

雨露坐使長門閉阿嬌黃金却買相如賦相
如詞賦天下工卧病茂陵松栢中得金沽酒
掉椽筆六百餘言追國風后復承恩上心喜
金滕未啓能如此九原寄語赤舄公莫賦東
山勞婦士

評云

詞調頗似
溫飛卿

點絳脣

詠臘
月雨

殘臘凝寒六花忽變廉纖雨墊巾歸去泥泥
先生履試問天公此事真成異天無語蜚廉
屏翳錯亂風雲例

評云

臘月雨本異事
故風義有所在

庚申除夕

滿城蕭鼓歲殘時珠斗闌干柄欲移十口傳
杯燈下酒一年稿盡枕邊詩辛盤預簇春將
近寒鼓猶敲臘去遲屈指五旬明又六聖尼
知命我何如

評云

第四
句好

辛酉元日試筆

曾持龍節鎮龍沙晚卧滄江鬢欲華一病未
嘗康子藥百年徒繫聖尼瓜孤松遇雪姿還

茂弱柳隨風勢易斜會得歸來無限意武陵
川上看桃花

和元遺山正月九日立春韻

寒逐泥牛送曆家吾廬晴煖更何嗟一年生
計從茲始萬里春光詎有涯挑菜甫能過幾
日探梅猶未試多花令人苦憶遺山老獨對
東風感物華

調迎春花

以竹枝結
屏植盆內

誰把迎春乞汝名小盆移種近前楹金花細
綴行還密翠梗交盤葉未生風外扶持須竹

祖傳中開放讓梅兄一樽未盡詩家興來歲

重尋此日盟

十日自述

故園今日又逢春水北原南柳色新已辦青
樽延故舊何須白眼待時人百年詩債償纔
半一月風光過又旬如此不拚懷抱放山林
何以著閒身

對客自述

雪消風煖近燒燈病起前簷理瘦藤浮蟻酒
香留客醉駕鼇山好記吾登青春有限休虛

擲白髮無愁亦漸增五十六年真一夢悔教
籬鷓笑雲鵬

宮怨

彩線金針事事慵新恩不似舊恩濃千金縱
買長門賦一杵誰憐永巷春翠袖舞多顏色
故羅巾泣罷淚痕重春寒見說梅花瘦未必
花枝似病容

病述四首

抗疏歸來卧一丘盡將榮辱付虛舟杜陵晚
節從人笑阮籍狂名舉世讐大海浮槎終杳

渺小山叢桂合淹留東風吹綠門前水兩兩
沙磯下白鷗

評云結句有味

元龍豪氣已全收抱病春來卧小樓一枕殘
燈千里夢半窓斜月五更頭經旬不赴蓮花
社何日重尋杜若洲遮莫強扶藜杖起與誰
桃李夜同遊

載酒尋春合暫休閉門高枕謝同遊獨醒洞
口桃應笑多病山中桂適留弦索譜生拋綠
綺斗文塵滿閣吳鈎誰言春去愁如海東海

還當有盡頭

杜陵勲業近如何青鏡流年兩鬢皤
狗彘餘同土芥播烏泊後任風波
病多自笑非閑酒和寡安能獨浩歌
昨日林僧相問訊謬言予類古維摩

木蘭花慢

懷詠

向名場宦海纔馬去又牛來喜近日林間陶
腰緩擺阮眼狂開從人翻雲覆雨更不須計
較與安排說甚蘭臺柏府何妨草閣茅齋
思量多病為多才把似學癡騃且領取餘年
驚枝鳥定駭浪船回春來訪隣尋里對故人
無限好情懷新醉梨花美日舊乾荷葉深杯

早春自述三首

杏花雨過柳花風睡起凭闌酒正中一椀午
茶麈醉吐半溪春水帶愁東泥香乳燕窺簾
入巢拙鳴鳩借樹同試問春光還幾許少年
人病已成翁

評云

組織甚上

十載金門籍謬通歸來還作著書窮睡醒涼
屋日初上病起柳塘風已東華髮無情垂素

頽朱顏何計返青銅步兵雙眼毋勞白末路
誰人肯恕公

摩挲雙眼對青春花漸芳菲柳漸勻酒有別
腸堪敵客詩無奇句可驚人百年息壤盟何
在一枕邯鄲夢不直阜悟滄浪終濯足肯將
吾足浣黃塵

杜工部

草堂為卜錦宮城短褐麻鞋萬里行南國魚
龍方寂寞中原豺虎正縱橫愁深異域吳郎
狎醉極登牀僕射驚李白沉身公藁葬令人
空恨麴先生

閒述

茆屋三間樹一灣仕途今日得真還非閑霄
漢無人顧自是山林要我間驄馬凌兢歸馬
逸朝衣狼籍舞衣斑而今不是籠中翼何用
開籠放白鷗

評云

三四是用唐人一代交游非下貴
五湖風月合教貧意語微不至

自咎

東風搔首據胡床自取平生一較量富貴已
教伶俐折憂愁還把笑談妨欲凭醒石誰容

醒不飲狂泉反謂狂形狀被渠描畫盡未描
惟有鐵肝腸

評云

三四老於世
故之言也

病起偶述

案頭殘字了玄文病入今年較一分剡水自
容癡老子灞陵休起故將軍春光滿眼濃於
酒世事無心懶似雲獨有新詩猶作崇未能
即取古囊焚

溪上即事言懷

門外春波鏡面光渡頭春柳麴塵黃釣魚船
小竿三尺沽酒旗斜字一行淑氣已催黃鳥
轉機心久與白鷗忘而今雙足浮埃淨不涴
滄浪亦未妨

評云

第四
句新

花朝會飲

酒香隔座藹如雲花氣穿簾煖似薰朋舊二
三聊會合春光九十已平分高談正喜眉雙
展俗事何勞耳重聞却笑杜陵懷李白一樽
空自悵論文

讀騷有感

四壁殘燈一卷書蕭然華髮照吾廬衰形扶
病經春後寒影隨人入夜初銅柱功名蓋據
馬碧山風致在焚魚丈夫出處從來定何事
湘纍著卜居

評云

句律純熟自
在三四尤佳

索居用前韻

手挾農家種樹書會心無處不匡廬百年在
世真長夢一醉忘情即太初意外危機虞氏
鼠眼前欺態校人魚何須更說紅塵事抱病
林間且索居

評云

不似和詩
自在穩妥

擬古

氣序忽流易暮春黃鳥鳴幽人卧空谷感此
微物情海水不西返蘄轅豈南征君恩如可
恃富貴何須輕

評云

三四派麗可傳
結句人情也

酌客

良辰具雞黍朋舊過我談疎雨霽遠近微風
來東南共悅名理妙安知醪味甘古人不及
亂吾敢獨沉酣

評云調高可作琴操

築墻

黃土周遭築短墻小園十畝護紅芳版間豈
有調羹相樹下應無立馬郎低度山雲連野
色亂過隣蝶限春光杏花留取供詩興莫放
狂枝出路旁

評云五六好連字限

贈樊都尉時江南冊封回見過

錦纜牙樯艤渡頭剪桐曾記及高秋

中朝駙馬官曹重南國

親王禮數優平叔風流今絕少宗師文采古
難儔相逢草草還相別君自乘鸞我飯牛

近村杏花

近郭村庄載酒來還當兩度杏花開苦教芳
樹常今日安用紅粧侑此杯墻外繁枝春正
鬧水邊疎影月應猜東風吹落無人惜狼藉
人間十畝苔

十姊妹花即麗春

移得芳叢最好枝暮春庭院見開時便分麗
色來書幌兼有濃香入硯池體態似秦還似

鏡面顏宜粉又宜脂憑君莫辨彭衙石留取
當年杜十姨

評云

杜拾遺人詔為十姨遂為故事以之咏十姊妹亦自可喜

連日風寒遊賞盡廢有作

柳外東風慘似秋豈徒堪恨五更頭顛狂十
日尚未已斷送百花空始休芳渚浪高無客
渡長途塵漲使人愁閉門一卧青春老安得
南薰入舜謳

約西田看杏花

階前園子報昨日杏花開載酒尋春去期君

得得來

田間自述

歸來能幾久一瞥又殘春律熟詩方淡年衰
夢不真青衿遊稚子白髮奉慈親偶讀豳風
罷蒸梨餉野人

評云

三四好

西園同西田看花三首

小甕新開釀携來看杏花園林須我輩句律
本誰家正喜青春好還驚白日斜歸來重秉
燭莫待鼓晨槌

西園風景好文杏繞芳筵杖屨春香外樽壘
夕照邊先生將去也太守已頽然此會應須
再無勞憶舊年

評云

三四平易冲淡五六
用見成語對偶切題

侵晨步屨來日落尚徘徊公忽頽然醉吾今
甚矣衰園花相調笑林鳥不疑猜明日能過
此牀頭有舊醅

村飲

兩角黃牛駕小車隨行童子髻雙丫南隣北
舍連朝酒野杏山挑是處花嬉笑一場村僂

偶輸羸幾陣瞽琵琶歸來醉卧茅檐下消得
盧仝七椀茶

評云

題本村飲故此作
亦只用村語體

病起

對鏡

閉門三月盡一病尚懨懨末路詩偏苦中年
睡不甜自從書卷廢誰共酒杯拈惟有青銅
在應憐白髮添

寄王希曾都憲

與君先世舊通家况復慈恩共看花闊別宦
途餘歲月旬宣隣境仰光華魚書遠自

朝廷下能軾新聞父老遽咫尺病中良會阻
寒宵空憶剡溪艇

留客

小院春深靜重門晝半關盆花經雨活簾絮
遇風閒病久形如削吟多稿自刪童奴沽酒
去客至未須還

霽景樓卷

為李世賢
學士題

學士當年此建樓斗城風物陋黃州星辰句
好裒群玉湖海人豪卧一棗綺陌香塵高處
少紫宮王氣望中浮而今却抱先憂去江

雨霏霏倚石頭

石城雪樵卷

同上

三日柴門受雪欺洞庭樵斧出林時一肩犀
桂千金重兩足鴻泥十里遲澗底暮歸應煮
石山間寒坐謾觀棊年來弛却煙霞擔聞逐
夔龍入鳳池

東塲

柳外鶯啼日正長黃雲割盡已登塲怪來一
月無詩句相逐農人打麥忙

東庄

水北原南二里餘五株高柳簇庄居病夫此
日乘駮罷斗大中車駕一驢

自述

不獨陶潛悟昨非我今林下得真歸已除嫁
女婚男累政墮求田問舍譏赤日尚須遮席
帽黃塵無自浣荷衣倦來何以消長日把卷
時扃白板扉

鄉會四首

鄉里交持為此會筵前白髮照烏紗花能侑
酒如傾國詩不驚人豈作家先日具書邀杖

屨有時接席話桑麻香山汝社吾何敢聊以
優游卒歲華

評云絕似白樂天

南風吹入雞豚社兩袖微涼透越紗序齒我
應居末席論交誰不是通家門無凡鳥題為
鳳心似孤蓬欲倚麻如此主賓良不惡且憑
樽酒醉芳華

小堂雨過琴樽淨安石榴開剪絳紗飲散誰
當為後會天生吾合作東家新詩即席還留
草世事關門任若麻獨喜高陽諸酒伴年來

雙鬢未全華

社酒滿缸乾未得簷前斜照射窓紗山林此
日須吾輩鄉里何人更會家晚趣自甘如倒
蕨專封誰擬聽宣麻掀髯一笑東西去明日
相過醉眼華

題便面画二老携琴登山中茅亭

人間不洗箏琶耳三尺枯桐奏向誰山裡草
亭如斗大伯牙握手有鍾期

吕太守希仁高元健韓宗康二明府程
依仁少府俱致仕於家予亦

賜告每月望日醵于予舍詩以紀之

樹色花香襲酒樽五人華髮會柴門翟公雅
重惟高允韓曄深交有吕温月每望時來結
社冠從挂後各忘言不知地主還誰是絳帳
先生卧一村

評云 用姓戲劇東坡曾有此體

東田八景桃溪 去縣東二里予家別業

東田疇環繞真退休者解衣盤礴
之所也東田之號蓋取諸此暇日
即其所吟以詔田翁社友豈敢為
酒後朗吟以詔田翁社友豈敢為
達官長

東日漫稿 一四卷
夾岸穠華滿逕苔柴門春曉杖藜來林踈未
許漁郎問庭小何勞道士栽兩袖香風吟不
輟半簾紅雨夢初回無言盡日知誰似李廣
平生最有才

柳逕

兩衙高樹綠陰生路繞村回二里程北塞歸
來聊繫馬上林別後此聞鶯飛花似雪晝無
影病葉吟風秋有聲恨殺灞橋殘雨外一枝
猶自送人行

杏塢

點綴孤村入畫屏酒家春雨正冥冥花間朝
士頭渾白路上行人眼謾青照水梅應同雅
淡出墻桃或妬娉婷百年可笑王摩詰獨把
辛夷種滿庭

槐庭

簷前嘉樹午生涼一卷南華坐日長根瘦可
勝隣叟枕花開已屬世兒忙清陰早歲分多
士餘澤他年及二郎試問南柯新郡守近來
塵夢幾多場

豆田

農夫藝菽繞吾廬麥後新苗已漸鋤七步敢
誇才子句一緘深惜友人書香篋未刈秋風
冷翠角初垂夜雨餘稍待歲寒成粥日飽食
還可敵尊魚

瓜圃

一團蒼玉冷含津把種桑陰萬顆勻繁處漫
勞將聖歎熟時還濟故侯貧無心納履從渠
議有意揮蠅怪底嗔莫道郎今吾得代葵丘
猶有未歸人

麥壠

可足...
麥壠...
家人早下...
麥壠...
家人早下...

麥壠

九月...人已築成村社...
春風...
溪山一月不止

溪山一月不止

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

五池荷花

不日芙蓉照水紅
盆池埋置小堂東
當年重載西湖酒
今日遠遶外監風
墜粉千房憐意
舌潛沉百尺有絲通
平生豈識傾城色
見此
將無白詫同

東場早秋二首

雨泥茅齋淨涼生
兩腋風秋槐可院
綠隣棗過墻
紅久病心憎藥
無官首任蓬客來
僮莫報吾正註參同

柴門近水開
病間此徘徊
掃葉將苔破
移花帶草來
吟經夔子國
夢覺蟻王臺
俗轍休相過
殘年百念灰

評云三四幽開可喜

蓮開獨賞二首

庭外盆池菡萏開
遠觀近嗅去還來
鏡湖人已千年往
誰共花前舉一杯

照水芙蓉獨自開日高庭院少人來憑誰為
起瀛溪老同酌南風白酒杯

評云二首同一格調俱于末後見獨賞意

自述十首

本招物議坐踈慵回首雲霄隔萬重誰向車
中明蕙苾自甘江上採芙蓉詩篇信口無存
稿疾病終身有瘦筇昨暮偶過田舍飲日邊
書到未開封

百年纔半得真歸今是方知昨已非報
國此身曾敢計於人何事不相違宣尼尚有

投裘謗華植安逃棄甲譏著盡鐵衣無可著
衰遲却喜著荷衣

欲斬鯨鯢報

聖明豈知燕雀自相驚中山遂起三年謗息
壤空勞五月盟心質鬼神無內疚病思田里
即東行殺人曾子今安在枉死冥間合有城
柴門無夢更朝

天行愛山林坐愛泉浮世纔堪幾納復虛名
不直半文錢右軍誓後工書帖外監歸來放
酒船賴此風流傳不朽未知鐘鼎復何傳逸

少誓墓不仕季真捨字乞歸皆有所為
故亭令名使富貴終其身未
耳所以末句云然非謂當時
鐘鳴鼎食者皆不逮二公也

敢向

明時便擲簪生來骨相合山林
初心本擬能穿石衆口誰知可鑠金
白日西飛天色暝清漳東去水聲深
少年英氣消磨盡靈羸得凭闌一短吟

新秋門巷雨苔封獨坐空堂思萬重
可但文犀誣遠祖也知貝錦是說宗
才踈祗合王官隱詩瘦還堪飯顆逢
落日隔溪山徑裏有人

曾笑武侯龍

評云武侯尚不免薛能之笑况吾儕乎固宜其不免也

古方拋擲病懨懨往事兼將髮雪添
漢法自寬新息枉蜀人難治孔明嚴
行藏歲晚樓空倚凶吉年來策謾占
獨有詩逋并酒債藥船筠管或猶拈

病謝交游久索居薜蘿深處結茅廬
已無驛上留田奏賸有農談種樹書
人衆果堪疑市虎眼明不合見淵魚
隼旗豸軾今何用斗大中車駕一驢

東日... 四卷... 四...

五株踈柳獨家村

天上歸來此閉門伏枕豈堪書怪事蓋棺應
可息流言前魚

恩寵無由報左角功名不用論今夜碧空雲
物淨明河誰挽洗煩冤

壯志全消逸興多殘年高枕卧煙蘿達人知
命乃如此君子信讒將柰何林外歸雲含宿
雨門前流水渺層波白鷗與我忘機久啣得
鱸魚旁釣簑

琴

槁梧三尺帶朱弦壁上空懸二十年欲取向
人彈一曲廣陵散絕已無傳

碁

賭却滄溟與太山少年敵手只商顏而今奕
品公然劣徃徃無心勝負間

書

萬古綱常六籍該自餘文字誤人才不如併
與金樓子一炬風前化作灰

畫

一幅丹青直萬金市朝不畫畫山林若教持

與巢由看猶恨山林畫不深

評云

眼前言語
興致非淺

寄師言

華髮蕭蕭一病身
暮年唯望汝成人
桂花折擬三秋早
楊葉穿教百步真
鄉榜姓名追世舊
科場文字逐時新
歸來可但吾心慰
堂上兼能慰老親

秋日期宗康不至

魚箋摺素印文紅
西崦招人赴灤東
嵇駕秋泥猶未命
孔樽春酒與誰同
霜前葉報先生

柳花外香占少女風
終日期君君不至
懶敲碁子只書空

評云

聯雖未免故
實意却好

秋睡

鈿枕紗厨午夢長
秋槐過雨綠陰涼
門前水隔蟬聲遠
庭下苔深鳥跡荒
禮法倦開雙白眼
功名消熟幾黃梁
明朝遮莫西風起
紈扇同歸篋笥藏

自遣

免被紅塵污兩梁
拂衣歸卧水雲鄉
驂騑絡

鮮霜蹄健鸚鵡籠開翠翮長五柳先生陶靖
節四明狂客賀知章寒醅一甕詩千首紫蠟
初肥稻正香

評云律純熟似
陸放翁

言懷

水北原南一草堂坐憑曲几卧方牀短章細
和陶家韻小帙親抄陸氏方霄漢故人成間
阻山林逋客坐踈狂朝來試取青銅照自笑
鬚眉比舊蒼

寄顧良弼院長

官河曾共泛蘭舟一別從春又到秋

長樂鐘鳴楓葉曙小山門掩桂叢幽自慚骨
相無犀腦所幸心知是虎頭聊摺花箋題草
字西風為我寄 皇州

寄王明仲大理

一緘迢遞托雙魚熏沐親題細字初

都下遠詢班景倩林間倦卧馬相如朝簪照
眼官方貴藥裹關心病未除記得別時春欲
暮秋來雲樹重愁予

刑部陳郎中奉

勅畿內讞獄兼省其親憲使公於濟南詩以
贈之

都官雅望重層城家學仍兼律學明

恩勅紫泥秋被

命獄書紅燭夜求生寧親便道過青社奉使
先聲入玉京可仁福星臨輔郡他州持法會
皆平

贈馬宗源縣博之官太原

童時曾逐舞雩群林下風飄白練裙此日却

驚開絳帳暮年深藉守玄文太原學舍新虛

蕭瀛儒流舊數君云云莫嫌官職冷熟官

吾意懶於雲

久雨屋漏書卷盡濕

鳩頰晨猶隔樹啼癡雲不散雨冥迷池塘夜
漲芙蓉水巷陌秋深欸段泥新檢藥方科內
外舊篋書卷漢東西不堪草屋牀牀漏濕盡
紅籤與素題

盧指揮惠石苜蓿蒲

似惜休文久病軀小盆持贈石苜蓿蒲近年紫
府丹何有止渴金莖露本無細雨剪秧秋院

靜寒燈收爍夜窓孤葡萄薏苡俱為累乞與
醫家日笑迂

秋日遊西園和韻

水邊林下一身閒日有高人共往還紅槿花
芳金露酒銀絲膾薦白瓷盤良辰何必由旬
劫芳榭才消一兩間分付詩奚存好句菊時
還此濺龍山

西園對客自述

絮雲絲雨半陰晴花外中車駐復行乳燕見
人癡不避老駘繫柳瘦還鳴酒因量減常先
醉詩愧才踈每後成獨有鬢毛衰未盡白中
猶黑兩三莖

與元健宗康放船小酌晚至東庄步歸

溪風搖樹酒船移溪水澄沙照鬢絲蘭漿坐
刻將十里葛巾狂脫已多時偶過田舍間爭
席便指煙霞一賦詩破鏡忽升殘照下嘯歌
歸去少人知

登樓懷古

經秋懷抱鬱難裁今日登樓強一開渡口水
渾溪正漲城頭雲黑雨還來扣舷漁父滄浪

曲戴笠詩人飯顆才千載豎儒同一律憑高
眺遠益堪哀

評云

三四登樓所見者
五六聊以自況

秋雨簡社中諸友

芹曝由來計本踈瀛南別業閉門居貧同五
柳先生傳病憶三茅道士書花發每宜傾社
酒萼香兼喜膾鱸魚廉纖細雨湍當止明日
香山欲駕車

東庄言懷

數家雞犬住成村無復魚書更到門玄晏先
生終歲病良元朝士幾人存樽中綠蟻非狂
藥架上紅牙本贅言一醉忘情拋午卷北窓
高枕夢羲軒

秋晚登樓

風煙澹澹慘孤城日暮登樓寄遠情連鴈影
寒雲外度亂蟬聲急水南鳴權將組練三千
解詩倚闌干十二成一笑行藏都是夢悔曾
王粲久留荆

評云

三四登樓所見
所聞語格自好

西菴四首

遠林開宿靄散策叩禪扃
簾寂知僧定花踈見客行
短籬初蟋蟀深窳丸欲蔓菁
我本逃名者淹留懶入城

評云五六好

坐愛禪房靜來憑曲逕
通萱花先雨白柿葉未霜紅
籬犬金絲小林烏玉項
同猶嫌城市近或有趣齋翁

評云細瑣可愛

遙聞鍾磬響僧出紺園迎
墻草秋先死龕燈晝亦明
庭寬通野色路僻少車聲
忽憶臨邊

日安能此放情

評云第六句不稱

獨居方丈室旁有百年墳
火斷隣庄乞泉香近井分
問名臨濟派作課梵王文
我欲閒來徃毋勞贈衲裙

遊西庵二首

十日九回遊此地不同酒
伴即詩家狂題壁字大於
斗醉控野筇聊當車年紀
雖徂猶健浪身名俱困不
咨嗟獨憐老衲知人意掃
地焚香更煮茶

評云三四鋪粗硬却有興致

小槽新壓黃柑釀携向紺園來看花真率不知誰是主過從盡欲此移家身顏上苑三眠柳吻啣東陵五色瓜一笑西風吹面醒簾前白日未西斜

秋日同希仁元健宗康飲西菴有作

雨中風帽此年年竟日淹留紺樹邊金谷舊人頭盡白玉關婦客髮猶玄詩囊已富仍耽句酒券初成不責錢爛醉却忘村路晚一天涼月馬頭懸

評云前四句佳甚感今懷昔不勝悲慨

久雨西齋

壓樹癡雲書不移撲簾涼氣雨來時苔錢疊地人稀到籠火熏衣婢獨知清淺池塘初點點黃昏庭院尚絲絲借言愁殺山中客誰寄韋郎五字詩

評云八句句稱可傳

聞遠寺有竹遣人賫百錢求之至則唯石竹數叢而已盖北人初不識竹見者謬認以告予也一笑有作

自取金錢施老禪要分疎竹種窓前青鸞忽
避王猷去香麝還依杜甫眠風雨長身愁不
見驪黃具眼妙難傳凭欄一笑秋庭晚松友
梅兄又隔年

評云末句見得明年須種耳

北村

雨後平原眼界寬北村倚杖獨盤桓垂楊葉
老林容淡蕎麥花殘野意闌隔水綠簑漁舍
笛出墻青旆酒家竿城闌此去無多路陌上
秋泥恐未乾

送盧漕使還括蒼

京國多年別青樽此日同君才猶漕腫我病
欲衰翁潦盡河流瘦霜嚴木葉紅如何便分
袂一棹入南中

絕句

團頭紫蠨連糟膩大粒黃梁滿筋香一飽不
知門外事小窓靜坐嚼棋榔

評云逼老杜太甚

踏莎行詞

懶上金鈎長垂朱戶礙他紫燕雙飛路香風

不動晚襟襟袴即儘被偷晴覩障柳遮花移
烏轉兔青山隔斷無重數祗宜掛向妓堂前
歌聲又引行人慕

評云亦可喜

園丁送黃菊

白衣不送淵明酒擔送黃花滿意開把種東
籬吟未就隣家雙蝶過墻來

評云亦可喜

輓吳廷珍都憲母太安人

栢舟詩後更何人此姥孀居白髮新滄海未

填精衛石青銅又翳舞鸞塵鄉閭

勅旨明華楔阡表

恩封感石麟五十八年天合鑒子孫相繼立

通津

黃士華載酒西菴邀予賞菊遇雨

短筇長榼怪來頻老圃寒花雨後新令劇坐
多浮白者興高吟對姓黃人非關湖海餘豪
氣自是山林要此身屈指重陽都幾日暫將
華髮墊烏巾

寄臨清馮太守

幾年淹作縣此日寄專城已踐大夫秩猶傳
進士名口碑爭頌德手簡獨馳情述職如相
過蓬門倒屣迎

代人輓鄭宜人

賢母平生信可書笄年纔過即孀居哭夫淚
染湘妃竹教子官登孟博車

恩許贈封空誥勅扁題貞節尚門閭而今把
卷濡毫處說著含飴恨有餘

約西田賞菊以病不至折枝贈之

黃菊開時人卧病不來相對賞西風童奴似

惜芳華老折得一枝聊贈公

逢小沙彌問訊日華上人

病起逢僧屬秒秋漳河歸去柳津頭汝師若
問吾踪跡弘景年來學畫牛

贈李汝弼

豸史辭天日麟兒發解秋移舟經故里按節
向中州病久文園馬交深鉅鹿侯尺書如可
寄衛水日東流

九日

茱萸時節病猶耽強起登高望蔚藍校盡古

方追陸九寄來新句笑潘三籬邊晚趣黃花
外雲裏寒聲白鴈南我醉不須風落帽華顛
久已謝朝簪

評云八句俱可

踏莎行雨中

青杏垂丸綠荷繁蓋廉纖膏雨如輕霽年年
人病怕春歸春歸今又懨懨害薛荔墻頭
芭蕉窗外斜侵密洒真無賴曉來風絮委芳
泥休文定搏黃金帶

卧病苦雨

杜陵車馬不相過門巷連陰柰若何貧士正
為秋雨歎

君王空作大風歌枯桐挂壁朱絃慢古硯函
泥綠蘚多一卧經旬憂底事西郊生耳有嘉
禾

評云三四無限含蓄不獨對偶親切耳

聽雨

藜床筠簟嫩寒欺卧聽空林夜雨時初密漸
踈檐溜辨欲晴還未壁燈知漏聲雜耳重門
掩塵事驚心獨枕欵明日試看聽事外綠荷

隨漲出盆池

戴司冠自南都改比院臺長

宿名高並秣陵山此日喬遷覲

聖顏都憲一官虛左待尚書五載自南還入

朝曾上星辰履執法明趨繡斧班我病強扶

方竹起喜公扶 日五雲間

靖康

九鼎胡雛盡比移九哥泥馬獨南馳厚顏妾

婦偷生日駢首忠良就戮時良嶽草長迷覆

轍汴宮花老訖殘棊可憐五國城頭月夜夜

寒光燭帝纍

評云 佳佳作

馬東田漫稿卷之四

馬東田漫稿卷之五



東田馬中錫著

沙溪孫 緒評

筆山文三畏校

秋日西園

散策西園一逕幽
袖風巾雨足淹留
鳧鷖塘淺蕪葭晚
蟋蟀籬踈惹秋恠
事謾勞書咄咄別
名還擬號休休客
來莫共談機事抱
甕先生已白頭

評云前四句好

雪中

顛顛寒威曉尚侵病纏衾鐵卧空林藍關羸
馬宦情澹灞水蹇驢詩思深遠店閉酤無吠
犬虛簷窺食有饑禽蒲爐煨芋遲遲起不用
長門買賦金

評云

結意謂遲起不用探金取酒耳

對雪

撲盡爐中榾柮灰誰招滕六入簾來西湖處
士梅花句南國佳人柳絮才借照有書堆小
案敵寒無酒注深杯晚晴試倚東樓柱六合

無塵病眼開

雪後自述

六花無賴矮胡乾獨坐空齋守歲寒平仲孤
裘歸後敝王恭鶴氅病來寬眼非把卷常時
眩膝每登樓數日酸唯有髮毛衰未盡暮年
偏稱鹿皮冠

西田父病詩以奉問

西田臥病近如何兩月風光一瞥過社裏酒
樽延客少卷中詩句憶君多古方試檢還應
效晚景將殘貴養和我是朱陳舊知己無端

先亦抱沉疴

評云真情真語
第六句新

賦雪

已逐漁叢江上歸東華不必點朝衣銜枝破
蔡功何有授簡遊梁事總非蒲地梨雲同落
莫一天梅月正光輝憑誰說與王猷道明日
晴乾叩竹扉

評云句律多稱恨
故實多耳

一夜遙山失舊青侵晨鳥跡篆空庭瓦罇酒
薄冰三寸錢箸灰寒火一星映案尚慳開竹
簡掃簷先合試茶經想應凍殺東鄰老過午
柴門未啓扃

評云前四句好

雪夜次韻

踈簷僵樹北風乾吹墮冰花釀作寒茅屋漸
昏燈已炙布衾初煖炕仍寬槽頭酒熟寧嫌
薄甕底釐黃正帶酸小案矮窗箕帚妾殘年
相對卸塵冠

評云眼前俗事
可喜

短述審中有
梅一本

得喪與窮通何須問塞翁歲華彈指外心事
撥灰中臘近梅先雪春遙柳未風杜陵人
病依約去年同

評云五六似
社子語

寒夜言懷

譙鼓連敲入二更殘燈窓下滅還明梅花帳
冷難成夢蘆絮衾寒却有情一品官衙誠長
物三場文字是虛名原南水北歸來晚恨殺
儒冠誤此生

偶述二首

東華倦踏軟紅塵乞得歸來白髮新函谷五
千餘字叟阿房三十六年人風雲自古時難
際岩壑從今日見親莫向宦途歌此調宦遊
聞此益沾巾
尊羨鱸膾日加殮門外黃塵了不干半世多
愁綠識字三年無病賴休官書篇今古冥心
會棊局輸羸袖手觀獨有新詩猶作崇夜來
一句未吟安

陳瑞卿憲使寄惠宣聖壽星二圖又稽
奉謝因詩見意

栢府丹青寄竹扉天機妙奪世應稀東家夫子感麟出南極老人騎鹿歸敬祝瓣香瞻聖表咲呼樽酒壽親闈山程咫尺封疆限莫訝書郵數月違

評云不句律不牽強
厭太著題

自述

鏡中華髮已刀騷病起茅茨擁黑貂醫到三肱無可折味逢衆口竟難調憶歸此日還尊菜贈別何人正柳條村酒熟來拚爛醉肯牽纓冕誤漁樵

雪夜

春前積雪滿庭中凍木無聲戰北風小甕婦開醅漸綠矮窓人坐燭初紅斗移昏柄遙旋左月擁孤輪又出東金帳羊羔消不得屋山一炕煖如烘

評云第二句好謂木水而
僵直收風吹無聲

雪

慘淡同雲晝不開黃昏滕六駕車來高眠未著幽人節白戰先誇學士才大地山河同一色九衢車馬絕纖埃病夫土炕如春煖時為

豐年一舉杯

哭仰晉卿

與我同年先我死，哭君連夜夢君過。寄來書信千行在一讀，新愁百倍多。沐水孤舟歸旅，觀芝山故宅老庭柯。此生二十餘年友，未卜他生更幾何。

春述

南柯之榮終半餉，耳後車之載能幾人乎。二句云然夫夢蝶既不足勞歌牛又不可數此羸餘之末所以見嗤於少游也。

簾箔褱襟懶上鈎，春來舊病雜新愁。窓風暗入頭，風劇簷雪全消。鬢雪留半餉，功名勞夢

幾百年貧賤，幾歌牛羸餘未必真求得。縱得何如馬少游。

十年征袂厭京塵，歸卧柴門草色新。失意謾勞憐得意，忙人終恐愧閒人。光陰似客吾為主，書卷無讐酒是親。分付百花潭上路，浣翁明到岸烏巾。

窓積蛛絲案積塵，病驚門巷柳條新。玉嬈去國終懷主，鮑老當筵正笑人。十里煖燕黃犢飽，半篙春水白鷗親。相逢莫話封侯事，華髮蕭蕭滿角巾。

評云和平渾厚遠勝前詩

休休何事咲勞勞把鏡清霜點髮毛蚤歲功名嘗諫獵暮年文字欲箋騷數椽茅屋孤村
一葉漁舟兩岸桃誤矣東華門外路十年
空羨軟紅高

評云

中聯好欲箋騷怨也却不要露

瘦軀還藉瘦藤支春入陶園勝習池睥睨二
豪花下酒依稀四老竹間棊掀髯獨笑無人
識倚柱冥搜得句遲欲取素琴調一曲黃金
誰為鑄鍾期

昔年疆場事多違祖甲光中早振衣父卧却
慚玄豹隱未歸先放白鷗飛農書午倦拋田
舍樵擔春逢話釣磯尚恨不如蘧伯玉五旬
過七始知非

日日花邊結伴來題詩纔罷復傳杯閒人無
乃翻多事

聖主何曾棄不才簾絮晚憑風勢橫林霏朝
見日光開無端却被頭顱惱消得黃金更築
臺

博山爐換水沉香深院無媒日正長愁極睡

東坡志林 五卷
還中酒聖病來心欲禮醫王落花時節鶯聲
苦流水人家燕翻忙一葉漁舟數聲笛晚風
門外聽滄浪

評云八句俱

閨怨

睡殘雙髮斂雙眉日照疎寮未起時零落亂
紅春又盡玉關書信到來遲

便面小景

村遠雲迷樹橋危水拍湖抱琴歸去晚賴有
短筇扶江上茅亭小雲邊野樹疎扁舟垂釣
者應不為鱸魚

評云可

春日郊行

東郊花柳豁吟眸携杖真成爛熳遊田舍酒
肴留客儉村莊兒女見人羞漚池水暖先浮
鴨沃野雲開漸試牛况喜昇平無一事何妨
沒齒卧林丘

評云中二聯寫得郊原如

村行用韻

笑拉南鄰訪北翁葛巾猶帶晉人風年登酒

東坡詩集 卷一
價偏逢賤春透花枝不惜紅隔樹一聲鶯轉
午捲簾雙鬢燕來東黃昏歸袖沾雲濕須乾
林間木火烘

評云

第四句

小園春集

橫塘西畔曲闌邊暫合朋簪輟草玄花放辛
夷春始半酒論甲子酌誰先踈籬小犬來能
識高柳新鶯坐忽遷此日不將懷抱放餘生
合得幾流年

村居絕句

荷葉洗斟新醉酒柳條穿買小舟魚村庄不
出連朝醉牛角何曾掛漢書

重有感

謾勞長日坐書空今古元來事盡同蜀道少
年疑杜甫漢庭前輩忤梁松浮沉隨俗資身
策輕薄為文不世功恠底高人腰懶折歸來
一枕北窓風

落花

枝枝狼藉畫闌東眼底穠華又屬空弱質
禁三月雨香魂易斷五更風乍離芳樹應思

綠欲點蒼苔不惜紅一片無何終萬點
愁殺杜陵翁

評云工緻可喜句句見惜花惜春之意便覺宋景文兄弟為尤近

頭風

露頂花前未有期小窓層紙護風吹經年不
愈徒工檄對客頻搖合廢詩茅屋仰時氣磨
旋藜床卧處覺船移華陀已死無人問有
方書欲學醫

博眼

溪上危樓賣絕攀偶凭闌檻瞰人間
抹陳文字北褰南梳假髻髮惹惹價騰珠友
賤枯棹機巧甕應閒揭來一笑無人識目送
孤雲入遠山

酬張給事中

驪珠委道旁久為塵所汨中直難自明含情
愧魚目不與世爭妍甘同玉蘊匱一朝遇隋
侯持擬天池浴波澄塵不留光燭鮫人窟珠
重勿暗投神龍睡方熟

輓倪冢宰

九重震悼百寮悲又勒中郎第二碑

東坡先生集卷之五
龍尾履聲聽累葉鳳毛文體擅當時銓曹選
拔生多啓鄉國居留沒可祠歲晚病中驚得
訃短章聊以哭吾私

簡張給事

自味無能合退休林間掉臂復科頭八公詞
賦謾招隱陸氏方書初校讎廢廐病駒蒙起
日驚弦傷鳥倦橫秋薦章讀罷無由荅持共
嵇生舊稿收

輓蕭大司空

半生薄宦辱公知短夢於公忍遽題都憲舊
聲分陝外司空新訃大江西玄文掩卷童烏
歿清血沾襟小阮啼

恩俸許歸

恩典葬哀榮南部幾人齊

七月一日花下獨酌

晚涼花下瀟花斃的歷花光照鬢絲紅槿媽
穠終俗態白蓮雅淡却仙姿秋來浹月逢今
酒病入殘年減舊詩獨有醉餘猶故習咲稱
嵇阮是吾師

評云
豪逸句

是月二十三日北庄

輞川千載說王維敢謂吾庄可繼之村近柴
車來不厭樹深茅屋到方知厨催脫粟敲茶
曰坐折新荷當酒卮野老鄰人三兩輩咲談
相信不相疑

贈李時雍大司空之南都

貴人風采故人情樽酒高談一座傾南北行
臺分擁節東西諫院共題名斗司喉舌大垂
象履上星辰

帝識聲此去舊都根本重可還回首憶瑤京
腰疾

可但薰心卧不安起來常是焦
爛干瘦同沈
約醫無效懶比陶潜折更難一束豈勝金帶
重十圍魯佩寶刀寒豪纏萬貫非吾事空愧
揚州鶴頂丹

夜雨不寐有作

小窓孤枕五更頭簷外淙淙雨未休一句吟
來剛得穩百憂推去又還留病眸睡少偏憎
夜華髮搔多不耐秋甚矣吾衰吾不恨恨無
清夢到成周

東庄

東日涉稿 三十一
門對寒臯路隔溪茅茨高爽土墻低碧槐暎
戶日初上黃菊繞籬風已西多病故人踈似
孟絕交當世懶於嵇秋來酒熟連朝醉咀盡
牀頭一甕齏

評云

前四句好結
句亦不惡

九日對菊述懷

踈柳環村一逕斜此中茅屋是吾家白衣未
送淵明酒黃菊先開栗里花本為病多辭豸
繡可能年少落烏紗西風夕照牛山冷千古
何人更一嗟

九日會客風雨偶作

風雨滿城佳節至聊將短句繼潘江黃花醉
插鄰翁帽白酒沽乾市媪缸此日華筵能有
幾流年雪鬢已成雙笑看塵世功名者蠻觸
相爭未肯降

菊二短句

五柳先生宅周遭種此花秋來多逸興彭澤
早休衙

楚澤多秋菊幽香繞落英騷人食不盡千載
有餘情

東山漫稿 五卷 三
勉里胥方鑑役滿

早年讀律際

明時鴈鷺行中歲屢移賀宴樽罌逢菊月公
門案牘及瓜期烹魚事往還當鑒劾鼠才高
未足竒此後功名宜努力趙堯金印肘纍纍

送馮知州陞南都刑曹員外郎

馮涿人

都官行李大江船家在樓桑舊宅邊

紅日白雲回首切北人南宦沐

恩偏淮陽此去三千里州縣曾勞十五年莫
道祗今成遠別兩京冠佩總朝天

脩書成陞官

三絕韋編已白頭轍環無路遇諸侯若教際
此脩書日玉帶銀魚未足酬

送曲宗潮之官嵩縣

部檄今重領嵩陽路幾何一官裨赤縣千里
涉黃河松下吟哦靜門前頌議多政成吾亦
喜 霄漢沐恩波

獨笑亭

蓋茅為瓦竹為椽小隱從來此地偏推枕有
時聊莞爾抱經無日不欣然坐間曲水流觴

遠醉後蒼顏白髮鮮幾度巡簷還復止梅花
踈冷自年年

草亭書懷

一簾草色半庭苔門掩東風晝不開柳已綠
陰鶯未語杏將青子燕初來遺經高束焚香
坐舊稿傭刪蒲案堆猶被鄰翁笑多事問竒
人到或銜杯

評云

前四句好
後句弱

夏口園亭即事

何處避囂塵園亭俯衛津樹深三伏爽花久
半年春抱膝子公事科頭留可人太玄慵更
草一醉任吾真

評云

五六
可喜

得雨

曉風清枕簟夜雨溢陂塘庭草增新色園花
洗舊粧酒樽涼更綠書卷濕猶黃誰道門前
客衝泥去路長

評云

真杜律也
細玩自見

春懷

畫牛無復畫熊頻水北歸來五見春花柳且

開窮相眼山林雅稱苦吟身極知晚歲非初
歲肯把閒人博貴人何事磻溪老漁父釣絲
風引屬車塵

贈韓貫道尚書南都守備

根本居留屬老成

寵隨

龍勅下層城單車觸火留無計雙履辭

天聽有聲南甸任專新管鑰北都名重舊銓
衡他時當宁思耆宿重謁

宸旒在此行

貽鄉大夫三四五六七言

歸故園會親友烹黃雞酌白酒較雨商晴尋
花問柳醉後科頭狂來極口蹇衛穩於車團
標小如斗靜閱春還秋歡從卯至酉炎涼扇
外冥心勝負棊邊袖手黃金白璧雖無明月
清風賸有回頭分付兒與孫鉛槧犁鉏任汝
取吾今天地一閒人不樂殘年能幾久

評云

古來不見此體當自
成一家言亦可喜

市醫獲盜受賞

門前冷落少人過肘後殘編字半磨聞說近
來金頗富藥囊猶足提荆軻

東山漫稿 卷一 田園秋興

雞肥酒熟正秋風莫把閑愁故惱公
玄聖有文垂井渫步兵無命感途窮
經霜苔蘚痕猶碧照水芙蓉影自紅
窓外一竿斜日晷睡時西下覺時東

李將軍射獵圖

南山早霜秋草白猿臂將軍來射獵
大黃持蒲煢於菟一飲田間過一石
歸來日落灞陵城醉尉訶人亭已扃
將軍奮髯怒不已明日應詔謁天子
重剖銅符守北平單于十萬遙

相驚如何不取封侯貴却乃先誅灞陵尉

評云惟逸老功可驚可愛亦以自况

二絕句

辟除豈是真工部供奉元非正翰林
千載人知李杜流芳全不在華簪

道左窮碑二丈強官銜先刻兩三行
當時國史元無傳爭及詩人藁莖香

評云二絕有道之言也

口號

街頭盲叟抱琵琶聽唱市人來遠近
漢卷唐

東山漫稿 卷一 七
書且未題為君先打河南韻

評云風謹有古意

白蓮

曾共耶溪靚曉粧
冶郎空斷水邊腸
而今會盡人間意
淨洗鉛華祇淡粧

評云不粘皮骨可喜

朱槿

魯插花奴帽上頭
三郎搗鼓最風流
任他暮落朝開易病眼
從春看到秋

評云後二句有風致可喜

芙蓉

一夜西風百草衰
芙蓉塘外早霜來
雖然不識東皇面
金菊含香晚共開

評云似晚唐人言語

薝蔔

多病無人理禁方
小齋孤坐日偏長
自慚不是維摩室
薝蔔花開有底香

瑞香

東風吹雪雪花飛
病入新年減帶圍
一樹瑞香開小閣
下簾相對避寒威

夜合

歸時移此種前庭樹未勝巢髮已星雙眼夜
開花夜合一天微雨酒初醒

紫薇

此花元是蔡經身一見麻姑即被嗔今日書
齋伴幽獨何須技癢玉堂人

斑竹

手種森森玉數竿病中深藉報平安如何却
向秋風外自洒煩冤淚不乾

芭蕉

病起芭蕉已丈餘太湖石畔雨踈踈年來左
手書空慣不用揮毫葉上書

薔薇

雨浥薔薇晚未乾枝枝無力卧闌干摩挲病
眼空惆悵不似東山舊日看

薏苡

明珠萬斛粲秋天辟瘴輕身遠客憐珍重歸
輿休滿載當時曾誤馬文淵

芍藥

國色天香壓衆芳承恩曾記侍花王南風一

夜韶華盡爭及荷花似六郎

送景守馬世維之京

早歲名題塔中年宦刺州地形分

輔郡官職比諸侯陽子催科拙吳公治行優

茲行公是定書最侍

宸旒

寄友

送別魯臨衛水頭白蘋紅蓼兩經秋何時樽
酒重相會爛醉西風不解舟

壽韓宗康大尹乃翁

此老行年八十六誕辰欣遇陽初復蟠桃如
盤棗如瓜壽酒蒲缸浮鴨綠賢郎花縣仍歸
來芹泮令孫誇雋才拜舞樽前欣不極人生
似此能幾哉東家有翁空白首儲無甌石寧
論酒西鄰有叟復蒼顏閉門無兒誰為壽爭
如此老五福敦雙耳猶聰眼未昏會須一百
二十歲長揖安期與羨門

喜客載酒放船飲半里橋

華髮侵良尚未梳喜君載酒過吾廬小舟撐
入蘆花醉短筆拈將柿葉書煙外白鷗忘釣

又霜前赤鴈字空初杖藜豈憚歸來晚家在
橋南半里餘

評云結語老健

半里橋宅舍至庄居一里而橋在中途故得名

京南舍北水平堤半里橋頭碧草齊橫截波
光天上下平分野色路東西當年納履書曾
授此日懸車柱不題賴是短筇常在手柳邊
吟去聽鶯啼

評云前四句好

朱國用貧而無子狂而善畫一旦携妻

女寓予西庵賦此贈之取笑而已

逢人休嘆卓錫無借爾城西宅一區兒晚獨
携靈照女妻偕何愧孟光夫饑寒老去公然
慣禮法從來不可拘聞說丹青家學妙會應
畫我出閨圖

抱甕亭

似與黃蘗有宿緣小亭抱甕灌年年斜陽深
井無寧汲積雨空林合暫眠野馬謾穿他日
牖醯雞曾見此中天漢陰老子如相問一拙
唯君共我然

重陽會客有活魚鮮蟹之饌

雨後東籬萬菊香
咲携朋舊醉重陽
明年花下知誰健
此日樽前怪底狂
魚美從誇西乳
白蟹肥正喜左螯
黃秋風莫謾吹予
帽短髮而今似郭
郎

同宗康士華西壕泛舟

潦盡寒潭一境開
小橋斜路抱城回
花間短策携詩入
柳外扁舟載酒來
坐對黃公同醉醒
咲從韓子外形骸
不知紫陌紅塵客
若箇當年是雋才

評云

即事用柳韻

門外寒流是要津
白鷗不與世相親
官舟裸役操瓢輦
公牒瘡微帶索人
街子柳鈴晨警盜
里巫香燭夜迎神
廟堂旣遠江湖闊
俛仰乾坤愧此身

社飲

去年此地過從客
今日重來半已陳
一咲果然元有數
浮生未可認為真
村庄酒薄黃花瘦
城市人忙白髮新
草草相逢須盡醉
百年

身後更無身

放舟述懷

半里橋頭七尺筇，一年強半此間行。
醉鄉別有乾坤大，末路深知富貴輕。
柳外放舟身獨健，花前爭局眼還明。
衰遲若不知幾早，險被浮名誤一生。

訪西庵有懷舊僧

門掩空林叩不應，西庵猶記舊尋僧。
花深無路迂雙屐，苔滑逢橋度一藤。
風外吟髯吹短折，水邊病骨照稜層。
年來一鶴猶堪煮，何事支郎却養鷹。

支郎却養鷹

評云八句俱佳
中聯尤妙

春愁

酒痕和淚點羅衣，掌上纖衣瘦一圍。
燕子不來猶卧病，半簾紅雨送春歸。

評云浮厚不見愁意
乃所以深愁也

不寐有感

獨竦肩山倚北墻，坐聽寒鼓報晨光。
玉藏不用攻他石，魚棄寧憂逝我梁。
殷浩擔梯書咄咄，宣尼環轍意皇皇。
宦遊自古皆如此，莫為

流年感髮霜

評云前四句好後四句不稱

貽朱國用

讀書還讀律歲晚厭紅塵有菊開三徑無山
買四鄰息交金谷貴尚友玉川貧嗟我逃名
久相看亦可人

秋日西庵示國用

為剪荆榛守故墳十旬百遍此尋君夕陽村
落鴉千點秋水池塘鴨一群門對白楊林半
敞路從黃葉寺斜分誰家馬鬣寒煙外碑卧

苔間掩刻文

評云二聯俱佳

贈王廷璽風水人

婆娑雙髮炯雙瞳到處名山勝水空東郭未
悲齊妾婦北邙先塋漢英雄跌苔蘚年年
厚馬鬣荆榛處處同地里不殊人事異憑君
一語決群蒙

評云觀此詩足破風水之說矣

對鏡有感

覽鏡公然兩鬢蒼杜陵勲業轉淒涼雞皮何

日還年小牛角當時叩夜長公赤立朝空有
願師丹於事本多忘高歌一曲清光掩謾擬
千秋進尚方

評云

二聯屬對甚工
亦可備一體

輓李汝弼

析津華觀載遊魂千里歸來塋故原留犢空
歌三劇縣乘駘魯曾按兩名藩政慚尼父臨南
牖豈料王通哭寢門身後茫茫何所慰徐雛
霄漢已高騫

獨酌有述

二首

三徑蕭疎四壁空歸來彈指六春風鄰靡羊
仲并求仲卷掩周公謂魯公

霄漢舊知悲半鬼桑榆今景咲將翁陶然一
醉還高枕蟻蝶無勞入夢中

春光九十去匆匆半屬愁中半病中泣玉淚
乾喉尚咽鑠金口利耳難聰席前日影兼花
上門外溪流繞樹東人事天時每如此且憑
樽酒醉衰翁

送徐東之經憲判撫州

趣裝辭憲幕佐郡赴臨川共喜量移近寧知

錄用先心還馳北斗身復逐南船父老如相
問覃懷別駕賢

東庄縱步

縱步野人家悠然感物華蚕遲桑未葉蟻泛
杏初花觸處風光好歸時日影斜古來曾有
句爛醉是生涯

寄朱朝用同年

薇垣初返旆梓里遂懸車窮有新文送空無
怪事書多君真靖節嗟我病相如道遠何由
會緘詩問起居

春日與客泛舟

官河載酒畫船明日暖風恬浪不驚芳杜滿
洲魚正美垂揚夾岸鳥初鳴村醪暈臉朱顏
返水鏡呈形白髮生一咲不知羲馭速醉歸
華月上春城

獨酌

花繞茅檐樹繞溪雨餘芳絮委香泥狂吟尚
喜詩才健痛飲無逢酒價低蝶厭晝長無力
舞鳥驚春去盡情啼不知杜老東西瀼有此
風光入品題

東田漫稿 卷一
評云二聯新奇

贈錢御醫

已精岐伯藝還作子長遊沿牒當年領朝簪
晚歲投懶騎聞漏馬愛駕出關牛樽酒相逢
處文園病欲瘳

憂旱

一春風未息四月雨猶慳沃觀庭花活乾憂
麥隴然鳩誣農不信龍懶帝空鞭安得為霖
手銀河挽下天

題扇面秋江蘆鴈漁舟吹笛

魚罷釣歸秋水靜鴈衝船過夕陽沉簑風短
笛西風外一曲梅花萬里心

評云末句佳

東庄二首

別業經年衛水濱柴扉茅屋四無鄰三竿睡
徹東窓日五柳吟同上苑春牛飽桑陰耕子
毋蜂喧花底聚君臣平泉未必能勝此須沈
斜川問主人

杖藜携酒此重遊雨後村庄景更幽茂樹坐
拚三宿戀好花看擬十旬留苦吟可有驚人

東山漫稿 二上卷 七
句多病全無為國謀何事歸來閒歲月也同
忙裏雪侵頭

宗康年幾古希風情未衰股臂間忽感
風疾數日稍愈命妓酌酒如故詩以警
之

宇宙幾萬載人生總百年世兒斷喪多短折
何紛然修者半百死歿則三旬前君今幾七
秩蓋亦幸而全昨聞司命者有信寄君邊下
欲夷左股上将失其肩冀君稍悔悟不遂蹈
以顛君胡不自愛而詫病已痊依然感厠鬼
一見生百憐所憂積日久司命怒不悛二豎
侵五內三尸誑九天一卧不復起含辛入黃
泉父母甘旨絕妻孥涕淚漣負郭謾千頃充
囊空萬錢噬臍寧可及嘗議千秋傳作詩題
短策聊以致惓惓

評云

全是步驟百黎慰孟郊失子詩然亦可喜

夏雨

避喧長夏掩荆扉林外行雲帶雨歸聲碎綠
荷驚午夢氣凌青簟減炎威衝泥屐叟來樵
徑隔水簑翁失釣磯忽憶徃時

雙鳳闕幾回班散濕朝衣

索居中無可與交者唯朱李兩生一工
繪事一精醫術時時過從談笑而已人
或見誚詩以解嘲

兩生忘我我忘吾談麈吟筇日俱病酒已
勞親送藥愛山還遣畫為圖杜陵謝免逢羊
仲燕市悲歌對狗屠便欲別尋同志者高山
流水世應無

評云起句
好

漕運只百戶自江南載送花木喜而有

作

南薰千里漕帆開載得江南紫翠來秋信已
傳天上桂春魁還報水邊梅未携白酒臨風
賞先劔蒼苔帶雨栽幾度凭闌還自笑題詩
安得浣翁才

同錢大用早秋遊西園

迤邐入西園花香襲酒樽門臨三泖水橋枕
獨家村午樹團清影秋苔滑紫痕幸陪熊軾
老一醉各忘言

評云中二聯
俱可喜

大用屢載酒西園次韻奉答

園林久牢落忽辱山公遊日載桑落酒而維
木蘭舟詩壇雖寡和宦海曾同流於焉興如
淺慚負江陵樓

評云

紆餘有味

壽韓通政母太恭人蘭氏時年九十

栢舟詩裏見前身此日高堂白髮新教子曾
登名進士馳

恩已授太恭人銀臺萱草三千日玉洞桃花
九十春擬壽南山一杯酒風光爭隔漕河津

簡劉大司馬兼謝其推薦

抱病歸來歲月深
葑茅屋卧樗林
年衰自咲三遺矢
貌醜那堪再捧心
已脫此身完白璧
敢忘衆口鑠黃金
緘書為謝東山老
慚負高情軫陸沉

中秋無月

謾詫南樓逸興濃
今宵寶鑑玉塵封
山河隱約三千界
宮闕朦朧十二重
青桂霧深蟾欲泣
白榆風冷兔難春
持盃欲共嫦娥語
聞說年來亦病容

評云二聯佳少見其比也末句尤妙

自述

水北原南又蓋茅慵歌種豆與栽桃鳳穿黃
竹翔千仞鶴倚蒼松夢九臯抱甕有言真可
訓濫竽無計已先逃小窓昨夜西風入吹落
牀頭舊六韜

評云豪逸閑曠如此襟懷固宜其自適也

村莊秋熟

茅屋斜連白板扉差科未動吏人稀
禾高下山重疊果樹紅黃錦一圍
鴛鴦池秋倚

睡牛羊隘巷晚知歸鄰庄酒熟田翁醉稚子
雙雙更挽衣

評云村莊景象宛然在目

寄施兵備

威鳳文章野鶴姿瀛州獨起吏民思
豸冠殊寵先畿郡龍勅新街貳臬司地拱
神京戎壘盛池連蒼海戍樓危
千里路三年別樽酒重逢未有期

秋齋即事

草樹經霜已變衰空齋高卧少人來
眼因字

晦拋書卷身被詩羸藉酒杯木屐登山秋未
着柴門臨水晝慵開豈知墻外紅塵道俗駕
紛然挽不回

秋懷

曲闌凭罷繞階行空撚吟髭句不成黃葉擁
籬風已暮紫苔粘屐雨初晴心思三刖足前
痛淚向九回腸裏傾便欲白頭甘採菊此生
懷抱異泉明

評云三四好

寄王侍御

按節新聲振彈琴舊譽芳人思花縣雨吏凜
栢臺霜漢豸金梁重桓駉玉勒光而今歸讀
禮誰擬鳳鳴陽

奉和錢大用見贈之作

倦遊南北兩潛夫樽酒相逢興不孤彭澤已
歸三逕菊漢陰猶灌一園蔬高才有韻能追
杜多病無醫可姓盧却憶近時臨水別黃蘆
風冷鴈相呼

贈只百戶漕畢還海寧

漕罷此稽程携樽為送行官艘歸薄海儲儼

領辭京風急南鳥候天寒北鴈鳴春來宜早
餉細柳未休兵

自遣

移文不藉北山靈歸卧衡茅歲屢經吟苦祗
緣詩未妥愁多番怕酒還醒蚌珠有淚秋含
月龍劍無光夜射星忽憶潯陽江上路琵琶
曾向隔船聽

吊仰晉卿

與君同宴曲江時管鮑深交未足期諫院十
年曾共直憲臺一任即分岐剡舟波沒王猷

誰復是相知
死却箇風來向秀悲世路茫茫吾亦老相逢

評云

情真意切故
句律亦古

調朱國用

善丹青家貧業剪綵花度日
飲量不甚弘然得錢即沽酒
得酒即
沾醉矣

野鶴襟懷病鶴身無榮無辱是間人剪裁紅
紫春随手塗抹丹青妙入神囊祗一錢猶覓
醉家徒四壁不憂貧行藏舉止誰相似痴顧
顛張最逼真

述病

東田漫稿 一五卷
心已成灰髮已絲不須回首憶金閨漢槩渴
後新聲減沈帶愁來舊孔移採藥晝迷雲漠
漠背花春卧日遲遲平生未究支離術欲就
蒙莊一問之

送司訓夏守道赴林縣

幾年燈火舊門生新領除書下
帝京教席遠分秋已暮祖筵高會曉初晴林
慮山水馬頭近瀛海鄉關鴈影橫此去莫嫌
官獨冷邑中才雋望陶成

病中

獨抱沉痾負

盛時心如沾絮髮如絲案頭線綺琴聲減篋
裡黃金帶孔移無刀可能三距踊有形惟願
一支離分明女嫁男婚畢何處名山有煉師

評云

此與前述病大意相
同微不及前作也

照鏡

巧厭菱花澈厭冰暮年勲業照無憑未顏暗
去喚不返白髮陡添駮可能丹翠點膚真古
物魚龍縷背盡竒形朝來稍被輕塵掩却免
人間醜婦憎

偶述

偶思田里卸塵冠一卧空林歲又闌紙帳夜
寒吟魄爽布衾年久瘦軀安空中怪事書何
益暗裡愁腸遣自寬却似嗣宗非達者窮途
終日淚闌干

折枝梅花

誰剪梅花挿膽瓶雪中人見謾遙驚暗香未
入林逋句冷蕊虛牽杜甫情祇耐月窓分瘦
影豈堪風笛度悲聲相逢若問調羹事已與
春光似隔生

西齋四友 硯

抱璞文房不記秋虛名慚拜石鄉侯貌因頑
鈍金同壽性本剛方筆并投廣殿策時旌影
動空齋吟處匣塵留而今洗墨魚應咲鉄已
磨穿人白頭

評云

詠物詩最難得好句此作儘可

筆

高閣銅龍伴索居東塗西抹愧當初五勞有
病抄方懶萬事忘言點易踈判噎謾誇驚長
史免冠深喜謝中書魯麟獲後交遊絕各衮

憑誰重起予

棊

偶隨黃綺入商顏回首浮生一局殘歲月
駘柯同是幻功名累卵詎能安敲燈有約吟何
苦折屐無憑興轉闌誤矣聖尼賢已訓不如
袖手且加餐

琴

錦囊韜後暗塵侵鳳沼朱題歲月深彭澤
來空有趨茂陵消渴久無音春風羯鼓誇
手秋水漁竿惻此心一鶴暮年猶欲煮子

何必鑄黃金

和梁家莊驛壁間韻二首

霜葉照秋林停舟感客心漁家臨水晚傳舍
歷年深北接

神州路東瞻泰嶽岑茲行真勝覽須遣畫師
臨

信步入園林翛然會此心地偏稀客到驛古
闕人深溝斷木也橫危擁雲根石也疊小岑
興來聊取醉何用卜登臨

評云

勝前詩三四
好五六奇甚

贈魯錦衣景章同程侍御見過

故人夜剪西窓燭凍合漳河酒重沽按節喜
同周柱史問官猶執漢金吾魚頭著姓推先
世

螭首聯班記

北都臨別索予題句贈病中梅使阻脩途

早春半里橋散步

芳草連村柳蘸隄橫塘北去小橋西淺黃乍
泛鴛兒酒嫩冷猶欺燕子泥細雨有時沾袖
濕閒雲無力度墻低瀛南獨客掀髯笑一瞥

風光直品題

評云

六句佳甚所恨結語蕭索爾

西園

穀雨纔收巷陌乾西園花底駐吟鞍杯條學
線繫春短榆莢比錢沽酒難野老忘形招即
至世兒無事與相干所虞疏傳還家久囊底
黃金苦不寬

評云

尾句真情也可念

雨後西園遊賞

雨後園林錦繡開杖藜巾葛此徘徊莓苔石

上彈琴罷揚柳橋邊載酒來
絲逐暖風穿巷陌花迎晴日麗
樓臺回頭咲問同遊者
廊廟諸公有此哉

評云五六句好
雄渾富麗

書懷

父謝常參與早衙北窓高枕夢南華
池塘雨過萍生子庭院風來樹墮花
室祗藥爐無長物案惟書卷是生涯
所便眠食還如舊不誤尋春命小車

送岳知縣調褒城

再會知何日臨行屬暮春
問程將到蜀作宦重經秦
父老迎新令銓曹用舊人
莫嫌褒棧險得失本無真

新建北樓

豪壓黃州結構新危闌十二出風塵
門無問合求田客座有先憂後樂人
紅日下觀滄海出白雲平與畫簷親
幾回中夜憑高望萬象森羅拱

北辰

獨笑亭小憇

獨抱幽襟坐小亭春風吹老百花屏酒無人
載楊雄老書為誰拋蔡確醒左右一灣流水
碧東南千古遠山青簷間曉溜琵琶語何必
潯陽夜舫聽

義聞

林太守世遠二親
義聞貞則字因摘以題

勅命內有
卷來

不藉山靈為勒文忘名長卧嶺南雲彥方義
重鄉間化季惠風高鄙薄聞峩豸有靈於孺
子

迴響無計起封君所嗟三十人間壽霍草誰
繞故墳

貞則

北堂慈壽髮如絲聞道孀居自少時賢地班
姬貽漢則貞同姜氏冠鄒詩

朝廷表行千年柱繡斧地

恩七歲兒惆悵林鳥方返哺一杯埋玉海天
涯

與客登城晚眺時譙樓已圯城中惟此
陵舊址護國古剎存焉感而賦此

落日荒城草樹平恍然猶記昔年登高歌未
竟青樽盡壯志雖存白髮增謾擬攢眉依淨

土可堪回首望昭陵危樓已圯危闌盡何處
能容病客憑

短述

四月二十九日

士安常卧病秋月更春花世味茶如齋神方
棗似瓜耳聞牀下蟻目眩酒中蛇欲起醫侘
問燒書事可嗟

看竹

新種琅玕碧四圍雨餘分色上人衣七賢舊
說嵇康懶二仲今陪蔣詡歸友尚松梅知耐
久士甘藜藿恐難肥今宵試敞南軒坐會見

青鸞月下飛

東庄喜雨

朝朝倚柱望雲生少女風來雨忽傾階下漸
添芳草色池中亂點綠荷聲燕知泥潤穿花
去鳩為巢踈隔樹鳴珍重門人休治具宦途
吾已老於行

成趣園與李醫小酌

掩書終日卧衙門不入城闈不出村行怕雨
苔雙屐浣坐嫌風樹一瓢煩林巢借鵲憐鳩
拙階臂銜虫咲螳奔昨日偶緣醫見訪強扶

衰病對青樽

調李醫

中年始學醫性懶術還疎日日酣浮蟻村村
崎蹇驢怕逢曹孟德愛說夏巫且却被閨人
罵家無饒石儲

郭尖

幅巾高累深衣闊七十行年兩鬢殘伎擅橐
馳唯欠僂名同景尚却無官一丁不識談何
健五斗難醺量自寬更有康強無賴處花開
猶凭小蠻看

題扇寄朝用方伯

為憶薇垣客新詩口自占情深辭不盡思苦
韻何嚴雲樹三年隔風花兩地淹匆匆絨短
筵遙寄禦南炎

評云五六

詠美人

年紀剛纔滿破瓜清歌妙舞教坊誇指拈銀
甲霜侵筓臉對青銅月照花百兩秬宜婚上
國一分元不減東家而今頭白金針冷懶繡
虞裳浣越紗

東坡漫稿 五卷
夜合花

俗呼馬
櫻樹

合昏花發近前楹
酒力微消雨欲晴
葉翠蒲枝張羽蓋
葦緋繞樹綴鞦韆
芳心靜歛幽窓暗
簾色歡迎小院清
分付淳于休誤認
槐安塵夢恐勞生

評云

曲盡此
花態度

張二尹祈雨有應

縣齋方露禱一雨足
西疇助我明農喜
寬君為國憂風柯驚徙
蟻雲樹怒鳴鳩來日
池亭上坡應有記留

獨笑亭偶述

獨笑亭暄柳正晴科
頭長日坐聞鶯苦吟
未了風花債耽飲難
逃麴蘖名塞上提兵
心已厭窓前讀易眼
還明隔溪漁笛休相
惱不是安州逐客情

哭

秦陵

黼座塵凝玉几空
虞絃無復奏南風
林間病馬徒思櫪

天上神龍已墮弓
百姓仰

宸思考妣萬方聞

詔泣臣工

翠華想像歸何處多在蒼梧

夕照中

評云

八句極悲極哀便覺宋人諸軼大行詩語意為斥

病述六首

落莫空齋暑又殘藥爐灰冷硯池乾吟踈稿
覺囊中減卧久書惟枕上看印昔纍纍猶解
綬髮今種種豈衝冠所祈歲晚身粗健不悞
滄浪把釣竿

夢回簷外雨聲殘窓隙風鳴紙半乾遠信欲
緘郵未便古方無效病猶看床頭鉄蝕雙龍
劍笥裏金銷獨薦冠却喜杜陵煙雨外元卿
脩竹兩三竿

勲業青銅兩鬢殘藥欄無雨藥苗乾枕中鴻
寶經誰授案上陰符字懶看短翮幸逃鸚鵡
網枯容羞著鷄鷄冠秋來美睡無人喚不覺
東窓日幾竿

斜月踈鐘曉夢殘金戈忽憶渡秦乾志平強
虜全身退跡被高人冷眼看越榜固應憐繡
被齊虞終是待皮冠豈知失步邯鄲者更進

當筵百尺竿

羽扇綸巾興已殘
石田茅屋雨初乾
藥肥龐老猶能採
花發劉郎可再看
綠野偏宜牛背笛
紅塵不上鹿皮冠
朝來賸喜村醪熟
無謝長安酒萬竿

蠻觸功名戰已殘
歸來長笑壁蝸乾
庭移新竹吟邊對
籬發寒花醉裏看
短褐出田文傳固知貧士服
岑牟可是雅人冠
栢臺棘寺遊應遍
老向桐江理一竿

評云六詩俱穩
安淨潤

七夕用前韻

灝氣潛回暑氣殘
井梧一葉露華乾
銀河靈鵲繞飛渡
玉禁牽牛已卧看
可咲庸愚占結網
那堪蹇拙謬纓冠
年來俗累依然在
犢鼻長褌晒阮竿

秋夜與客舟中話舊口占

有客鳴榔訪薛蘿
渚禽驚散水增波
因談往事留連久
閒數交遊喪逝多
閭闔排雲成昨夢
琵琶聽月度新歌
今宵縱遇橫江鶴
兩賦憑誰繼老坡

評云起句佳三四老懷可念

張良潤移贈紫西施相袍紅二菊

遠煩移菊到柴扉把種高秋雨正肥麗色昭容垂舞袖佳名元宰試朝衣居鄴褻服明璽訓霸越扁舟老共歸應念西風三徑裏黃花無語獨依依

評云結意好謂二菊不宜為高士所有但老居林下無聊假此暫娛爾

九日西園述懷

茱萸酒熟歲將闌載入西園強自寬楊柳病容風外瘦梧桐疎影月中寒聰明頭減事多

忘眠食未衰身苟安一醉接羅還倒着底酒重整杜陵冠

里中兒有善吹笛者一夕卒詩以悼之

不見吾家袁寄生梅花舊恨繞江城相逢何日還三弄獨咲當時祗數聲出塞忍聞牛背韻倚蓬空感鶴南情憑誰一賦懷中散宰落柯亭月二更

西園即事

幽入林館瞰陂塘花樹風生遠近香步屨喜晴還喜雨岸巾宜暖又宜涼松梅與竹為三

友蒲柳輸蓮似六郎一醉頓忘身與世况饒
三萬六千場

評云

起句好第三句本常語
得第四句便覺精神

贈李壽官

詔賜冠帶肉帛

漢皇陵下久移家八十高年兩鬢華共覩
日邊開鳳詔獨從林下岸烏紗家庭拜慶兒
孫喜蕭鼓迎歸里巷誇况復
聖恩兼養老青牛安用度流沙

北村六廢

禮示瘖瘖跛躄傳載秀出跛
僂合之得五發蓋跛即躄而
瘖即僂爾益以聾聵為
六各賦一詩因以自喻

覽者

歷盡崎嶇隻履穿歸來曳杖老林泉紫苔步
處留夔跡紅蓼攀時學鷺拳奉使無才空辱
衛提兵有計謾誅涓何如靜聽鈎輶鳥獨守
衡門過暮年

評云

三四
可

矇者

應被人嫌禮法疎倦開白眼臥吾廬案頭山
積丘明史篋裏塵封李吳書醫泥古方投石
燕聖垂明訓戒淵魚前程聞說還如漆謾向

西河歎索居

禿者

衰殘莫待辱岑牟好共中書罷宦遊露頂燈
昏潛入夜霜毛鏡掩暗驚秋齋人執御嘲何
甚鮑老當筵笑未休賴是蟄申歸去早不然
城市雨濡頭

僂者

怪底相逢喚橐駝病軀匍匐鬢婆娑老憑誰
念劬勞久遠起人疑負荷多俛勝易甘淮市
辱折腰深苦晉郵過而今好客無公子潦倒

郭柰笑何

評云

二聯戲
則可喜

曠者

聞衙鼓及歌鐘靜坐林間莫惱公無囑共
私語少有呼須爾大聲通震來七箸何曾
社到樽罍取次空遮莫蛙鳴與蟬噪歸途
老竹衰如中

瞽者

生得喪底須論哩哩從晨復到昏吞炭事
情六苦緘金銘好戒常存坡翁撫掌應相

夫是六傳心欲不言羨爾多才能鵬對將因
賦鮮煩寃

紅梅

羅浮仙子酒初中入洛憑媒嫁相公誰賂一
枝園更手也來爛熳咲春風

春遊言志

奚奴携錦更携壺可是詩豪是酒徒止足片
言千古得脂膏兩字一生無肯輸王適奇男
子冷笑張儀大夫夫醉了狂吟吟復醉不知
西兔與東烏

評云 句律爛熟不經
意情志亦可念

病懷 開劉詩
雅薦

清世無能白髮新束書高卧杜陵春七年病
有三年艾千歲憂無百歲人元亮既歸須縱
飲叔牙相薦豈憐貧黃金聞說臺如昨極目
寒煙渺析津

西園縱飲

簾影潛移麗日斜小堂談咲岸烏紗春聲燕
語兼鶯語風信梅花到棟花吟罷罰依金谷
酒夢回煎好玉川茶旁人未識幽棲景猶道

都臺御史家

小閣春酌

病軀初試袂衣新
小閣踈簾淡淡春
昨日風塵前日雨
今年花柳去年人
詩能即席猶誇
健酒或盈缸
豈患貧獨恨
田園歸太晚
半生碌碌問通津

評云

第二句好

簡謝閣老木齋

柳條搖落草淒迷
黃閣緘書到白溪
疾病蘇州詩已述
姓名沂國榜曾題
鳴梟避地猶東徙
羸馬因風偶北嘶
惆悵雲霄千萬里
何由一隼擁沙隄

又一首

抱病茅茨歲屢經
又銜新命赴邊庭
瀕陽雨露同王剪
遼海風煙異管寧
盛德敢忘東閣老
餘生慚負北山靈
茲行勲業知當勉
無柰青銅兩鬢星

簡陳大守希白

歲晚移文自北山
鏡中勲業付衰顏
已從陶令辭彭澤
又學班超度漢關
持斧兼慚持節

寵畫熊曾許畫牛閒幾年剩得鄉間重深藉
陳蕃一榻間

通州登岸途中一首

晴旭初升繡斧明舍舟策馬戒嚴程春風遼
海新持節朔雪燕然舊署名遷轉
兩朝都御史迂踈一世老書生前訶莫遣途
人避採訪民風在此行

夜宿薊州

寂寂空堂月二更行人今夜宿邊城燈殘獨
對思鄉影角遠時聞出塞聲檐外風枝翻睡
鵲臺前煙柳遲啼鶯從來橫稍書生事為撚
吟髭坐到明

評云中聯氣
緊雄俊

山海關

鹿頭易破虎牢卑百二金湯此最奇天險九
重巖虎豹海洋千里浴鯨鯢東西箭矢通夷
貢表裏山河鞏

帝畿老我久乖投筆志封侯空負
好文時

將至廣寧

十里旌旗奪目新
馬前甲士麗魚鱗
凌河曉發循東海
間臯晴看近北辰
白帽喜無逃世士
碧幢慚負長年人
袖中點檢長纓在
猶可龍庭繫不臣

廣寧視事口號

手中文案不停披
小吏當階報午時
又坐正衙喬斷鬼
不思前任倒紉兒
履危好去休耽酒
柯爛毋畚更看棊
瀛海南頭漳水北
無邊風景待新詩

評云語雖盛情則真也亦自可喜

登閩山有感

憑高聊騁望千古
此窮邊水氣東連海
山形北到天路通
肅慎國碑紀契丹
羊老我歸心切
黃金印懶懸

評云真唐律也尾句差弱

庭花盛開客邊無
酒厨人時獻茗椀
一笑有作

竹爐湯沸夢初醒
起岸烏紗坐小亭
碎錦浮香來七椀
殘紅飛影墮三經
酪奴誤入芙蓉館
樵婢潛窺芍藥廳
一任渠嗤殺風景
詩脾

却喜沁中冷

行臺述懷

栢臺高爽枕鑿閭節鉞光兼繡斧威豕偶白
題安敢獻鶴如丹頂或容歸衙官祗候橫金
帶戍卒更番授鐵衣向曉憑高聊騁望海鷗
飛上釣魚磯

評云尾句含蓄可愛
前六句太直

遼陽雜述三首

睡鴨香殘午夢回倚屏雙眼尚慵開濃陰彌
院島雲上急點打窓山雨來客裏愛書空有
癖病中搜句老無才呼童靜下風簾坐莫遣
檐前燕雀猜

評云或謂公詩似許
漁者謂此類也

又此為釣州馬
少師作

感懷兀兀坐成癡鈴閣無聲晚漏移麟鳳可
堪鷹犬制棟梁本擬
廟堂支陰雲接塞晴還少新月窺檐漏尚遲
莫怪哲人歸去早大疏猶在孝宣時

評云尾句謂馬公當於弘治間去老臣
戀國懷恩去已遲矣時人勿訝其

蓄恨句微直
蓄恨句微直

彈鋏休歌巷伯篇從來積羽可沉船將軍已
老遺三矢衛尉何曾直一錢公道生明唯智
者讒言階亂豈誠然不須掩卷頻興歎自檢
丹心對越天

遼陽雜述四首

此州疆域有虞開山表鑿間亦壯哉洪範已
陳箕子過黃初纔建管寧回海棗倒影凌晴
旭塞草燒痕見劫灰獨上戍樓成久竚故園
何日賦歸來

徙倚高臺目力窮扶桑東畔更無東鯨波風
惡倭船隱馬市塵腥虜帳空野鳥晝啼耶律
墓土花春徧契丹宮行人莫認間山錯不似
商顏隱几中

評云

佳作然只是宋人詩

營東風景亦堪憐莫道邊州盡慘然滄海望
中波吐日長城訖處堞連天紫茸貂鼠千金
貴玉色銀魚一尺鮮信美豈如吾上樂不歸
猶自待何年

絕塞黃雲晝不開忽傳遶騎報行臺單于舉
部乘羸遜女直諸夷貢馬來堆案譯書多詰

曲造庭番語更喧
而今老去思歸耳
豈有封侯萬里才

評云四詩俱佳多
人所未道也

貽朱太監口號
弘治戊午秋朱常
鎮宣府踰年

詔還京予適巡撫於彼
錢送之頃咸惜其去
謂王太僕云無計可留賢太

蓋公應聲云有緣還會老都堂
未及成篇而別越九年予復膺

命巡撫遼東而朱先在焉
廣寧一見即誦前
句因共大噉殆成識也夫仕途兩任同

事在章逢已火况中貴與外寮平蓋
又加少矣因足成一詩用紀其實云

十年前共把離觴舊句猶能記
兩行無計可留賢
太監有緣還會老都堂
重逢遼海成詩

讖曾對燕山怒酒狂
今日萍踪雖暫定
兩鳧安得並南翔

評云此詩可備
一故事

壽王郎中乃翁七十

家住城南尺五天
鋼川分譜到維川

恩馳北闕翁猶健
官署東曹子更賢
壽酒每

傾春仲月新詩應
詫古希年阿戎拜
慶懽無

極久典軍儲渤海邊

新秋宿寧遠

坐久虛堂爽氣生
南箕漸見沒天星
金鈞夜

控青綾帳銀燭秋明彩漆屏爐裏寶香銷睡
鴨簾前石火墮流螢書生志輔
茅茨治一束寒毡不厭青

評云第六句好

贈岑太監二絕句

馬前甲士鴈行排旗着連雲鼓若雷邊地也
勞

明主慮監軍親遣七哥來

曾珥金鐙御案前璽書新領鎮窮邊征

人莫道軍容貴不識黃雲塞外天

寄壽馬公州鈞

八十遐齡一品銜幸逢

今上許歸田少師官位中朝仰太宰勲名奕
世傳鄉里懽迎皆後輩都門出餞少同年不
才曾辱山公啓無計攀留獨惘然

前屯衛阻雨在山海關外一程

聽殘山雨燭成灰獨撫吟髭坐北臺代者不
來瓜已熟歸歟如遂菊應開敢思

廊廟夔龍接政恐關門虎豹猜年少終軍今
老矣可能還展棄繻才

東田漫稿 一五卷 五五
雲壓山城晝不開空階積雨沒蒼苔行人當
去不得去代者欲來還未來枕簟夜涼渾似
洗琴書秋潤半生塵憑誰持我千金帚一掃
頑陰豁憲臺

發前屯衛

節鉞乘春鎮北蠻新秋

恩旨特徵還鷗邊白水知連海馬上青山看
入關送客郵亭纔五里閱人傳舍又三間西
風吹黑西來面猶帶中丞舊日顏

入山海關

出關春事未闌珊恰入關門暑又殘割罷早
田平野闊退枯秋潦去程乾相逢歷歷皆新
道自嘆勞勞是熱官此日還

朝剛十載髮毛衰盡寸心丹

次榆關驛

問關聊此駐前驕烏帽何時免戀頭樗樹影
斜山驛晚蕎花香冷野田秋還

朝敢詫遼東豕行役空驚海上鷗自嘆不如
班定遠老來一筆未曾投

宿蘆峯驛

席帽風塵壓鬢低又鞭羸馬別遼西高人正
咲禪中虱遠客還聽枕上雞驛樹夜涼山月
吐逕苔秋暗野煙迷流光莫道吟身老橫槩
猶能一品題

評云五十六
俊逸

永平道中

平灤風景報新晴馬首西來第二程雨過亂
山濃似染煙銷遠水去如絝原頭草晚牛羊
散沙觜蘋秋鴈驚鳴不用村腔吹折柳行人
已起故園情

評云中二
俱佳

山驛阻雨

一夜雨聲欹枕聽秋燈短焰寒猶青侵晨征
騎發還止過午怒鳩啼不停十里五里泥滑
滑遠村近村水冷冷從官未諳僕夫苦催取
過所喧驛庭

曉發薊州聞鵲噪尋報代者出京

綠槐聽事綠苔階下馬當關報曉牌遠道獨
來艱跛蹙虛名何補戰腥蝸匆匆赴
召程猶阻草草留題句未佳去也不須占鵲

喜代葵人已發高齋

玉田道中

立馬高原問縣名
藍田遙望綠蕪平
當時白壁如堪種
後世黃金亦可成
山寺古槐高並塔
野籬懸瓠小於罌
重來不作觀風使
一一題詩為紀行

評云自然稱

夏店道中村庄

西風疋馬入京華
野店村橋日欲斜
白袋裹糧人趁市
青旗沽酒婦當家
一籬秋思苦瓜

夏十里晚香蕎麥花遙望

五雲天漸近豈知隔水燦明霞

通州道中

烏帽青駔海上回
無人不道舊都臺
紀行漫有還

朝句筆老元非濟世才
函谷兩篇慚未著
圯

橋一卷咲重開
西風北鴈通州道
二十餘年

又來

貽寶通寺恩長老

西風蟬歇紺林幽
遼海歸來此駐騶
吏部貽

詩紅葉晚遠師開社白蓮秋鳥窺坐石僧初
定鷺共聽經客久留何事煩襟前不盡出門
獨自抱先憂

望京

野水荒山兩月程馬頭今日望

神京五城碧玉樓先見雙闕黃金榜漸明

苑芙蓉留晚色官橋楊柳試秋聲行人本

是貞元客華髮還朝似隔生

評云

後四句佳五
六亦以自元

自述呈舊遊諸公

兩月邊陲慄未增十年田里病相仍陶潛遺
世辭彭澤蘇武還朝泣茂陵宦拙自慚稱晚
達才踈深恐負同升重華此日
恩如海欲報滄埃恥未能

題恩長老画卷

沙彌前合十持卷求偈辭開卷閱之諦善財
叩船師初疑即色歟非城亦非海而况實與
船非帆檣貨賄再疑特空耳有寶寔載船城
皆郭連郭海亦波際天謂空涉於無謂色滯
於有有無空色間下筆掣予肘沙彌聞是已

五體投地云此義未曾有願公著為文予曰爾來前法華有七喻爾能究竟之予重宣此義

評云

知語語如夢境可喜
可愕東坡常有此體

十月兵部中見菊

画省無媒黃菊遲
茱萸節過見開時
常參每悞江州酒
退食空吟楚澤詩
花飈寒香風細細
葉垂秋色雨離離
孤根晚節人家少
須就韓公老圃移

部堂即事

空堂日轉西樹影
壓簷低封印吏初
散扣輿人已齊北
瞻

金闕榜東近玉河
隄清興悠然發濡
毫試一題

評云

起句宛然
散衙景象

四時詞

生怕春歸又早歸
朝回睡損越羅衣
殘紅蒲地東風倦
輕薄楊花自在飛
散却晨朝罷早衙
南風吹破蜀葵花
官間白晝長於歲
坐對丹心日影斜

禁得西風一夜吹黃花黃葉總離披公堂吏
散文書靜閒讀汾陰后土祠

鸞尾扶踈壓粉墻北風吹雪滿篔簹紅爐撥

到灰寒處小吏當階報散堂

評云四詞俱可傳却恨俱粘宦况微落凡近

梁叔厚少宰惠磴

誰斲荆山璞兩規黃雲割盡費推移蝘行謾
訝天同度蹇拙何愁路有岐束手老年無巨
判抗聲童日有新詩從今願守堯堅訓落雪
功成付餅師

十二月廿六日有南都之

命喜及新歲過家

雙眸欲識蔣山青臨老陽關更一聽三十二
年南北路四千餘里短長亭黑裘晚弊猶衝
雪烏帽晨征每戴星却訝別京詩句好故園
開歲喜重經

改南京工侍

成化乙巳予以言謫官于

命蓋直道未敢自附于家茲正德丙寅復有是

也故頌聯云云至末尾句則別有所感也

篋裡貂裘歲月深老披殘雪度寒林形容覽

鏡悲顏駟出處登車咲展禽宦入舊都貞吏
隱詩逢工部足豪吟擔頭一束殘書外還有
中郎爨下琴

惜花春起早

為憐紅雨夜來多急縮青絲掃翠蛾
萱菴曉風推繡戶薔薇朝露浥相羅
魚開銀鑰梁園幸雞喚香車杜曲過
試問幾時春睡穩綠陰青子畫婆娑

評云

謂無花始安寢
用意亦苦矣

愛月夜眠遲

坐久涼生纏臂金廣寒宮闕夜沉沉
寶奩咲對蟾蜍鏡繡榻閑拋翡翠衾
燭淚滴銀花弄影輪痕碾玉桂成陰
侍兒莫報深更盡要與嫦娥話宿心

評云

結語好五六工
甚不媿詞藻

掬水月在手

一勺澄波浸玉蟾繡停春筍濯纖纖
龍眠海女擎珠出鸞舞江妃把鏡拈
窈窕夜分雲母障嬋娟春闢水晶簾
豈知漢武乘舟後影落金盆禁鑰嚴

評云起句省力三四寫得出

弄花香滿衣

手撚南枝嗅早梅不須重問海棠開翠鞦韆
荀令爐邊過綵袖黃娘宅裡來清馥繞身經宿
散穠華彈指逐春回莫教狎客窺簾入併竊
人間說有才

過雄縣

陌樹楂牙陌草黃雄州風景晚蒼涼河冰夜
合狐初聽野雪寒疑兔盡藏弓箭挿腰巡邏
騎文書在手督逋郎北都有客南都去過此

猶能一感傷

馬東田漫稿卷之五

馬東田漫稿卷之六



東田馬中錫著

沙溪孫緒評

筆山文三畏校

北園早春即事

北園風景藉西陂春到柴門半啓時
枸杞井荒垂亂縷薰葭地煖卓新錐
冰消水鳥來偏早風勁林鶯轉尚遲
六十二年行後客暫携酒伴此尋詩

評云
三四未
經人道

春晚西園即事兼憶舊遊

高捲風簾乳燕通小橋流水宅西東
落紅滿地桃花雨飛白漫天柳絮風
總角將車雙健僕蒼顏醉酒一衰翁
可堪屈指年時客零落生存半不同

早春至自京師再遊半里橋別諸親舊
又携鷓鴣榼岸烏巾柳市南頭探早春
薄酒似柴難醉客小橋如甃可通人
交惟能淡情方久詩不求工意便真
明日南舡向南去故園回首隔紅塵

登樓憶黃士華

獨上危樓思渺茫是誰吹笛向山陽
春風壚在安豐感秋水陂空叔度亡
雙屐不來穿柳邈一館猶自殫茅堂
西壕往日同舟處冷落桃花兩岸香

評云

不勝悲愴三四用姓亦不牽強士華善釀酒故云

自酌述懷

去年按遼東今赴南都故額聯云然

萬頃春濤一酒壺春風拂面有還無
鳥聲東徙人猶惡鵲影南飛我共孤
官謝朝班猶寓洛病多藥裹未逢盧
廟堂已有羣公在早

晚吾當乞鑑湖

偶成二絕句

萍踪無定已多年剛自遼西到

日邊一席坐來猶未煖殘書孤劍又南船
買得南船二月行一篙春水夜來生
沙頭別酒無多酌醉後哀吟滯去程

評云

婉曲有味

家園見梅

一別梅花四十秋
巡檐今日豁雙眸
出塵風韻依然在
却笑時人已白頭

西壕寓目

金柳搖隄水拍橋
東風拂面凍全消
酒船未放人猶病
碁局長閒客費招
言寡何勞三尺喙
愁多那有十圍腰
眼看春色紛紛去
芳草連天古道遙

評云

起結好只作絕句尤妙

臨清舟中別李醫二絕

載酒清源送我時
杏花春雨正如絲
明年此日如相聚
一笑西園倒接羅
桃花新水木蘭舟
一束殘書一削緜
載過江

南望江北白雲紅日共悠悠

評云二絕俱是唐人語

清明舟中

去年馬上逢寒食今日舟中遇禁煙
筭老浮生餘六十問程前路尚三千
茫茫淮水遙連海渺渺瀛州近接天
撫景却驚人上塚是誰一飽乞新阡

評云好第六句懷鄉戀闕含蓄不露末句怨而近罵且與禁煙寒食多

犯相

安山書懷

遠携書劍上南州樽酒那能遣宦愁
蛾撲殘燈焚可待蠅攢故紙出何由
山如有約船頭送水自無情樹底流
縱有嚴程風景好此行元異子長遊

夢李汝弼

野水孤舟月四更夢君笑語若平生
無端却被鷄啼醒斜倚蓬窓記不明

張秋偶述

春岸楊花貼水飛北人南宦幾時歸
九迴腸斷愁還在一寸心灰事已非
匣劍有靈常恐

化篋書無恙鎮相依分明亦上揚州去安得
身騎丁令威

泊南旺湖連日阻風

荒灣斜日艤扁舟病眼逢春恰似秋鄉思爽
雲俱北去閒愁隨水不東流為驚旅夢憎黃
鳥未息塵機愧白鷗明日謫仙祠下過石
風定一登樓

評云八句俱好且是尾句不弱

南旺遣懷

蓬底支頤對落暉年年身事與心違風花度

水愁千點煙柳垂隄瘦一園北若欲南且
去今猶未是昨全非逢人欲問江東事可有
鱸魚墜釣肥

評云不戒前詩酷似高唐韋莊詩觀者當自見

過分水祠

此地殘年又一經掀蓬垂柳正青青雲
巖山光出鷗鷺來時水氣腥市酒一旗風外
裊漁歌雙槳月中聽同來誰道貞元客萬慮
全灰兩鬢星

舟中聞哭夜泊分小祠下鄰舟寡婦夫死南中扶柩北歸前妻之子

以橫逆加之哭聲甚哀感而有作

明月孤蓬繫柳陰
卧聞鄰哭思難任
豈知發婦悲鄉淚
偏切孤臣去國心
昌化道中春黯黯
潯陽江上夜深沉
如何二老關情事
千古淒涼直到今

濟州懷古

白鳥雙飛柳一灣
濟州春盡水漫漫
謫仙樓在風煙古
賀老城荒歲月閒
誰復脫靴眠市上
空聞舍宅厭人間
嗟予本亦踈狂者
逸駕飄颻不可攀

齊州感懷

風氣南來覺漸暄
濟州鷄犬接荆門
數竿酒店通花市
一葉漁舟繫柳村
官岸蛙鳴湖水闊
女墻鴉集郡城昏
分明記得來時路
欲擬歸期未可言

評云 中聯瀟散開曠勝前篇

魯橋道中

孤舟無定欲何之
小泊沙頭送目時
春水已肥魚未上
暮雲將盡鴈何遲
一程風物憑詩紀
千里家山有夢知
行到天涯非是遠
春明

東坡詩集 卷一 六卷
猶遠似天涯

評云

結句含蓄感既

途中次任相之太守韻三首

建業山川本

帝鄉春風吹我上官航琴并古劍都三尺詩
雜殘書共一囊驥驥縱令還北塞葡萄安肯
博西涼白眉老去無才思空愧詩人說最良
柳彈花發二月天東風作意送南船青山到
處為賓主綠酒誰家問聖賢老我春愁深似
海多君詩思湧如泉相逢遮莫頻相勉無那

衰殘媿俸錢

一麾遙上木蘭船隄柳凝寒色未妍燕薊北
瞻山拔地淮陽南去水如天本兵久玷無長
策邊境曾孤委重權為語同來賢太守偶裁
詩句不須傳

和任太守二絕登隄

物候南來感宦遊柳隄閒步豁雙眸水邊鷗
鷺應相笑汝已功名到白頭

過沛

猛士韓彭古亦希楚猴不戰潰重圍如何過

東田漫稿 六卷 七
沛誅夷盡却恨風雲海內飛

貽相之二子長希賢次維賢

當日城南送阿符一篝燈火一牀書
惟來頭角崢嶸甚曾是龍門點額魚

此子當年氣食牛早傳家學擅南州
秋來丹桂如高折持取添修

五鳳樓

過徐州次相之韻

弘治甲寅春予勘事南都留此十日今十

四年矣乃獲再經偶爾阻風輒抒長句

沛泗依然繞郡城重來華髮滿頭生
年光逐

水都流盡風景惟山未變更碑斷偃王祠下
石草荒桓氏道旁瑩孤舟載得春愁客為阻
南薰鎮日橫

阻風自遣

日日顛飈阻客程短蓬孤倚若為情
河流似不教南去天意如將挽北行
已惡舟人占五兩虛勞津吏報三更
故園何苦不高卧却逐風波役此名

贈答任太守用其韻

詩家幽穴許君探老我才疎祗自慚
黃鶴調

高真寡和雕虫句好莫多貪葫蘆久作文章
樣橄欖遲回齒頰甘偶爾南來同笑語老坡
安敢屈陳三

評云

體裁只是宋詩然調
清律熟亦自可喜

晚泊孤村風雨驟至

在新安
南十里

千里關河一葉舟黃昏風雨繫沙頭人家住
遠漁燈少客路來遲酒旆收歎老夢中還作
夢憶歸愁上更添愁明朝解纜乘流去猶及
殘春過楚州

倒用相之韻追和途中之什

人家鑷燧火初傳獨客傷懷酒失權陸走水
浮無定日流行坎止總由天春洲魚上蒲猶
短曉岸鶯遲柳未妍題罷新詩催柁叟南風
如靜可開船

評云

五六
俊語

阻風

颶風終日阻修程雪浪船頭十丈騰安得韓
公重作訟任逢宗慙恐難乘空林夜聽奔千
騎大海晴疑徙一鵬自古浮雲能蔽日吹開
分寸又何曾

次韻答任太守

緘題草草更匆匆日日詩憑小豎通正喜方
舟來薊北却愁分袂向江東水程濡滯還多
雨花信依稀第幾風同是天涯微服者何時
鳴珮

大明宮

評云

第六句對得自然并上句覺妍

次韻別任太守

淮南春色苦無多客裡逢君柰別何折盡柳
條情未已酌殘蕉葉量拚過病駒起後徒羈
此雙鯉公餘肯寄麼愧我贈詩還草草不須
持向大方歌

渡江偶述

片帆再涉大江流慚負歌牛欲畫牛八座一
毡猶未煖百年雙鬢已先秋鷓鴣附執寧為
智蟻蝓升高豈善休分付舵師須記取茲行
不是子長遊

江口短述

江水微茫閣重來十四年風光還似舊人事
大非前雲樹遙連海星辰倒浸天曉來沙嘴
立一鴈正驚弦

評云五六
曠遠

輓紀宗直

西楚移家上郡來
元宗人物掇科才
官資不次超
東署曹務能修振
北臺老約帶圍驚
晚重阿符書卷喜
重開平生故舊唯
予在短些吟成益可哀

送呂秉之太常考最

當年

右掖知中舍
此日南都餞太常
家學舊推文穆裔
僑居猶仰鄭公鄉
一官留寺持清重
再駕京塵識軟香
書取自來歸長職
上卿應簡在巖廊

壽建業羅繡衣乃翁七十

簾捲薰風啓繡筵
烏巾白髮照華年
幽居舊近周顥宅
高壽新起杜甫篇
詩酒一生狂老子
山林終日小神仙
阿符况秉南臺節
此度稱觴豸服鮮

送白尚文通府還安慶

秦淮新識面
瀛鄭木同鄉
傾蓋情如故
開樽話更長
梅中完部檄
花外發官航
咫尺同安

東坡漫稿 六卷 十一
路人歌倅府良

南都官舍寓懷六首

不類山林不市朝，煩襟頓向此中消。
聽長干寺羨酒，晨沾白下橋。
穿柳買來魚尚活，隔花驚起鳥偏嬌。
主人自是他鄉客，撫景纔懽又寂寥。

評云

第六句謂花中鳥起并鳥見其嬌耳

一區官舍

禁垣東岸幘朝朝，退自公十日不晴。
梅子雨五更猶惡，棟花風開。廉謝燕歸來，早看畫陶。

出處同百計，挽春春不住。石榴新火出墻

評云

結語雄渾可愛

竹蔭幽窓柳蔭門，衙回人散寂無喧。
好山捲幔雲頭出，流水通池雨後渾。
花落小簾驚旅夢，茶香深枕醒吟魂。
朝來更覺踈狂甚，曹務逢人亦懶言。

評云

結未

門臨流水夾垂楊，庭院深深畫景長。
青竹安梢山雨重，綠荷翻葉水風涼。
書憎燕入衙泥

浣花喜蜂來帶蜜香造物似知人健作故令
官拜水曹郎

評云佳作佳作結亦似以弱

酷暑蒸人坐一齋竹間風細八窓開嫌籠好
鳥鷲初定被扇饗蠅去後來水梳果沉朱李
水寶爐香冷白檀灰南中不是無佳况苦憶
袁家避暑杯

居第分明類浣翁日高門巷少人通睡殘節
過黃梅雨坐久炎侵白苧風五字有詩題畫
扇一弦無力軟調弓斲食揮汗何時已短壑

青松在望中

賜歸

江上南風送北船

九重新命許歸田在官八十有餘日算老六
旬餘二年建國丹楓辭

闕下故園黃菊待籬邊行囊一物都無有唯
貯聃翁止足篇

評云首聯頗似南唐後聯當勝恨結句差露耳

菊莊九日壽周官人

為抱柴桑趣幽居種此花寒香生老圃秋色

在誰家小徑風吹急踈籬月照斜年年傾壽
酒一醉落烏紗

野梅

雪後幽人屋寒梅一樹花任他桃與李開向
五侯家

柳樹

自種門前柳摩挲已十圍春來花似雪不向
灞陵飛

評云結句
好

大道

大道公然直行人自不由田間能幾近終日
奪蹊牛

評云尾句委曲
前二句直

城市

忙人城市住恨不住青山聞說山中客特還
憶世間

評云格老真唐人詩
也不勝敬服

丁鴻臚孝思榮養卷

夢松家世重朝紳留寺名卿寵渥新

鸞誥恩賚先僕正鴻臚祿養太恭人長年雨

露宜護草終古風霜感大椿屈指三堯兄弟
後萬鍾誰復逮雙親

臨行題寓舍壁

敗壁吟蛩切踈樵顧兔過明朝予又去此地
閱人多

途間戲簡王大宗伯

江水微茫湖水闊黃河湍急漕河長來無授
節并乘傳安識尚書與侍郎分野更須瞻析
木歸程時復問柴桑謀生况乏千金術空媿
鴟夷一葉航

評云

三四備一時故實
逆瑾時峻刻如此

贈同年張用和陞南京右都御史

烏府新街

御墨題老驄搖轡暫南嘶冠籠白髮仍莪豸

帶束黃金又換犀憲節遠辭

雙闕下法星高燭太垣西此行聞近鍾山住
肯讀移文不一躋

秋日歸田十首

南都解官抵家秋暮載
酒西園舊遊漸少感而

有作漫
錄於此

門掩荆榛屋覆茅歸田風景屬秋高黃雞入

東坡詩集 卷六 十五
箸偏逢肋紫螾持盃更得螯性僻每因拘曲
禮才踈安敢著離騷客來若問行年幾潦倒
先朝已二毛

評云 第三句第
六句好

休官高卧舊煙蘿紅日三竿雨一簑閒數社
中同輩少拜驚牀下後生多青尊已辦且須
醉白髮不饒將柰何向晚出門溪上立漁歌
聲斷水增波

兩足浮埃兩髮霜歸來料理舊茅堂竹將歲
晚梢還綠柳到秋深葉盡黃詩癖未痊添傳
癖醉狂纔罷即醒狂閉門數日無人過嗅遍
籬花祇自香

倦遊南北喜還家身未龍鍾髮已華失匕不
須驚霹靂隔船曾亦聽琵琶寒花繞宅幽香
細老竹當窓瘦影斜睡起午橋無一事流連
杯酒是生涯

評云 五六是田間
幽人氣味

家在瀛南解綬還暮年贏得一身閒荒園載
酒無兼味老屋藏書有半間謾擬裴公開綠
野常懷白傅往青山疇咨不預將迎少莫怪

柴門盡日關

評云第六句傷子怨

懶向

東華逐軟塵末書歸卧壠頭雲酒能中聖過
三斗錢不通神祇一文藜杖芒鞋行處穩松
風竹雨坐來聞今秋却喜詩逋了瘦比黃花
較幾分

清世無能早掛冠一竿獨釣子陵灘白侵洲
渚蘆花老紅減園林柿葉乾婚嫁已從中歲
畢朝參無復五更寒村行社飲惟常服猶恐

人疑舊是官

寸心無愧一身輕接老林間見太平敢謂韓
公全晚節政憐崔氏喪初名詩因謾典驚人
少琴不常彈對客生唯有舊時雙白眼夜深
燈下讀騷明

嘗因一病卧滄江又負三宜返故鄉舊藥尚
存薑桂辣新衣初製芟荷香籠開夜月歸閒
客樽倚秋風美索郎猶幸老來身健在帶圍
不減舊時黃

評云間客索郎對偶
巧第四句好

六十懸車尚恨遲故園朋舊數歸期世情已
任門羅雀身事何勞案拂龜柳下棠舟花下
酒松間茅屋竹間茶短筇高屐風晴後是成
掀髯自在時

過扁鵲廟

丹雘道旁宮鳴鍾祀醫扁老翁持評香僕僕
拜戶限稱扁能活人班班載經典中包醫國
心外具洞垣眼千秋藥尚靈粒粒瘥壇禪掘
土恒得之服而病如剗子謂老翁云茲人世
良鮮當其擅術時不顧衆工祗李醜如其能

刺客暗中諱遂令亘古今秘方失編簡疲瘥
無所依大道日以殮老翁聞此言不覺淚雙
潛因說村落中有醫如禁醫自矜才藝高妬
心欲不淺幸扁不生今生今亦難免我聞心
悚然扶類倒執板長揖別老翁嚴程吏催踐

評云

此詩而

車過盧溝橋望京師漸近

時予被繫

搯車撼頓路坡陀驛吏催程縣卒呵敢謂士
師囚管仲自驚廷尉繫蕭何

鳳凰城近囂塵起虎豹關嚴積雪多試問盧

溝橋水幾時冰泮湧春波

評云佳作佳作
可傷可恨

謁獄神

咎繇古賢聖厥狀如削瓜佐帝明五刑千載
傳一家茲神刑頗肖藍面衆呼爺居然受香
六祠鼓日再搗寶幡揭危棟大字題龍蛇拜
瞻盡囚子頸繫而首髻匍匐叩禍福一一應
無差所以人起敬玆籤擲橫斜我來一再謁
長揖于重义問神神試聽近法何外耶苞苴
怒成笑禮褻嬉變嗟平刑苟如此何以承勲

華神聞斯語已瞑坐垂絳紗鬼吏叱我送謂
咎去已遐此固蕭相國為祠歲年賒昨暮偶
得代凡今屬內衙神自九天降尊嚴不可加
幸其聊假寐汝退慎無譁我聞耳良駭我眩
眼良花跼踏出門去史巫賽狔獬

評云語頗奇似
亦少露

獄中自述

月冷風酸驚柝過園扉可柰夜長何痴蠅攢
紙無由出倦鳥投林又被羅誰以清汙明北
寺自甘愚昧繫東坡平生萬卷都忘盡剛記

金滕載偃禾

獄鼠

鼠頤且點入夜群行榻前獄中無極駭之下得戲簡連榻者

老屋閉門昏牀頭鼠似豚欲投還忌器纔睡
又翻盆多穴勞吾塞停燈待爾婚是中猫不
到無怪夜喧繁

評云

通篇有風刺

出關道中

時解赴遼東倍艱

帶索阻北荒剛腸愁屢絕日暮塞風高鬢鬚
盡吹折獻鹿計已非冥鴻志徒切引領睇鄉
關潛然淚成血

評云

苦情字中語極悲涼

至廣寧贈手總戎

目下才名閩外權漢家諸將更誰賢建牙吹
角東臨海掃穴犁庭北到天龍虎風雲遭此
日山河帶礪誓他年不知橫稍從容處肯念
詩人飯顆前

評云

八句句傳稱可傳

傳舍

破榻蕭然老屋中四簷山雨一窓風夜涼獨
對殘燈坐家在瀛南夢不通

憶家

乞

恩辭犴獄嚴譴赴龍沙四月邊頭冷行人正
憶家

貽余星士

臺省榮華瞥眼空邊頭邂逅李虛中不須更
說雲程事傷翻難禁九萬風

評云心無愧怍故

示黃少卿

山連蒼莽水連天老我重臨北塞邊久客忽

逢黃叔度多讒應念馬文淵戍鳴遠角昏將
且壁暈殘燈夜似年愁極便思浮海去風濤
爭阻建安船

評云三四用姓氏亦自然

陳記室乃翁壽卷

蚤傍鍾山學種瓜白頭

恩許岸烏紗臘驚莫莢纔三葉壽獻蟠桃定
幾花

聖世衣冠推此老舊都文獻更誰家嶺南有
子呈新卷草檄才高衆所誇

逆旅述懷八首

衰老羈逆旅愁抱若為開
白髮星星出丹心
歷歷灰枕涼山雨過窓暗
海雲來時禁何勞
密原非攬轡才

評云

五六

枕上聞殘雨幽窓尚未明
一雞啼遠埭雙角
起邊城衣潤塵生遍
庭卑溜積平羈人睡將
午恰限早炊成
兀坐支頤久空庭
客到稀溪雲歸尚濕
山雨住先微命拙計還拙
昨非今更非故園何處

是回首淚沾衣

秋宵官舍靜簷外雨浪浪
有夢歸綿上無詩
感岳陽燈昏低掛壁
枕冷獨歌厭明日連陰
散天風滿北荒

評云

八句俱佳

獨驚殘暑退身尚客遼東
隱几簾移日披襟
扇引風庭蕪隨晚綠
林葉未秋紅白帽何勞
著歸心付短蓬

爽氣入秋城偏傷久客情
半窓山月影一枕
塞風聲酒薄愁難遣
機危夢亦驚白頭同難

者相對話平生

驚心嚴譴地屈指早秋時海闊潮來遠城高
日上遲官厨殘鼠矢老屋富蛛絲聞道黃花
近還家或有期

評云三四

砧聲暮不休時節又驚秋老去慚蕭傳悲來
類楚囚露涼花黯淡風急樹颼颼本是歸田
客邊城可久留

自述四

細推時事暗驚心破榻通宵坐擁衾半城殘

燈風燄短數敲寒鼓雨聲沉身危未得何侯
力形悴猶存夏馥音愁絕便思浮海去滄波
不似往年深

案頭書卷午拋時兀坐空堂有所思情屈九
原諸漢黨才高千古一湘纍踈簾避燕經旬
下戍角連鳥入夜悲試問歸期何以卜青銅
黃色見雙眉

歲晚虞羅苦見侵自悲踪跡類傷禽將飛恨
少冲霄翻久繫難忘在野心智比鷓鴣棲始
穩才高鸚鵡禍尤深何時得放山林去占取

安枝作好音

海色邊聲起暮愁客程終日此淹留憐才士
少誰青眼同難人多半白頭勢已踉蹌逢晉
犬身還齧棘類齊牛而今若許歸田去直問
劉伶乞醉侯

評云結好

扇

玉塵同麾暑氣消象牀筠簟總徒勞茂弘持
障塵應遠逸少閒題僧頓高明月製來歸素
楮香風歌罷醉仙桃炎涼世態多番復巾笥

清秋亦暫齧

梁燕和張都憲韻

坐看海燕又將雛詩興撩人不可孤綠野別
來秋社近一巢時後憶東都

評云細媚不見怨
意怨乃更深

用前韻言懷

少日虛名比鳳雛老羈窮塞此身孤相逢莫
當胥靡看曾亞尚書歷 兩都

人間腐鼠嚇鷓鴣老我丹心一寸孤莫道塞
垣為客久去年飄泊在 南都

一年不弄老萊雛千里家山入夢孤
遼海東來問阜下此中元是古幽都

賦得鶴再用前韻

恥隨捥粟混凡雛獨立高松性本孤
風景殺來知也未薰絃無復奏清都

再用前韻言懷

塞邊胡馬獵胡雛遠客驚秋思益孤
爭及白頭劉夢得桃花淨盡到玄都

食瓜有感

東陵人惠此曷病頓令安香嚼清冰
片寒凝

碧玉團熟時防免擾食處恐蠅殘
莫恨葵丘戍秋來得代難

詠錢

一一皆銅臭斑斑帶土痕俗訛稱古
老字缺認開元挑杖誰還健看囊此
僅存書生輕阿堵何物入金門

蝴蝶

纒離東圃即西園風軟花香日正暄
飛過畫簷休孟浪如輪蛛網掛黃昏

評云亦以自傷

喜舍姪周詔至廣寧

侵晨聞鵲喜小阮故鄉來時事低聲說家書
忍淚開倚門親待養舉案婦期回何日蒙
恩赦高堂獻壽杯

評云痛甚所不忍聞

鑿巫閭山賦戊辰歲秋予以邊儲逮繫廣寧傳舍望鑿巫閭山

餘不獲一涉感而賦之又恨窮邊闕書考據姑憑記憶成章恐未足以盡

茲山之勝也

昔有虞之協帝表茲山以鎮幽視公侯而一
等嚴祭祀于千秋匪後世之瀆禮託乾封而

漫遊矧其自兩儀之肇分與五嶽而並峙仰
則絕頂干乎天樞俯則深根盤乎海涘圓嶠
招而可來狼胥伏而敢起草木紛披于四時
日月蔽虧其萬里左通貢于辰韓之區右接
壤于燕冀之鄙面鯨波以稽天漢背龍荒而
訖地理此則職方氏之攸司而鑿巫閭之大
指也若夫廟貌崢嶸則贍於有衆褒封稠疊
則侈于累朝建寶籙以懸金榜擊靈鼉而乳
蒲牢威靈降而聰明正直形勢聳而具巖
寧為斯人禦灾而捍患豈他山絜大而比高

夫何海桑變以靡常歲月流而易邁自漢氏
之中衰淪于夷而可慨烏桓乘莽亂以并吞
慕廆因晉衰而見背肆拓拔契丹之迭侵或
女直蒙古之相代并神州而陸沉將坤靈其
誰賴徒使山囚泣于陰厓而野燒通乎絕塞
者矣若乃高人避難以流寓貴戚釋累而分
封乘玉馬以凝睇歆白帽而慘容莫不痛皇
輿之敗績感茲山之不逢嘗追究其所自皆
用賢而弗終顧險壬之是暱致肆毒以窮凶
及河山之不守遂貽恨于無窮嗚呼何我生

之不辰老無慘而邁此欲尋幽而未遑徒反
袂以蒙恥苟吾道之將非起古人亦徒爾揖
山靈而致辭或庶幾其諒只

評云

歷叙山之奇大尊而因以悲其不
遇皆以自况不怨不激老成爾雅
律賦之體
正如賦之體

贈張都憲用和

丙寅
任作

青海年年傳虜箭邊人裹劍猶出戰將軍失

利

天子驚側席思賢坐忘勸中州廉訪跡弛才

即日

召見金鑾殿一官超次授中丞千里先聲歡
組練犬羊竊伏黑水濱

上勅中丞容自新胸中兵甲姑勿試沙磧第
可敷陽春巨酋消蠻最雄鷲首率部落來稱
臣腰闊十圍身八尺虬髯猿臂無等倫中丞
下車坐戎帳虎士干將屹相向指天諭以柔
遠恩次及

九重能將將諸酋羅拜諸部降從此煙塵息
亭障

朝家無憂邊境安功業直超頗牧上便宜十
二遂留田并築塞垣延海墾耕守之人勞
廟筭捐金募七萬五千草肥胡馬牧無計黍
熟農豚祈有年脩攘兩盡賢聲著方召遽能
專美前我今授鉞中丞後欲襲芳馨慚鄙陋
鈴閣公餘閱簿書就中忽見當時奏結盟回
紇携吐蕃坐困先零全隴右此事千年今再
逢金貂會見酬勲舊

詩云句律
老成

夜坐聞雨

夜雨響疎林羈人擁衾坐墻判薜荔侵庭恐

芭蕉破鳴雷瀑行行開階珠箇箇燈驚鬼鳥
啼落擬神龍過湮瓦聲暫微打窓點還大涌
頻勞夙興聽久廢秋臥剪燭話無由淋鈴悲
豈那閉門學餓鳶吟入招魂夢

許云苦語愁思可想見其情

蜈蚣

正彼洪荒初忽生槃瓠種殪父紇南山潛逋
出關隴事聞

帝乃喚磔死葬無塚化為不僵虫生足一何
詭託吳公見者咸駭悚噬膚痛薰心殘

饌毒流日與蔓非所論蝮蛇之其彙想當發
人時有夢誰不畏君子固谷聲也夫亦喪氣
悠悠後仰問遺人甚公謂上人新卜居地旱
多瓦礫零落殆斯虫木
施堂墮定此
朝風雨不
柱覓小
亟擇高
得清寧
騷從此無

魏都樓

王劉詩

花甲廣來三見秋重慶買琴河東頭梧桐金
井涼初到莖首金塘吾漸改都憲

兩朝誇繡谷理卿三載臥沐立從今整頓遙
疆了還擬辭局待

是旒

示廣寧吳州判

幾年吳季子身尚未龍鍾析木津頭別墅開
山下逢舊官知佐郡新業喜歸農樽酒留連

處空齋日下春

書扇贈徐正郎

今年雖并無猶自辨官通海內逢君晚天涯
念我孤顛風林鳥墮腥雨壁蝸枯安得逃名
去餘生老鑑湖

評云起語打譚可愛固自不經人道也五六雖自况至理亦只如此

積雨忽晴

山窓聽雨坐愁似天來大西風忽放晴吹得
芙蓉破

評云五言前數句絕此亦可喜較前數句絕此亦可

秋懷

閉門今雨霽一葉忽驚秋故國人稀到邊城
客久留詩窮吟更苦酒薄醒還愁回首平生
業都成海上漚

題傳舍壁示吳生

長望窮邊一鴈飛邊人煙火雨中微詩書避
難還從講田里何時可

赦歸大字斜行題傳舍清秋長夜夢慈闈十
年兩臥滄江晚豈待而今願息機

評云

懷抱可憐使
九重開之亦當與念

邊城秋夜

塞城秋夜靜涼思滿虛白踈漏風前滴遙鍾
月下撞蛩聲歎獨枕蛾影戀殘缸不是清無
寐歸心未即降

評云

歎字戀字二
謝服甚工

臥病

海國逢秋早山城臥病初身衰難強藥手勸
易拋書社燕辭巢近江鱸入饌踈何時消渴
愈還逐茂陵居

評云

結語情
思可念

秋熱二首

官舍朝來熱何曾枕簟幽青蠅多可惡碩鼠
點難投空復思班扇無勞覆鄂舟願言風雨
至一洗碧天秋

秋日臥藜牀餘蒸滿舊堂燕巢猶附熱螢扇
未知涼海氣連城暗山形出塞長白頭徒繫
此深媿漢鄒陽

張大尹載酒

明府朝騎馬城西訪故侯扣門聞剝啄載酒
慰窮愁滄海魚龍冷閭山草木秋頽然拚一
醉萬事付悠悠

螃蟹

掉臂橫行兩目瞋水鄉魚鼈是比鄰豪隨鬱
壘欺秦鬼怒搏於菟比晉人有沫噉珠還易
戒無芒輸海定難親風流吏部今顛顛左手
休誇味最珍

八月九日雨徹夜不止

欄外雨涼涼山城秋夜長孤眠無靜耳百結
有愁腸疑近薰葭岸知侵薜荔墻曉來開戶
視落葉滿階黃

評云起句後逸似唐人語後六句亦稱

書懷二首

一臥邊城晚天時人事殊長貧闌桂玉臨老
辱泥塗聲渺雲中鴈光遲海上鳥不知梁氏
獄還許上書無

評云足稱佳作後四句尤可傷

末路親知少天涯形影孤久遭尸譖慙敢恨
鬼挪揄囊在千金盡家遙一字無此心徒耿
耿何計出泥塗

苦雨

閉門連夜雨曉起尚霏霏海日光難見山雲
勢未歸生柴欺午竈爛葉擁秋扉憑仗西風
急吹教九土晞

評云八句俱好三四尤好

十一日再苦雨

歸思阻秋霖黃昏門巷深淋浪天似泣沮洳
地將沉窓下愁人耳燈前故國心今宵都滴
碎何計破頑陰

評云前不減詩

重有感

朱芾雕輪白鼻騎
黃昏輻湊五侯家
酒濃共學猩猩醉
炙美誰將鴟鴞哇

紫禁雲煙千態變
金堂簾幙萬重遮
嗟予正墮顛厓苦
空憶春風諫議茶

評云後句佳結尤渾成
誰將二字欠煨

送金遊擊還遼陽

聞君明日去老我失臨岐
蹀馬終千里傷禽未一枝
管寧為客地王剪憶家時
知異河梁別情深重有詩

陰雨彌旬中秋偶晴見月

雲鎖廣寒宮
今宵忽覩
青銅鏡我見再拜之
廓然天宇淨何當斬蛟
吟更覺清光盛

評云末句激烈
有風致

旅夜

黃昏山館裏落葉滿窓
秋燈影塵殘夢礎聲
搗舊愁潮回東海遠
斗轉北城幽萬古長如
此令人憶聖丘

邊懷八首用柳韻

層城百雉枕龍荒
東望辰韓更渺茫
白草長

東坡先生集 卷六 十四
坡沙蕩水黃茅矮屋土圍墻聞笳泣罷還收
涕彈鋏歌殘欲斷腸為問幼安三十載秋來
風雨幾思鄉

風煙遼隧接中京歷盡艱危是此行韎韞塞
邊寒燒入蓋牟城下暮潮平詩書豈料藏竒
禍軒冕從來亦強名回首凌河清可濯嗟予
久已卸塵纓

坐對鑿閭萬仞峯煙光凝紫夕陽春氊裘入
漢諸夷貢玉馬朝周貴戚封獵火原頭驚戍
犬腥風市上販胡鱸不知尼父乘桴去東海

茫茫何處容

九夷部落盡東方迢遞山形接太行漢氏以
來盟帶礪秦皇曾此壯金湯竒鷹入貢

青雲表名馬來經黑水陽不是羈人騷思少
忍看遼海即清湘

評云

不忍將遼海比
清湘怨意愈深

暮程行李困風煙誰料東溟與北邊失水魚
龍秋遁跡隱林狼虎晝垂涎山城酒薄空懸
旆野渡潮回獨繫船多謝公孫虛館待
清時爭比建安年

評云

不減柳詩
結句似弱

相逢何必歎迷津北塞南關久駐親山館獨
經尋舊主市酤聊醉笑旁人路多坎坷還臨
水鬼正擲揄莫問神却怪居夷與浮海當時
幾誤百年身

老悲生計轉蕭然况復身羈北海邊流火看
來秋又暮殘更數盡夜如年鯨鯢曉浴波間
山鴻鴈寒經塞外天猶賴近城風景好數行
衰柳帶疎煙

評云

柳新聯亦

出門無路欲何之掩袂空勞更泣岐老屋地
早生鼠婦古墻山近見蛇師風煙慘淡將終
歲天日清明定幾時家在甘陵歸未得每逢
南鴈一相思

感寓

莫向燈前歎白頭報恩三尺有吳鉤暫縲公
冶終宜倩久繫鍾儀可是囚初日欲明人共
仰浮雲如散我何愁高秋倘入榆關去萬里
煙波一釣舟

評云

結語倔強放
逸聊以自慰

寄贈甯州判

馬足紅塵遠人間白髮長歸田今渤海佐郡
舊樓桑社酒寒仍綠籬花晚更香獨憐翁有
子豸觸與鷹揚

評云

此當是甯都憲果之父

折枝黃紉二菊插山瓶花久不衰

瓶菊從秋看入冬一枝清勁一枝濃黃金瞿
叟初禪相紺玉真妃半醉容冷艷未衰滄獨
苦暗香將盡嗅還慵故園此日東籬下左手
持螯憶舊踪

劉都憲病瘥健行數步和其韻

臥治名猶徹漢宮況今平步坦途中籌邊身
健還如舊退食心閒每自公赤舄躡階光錯
落繡裳鳴珮響玲瓏佇看扶
日青霄上藥餌於人信有功

和栢山壽日獲鷹

未放金籠鴿先歌紫塞鷹化鳩從笑拙攫兔
自誇曾擬就高人養何勞使者徵老來風骨
瘦知共鶴稜層

折枝紙梅

二絕

鑿問山下凍僵柳誰折連仙花插瓶待我洗
明雙老眼小窓細讀相梅經

評云頗極老拙

故園一與梅花別雪擁村橋月暗溪今日山
窓忽相見不知身已客遼西

評云亦自在可喜

雪中飲酒

曉來寒透紙窓風一夜梨雲入夢中門外雪
深山盡白壚頭酒暖火初紅便乾鴟盞愁何
在更著漁蓑句亦工毋怪土人相慰說遼西

雲物勝遼東

讀史有感

短日纔消一卷書春陵創業百年餘無端孤
鼠依城社千載令人憶本初

客夜

酒醒欹枕對殘缸愁陣通宵戰未降一杆曙
鐘來野寺半規寒月墮山窓身羈遼海終思
漢家住襄陽本姓龐老去鉄龍無力舞紅光
空射斗邊雙

評云調格甚高後四句尤好每逢險韻句輒奇

和毛總戎韻

陽春高調破陰寒
惠我應憐末路難
才拙報慚青玉案
愛深疑濟紫金丹
一機錦繡函初啓
滿紙龍蛇墨未乾
當日公孫寧有此
祗勞虛館暫相安

畫屏紅梅花二首

六出瑤花尚未開
紙屏先見一枝梅
驚回斗帳羅浮夢
恐是仙娥暈酒來
羅浮山下月昏黃
曾倚春風試淡粧
今夜畫屏銀燭冷
却啼紅淚濕衣裳

評云

二絕俱佳
後篇勝

代冑同年和毛總戎韻

海上風煙起暮寒
羈人顛顛去應難
政愁秦蜀鳥頭白
敢羨揚州鶴頂丹
旅舍雪殘衾色冷
邊庭風靜柝聲乾
茲行不遇詩書帥
一榻誰容管幼安

評云

三四切題
冑公揚州人也
結亦衝口自然
此詩勝公自和

和毛總戎遊鑿間山亭之作

嚴公多暇此中遊
亭上風光豁壯眸
四座酒香人語淡
一簾花影鳥聲柔
歌殘天外雲垂

幕飲散巖前月墜鉤却喜塞塵春晚靜吟鞭
歸去路悠悠

紫陌看花百拂埃是誰直上此亭臺日長松
檜風濤靜雨過溪山罨畫開道士叱羊成石
起元戎騎馬出郊來暮驢莫報青樽盡不醉

不擬回

評云二律俱佳

鹿徵佳隴

騎鹿仙人去千年鹿尚留伏臺還濯濯食野
更叨幼林出疑巴放山深訝舜遊此翁真曠

達一見卜瑕丘

度索遺祥

花好來南紀根深種秣陵蒸霞光葉葉和露
濕層層偷苦朔兒久降聞西母曾主人應愛
此避世長雲仍

燕乳新堂

堂近北山開堂開雙燕來定巢經里社遺卵
應郊襟巷與烏衣接庭唯玉樹栽所祈多子
姓一一謝家才

湘筠復秀

宿麥連雲熟脩篁冒雨抽會看高過祖還擬
富如侯老瓦傾銀醉行厨洗玉留杜陵三逕
裡何必問羊求

送劉儀章省其季父都憲還濟南

塞下阿咸歸春寒襲客衣平蕪青尚短別酒
綠初肥圖學陳家獻棋從謝野園行臺書可
寄莫到故園稀

評云起句
好

別劉都憲

旅館經春特地寒遼西猶自繫南冠感君誼

畫公孫度愧我才非管幼安傷翼暫忘林木
曲窮鱗終賴海波寬前途夷險都休問回首

聞山別去難

評云懷抱
可念

五月二十四日下通州

遼海歸來兩鬢秋蕭蕭羸馬折津頭不嫌席
帽黃塵滿惟愧巾車紫氣浮投筆更無三策
獻看囊可有一錢留到家合種瓜為業又恐
人疑是故侯

後歸田十首

海上還家如獲更生再涉
西園風景如昨喜而賦此

信乎人不如藥不
知啖蔗之其也

莎逶迤接草亭落花飛絮晝冥冥飲酣常
恐密未散睡美却喚童喚醒竹影日臨移席
坐松聲風過隔簾聽豈知梁燕街泥入洗却
南華一卷經

評云起語俊麗三四眼
前事却好後亦稱

莫笑歸來白髮新西園載酒倍精神迎眸醉
認花為妓濺齒酸驚杏有仁一賤一貧從世
態無榮無辱是閒身竹間次第開三徑何必
羊求作近隣

高岸綸巾袒葛衫林間風致隔塵凡落花不
掃童奴懶新笋頻燒老子饒學為家貧珍敝
帚書從官罷絕空函陶然一醉還高枕休咎
從人問季咸

水北三間舊草堂客來終日此徜徉芭蕉葉
大題詩遍蒼筍花開撲酒香朔雪未愁東郭
冷干風先愛北窓涼羊裘脫却煙波闊莫道
漁翁只姓莊

案積陳編壁掛琴也知城市即山林酒隨客
量盃多酌詩怕人傳却苦吟偶爾笑談非有

東坡詩集 卷六 四二
約從來富貴本無心相逢莫訝貧如洗兩字
平安直萬金

評云信世

老法登高少上樓庭花林葉自春秋喜知報
信慳風鵲拙不能巢笑雨鳩吟社有時還作
長醉鄉何日可封侯狂來故態公然在大字
如拳錄遠遊

歸來雙鬢白鬢髮風月西軒尚可談舊社訪
人存者半初筵觴客至十三機心已息鷗應
下時節無何鴈又南分付寒花漁記收醉眠
籬下我猶堪

秋風溪上一茅茨老我歸來養拙時六十日
醉如可得三千年壽亦何為無巾更墊人前
角有笏曾支客裏贖達矢淵明今不見倚窓
為和結廬詩

小橋南畔小亭東秋入西園野望通載酒共
談無惡客題詩一笑有衰翁雨中甘菊垂花
白霜後安榴壓樹紅留取甕醅緘過臘春來
二十四番風

歲晚田園未盡蕪角巾偏爾稱霜顛一尊酒

盡誰知已萬卷書存祗故吾字不向空書吐
吐歌寧乘醉作嗚嗚倦來熟寐西窓下却喜
槐安夢亦無

評云五六微露恣意

寄鈞陽馬少師

寵重

先朝六十年温公經濟潞公權貞心直射

金滕外

顧命曾承

玉几前纔擬獸樽開綠野又

驚蠅壁點藍田浮雲不散陽光斂誰駕颺輪

上

九天

評云

讀此詩却想鈞陽風度不覺愴然

對菊

老去悲秋秋已深寒花霜綴萬黃金不辭醉
作陶公態祗恐殮傷楚客心手撚一枝還獨
臭口占七字更微吟西風莫漫吹予帽潦倒
東籬思不禁

寄贈楊太守調真定

黃堂太守舊烏臺此日更賢自

上裁父老共嗟何武去兒童曾逐細侯來鎮
州行部施新政瀛海題名屬雋才老我閉門
秋色裏賀章絨罷又還開

烏臺獎勸卷

臨清狄指揮曹
殺賊有功

曾挽南山射虎弓姓名兩度徹臺中武襄不
媿梁公裔淮蔡惟堆李祐功五夜敵驚狼鬣
暗百年詩美兔宜雄而今

拊髀方求士况復高林藻鑑公

和周耆老韻

幾人瀕死得生全海上歸來亦偶然地辟旋

開三竹逕家貧猶種一瓜田共拚黃犬悲公
子獨幸金雞赦謫仙今日此身方屬我不妨
高枕北窓眠

悼才女粟

儒書讀罷讀兵書膽氣雖豪將畧疎授鉞幾
人知呂社仆旗無地墓陳餘當時抵掌談何
易此日招魂事可歔獨倚寒林成悵望北風
吹面益愁予

評云

才司空磊落奇偉愛談符
畧然少跡此詩殆若傳神

新春試筆

塵世浮華夢一柯，禍羅纔出臥煙蘿。窮猿得木遂思痛，跛鼈逢橋更敢過。屈指舊遊都有幾，驚心來日若無多。也知珍重山公啓，叔夜平生柰懶何。

送三原王太宰致政

八旬年紀四朝臣，勲業班中有幾人。勁節一身都是鐵，高名千古不生塵。是非此去何勞問，寵辱由來認得真。賴有華山千仞在，與公元是舊比鄰。

四皓圖

胡亥扶蘇事已乖，咸陽猶自有殘灰。如何不鑒亡秦者，直待商山四皓來。

評云

可作史斷

畫圖小景四絕為韓宗器題

石上題詩

石上蒼苔掃盡時，桃花洞口日遲遲。美人悵望不歸去，消得先生一首詩。

鴻鴈

南來北去自春秋，身世飄飄不繫舟。愧我平生太相似，老年猶有稻梁謀。

村景

遠山日落近山雲偶入城闌便返村戴笠支
藤天又晚正勞妻子候柴門

美人新粧

薰風樓閣垂楊晚十里荷花照水紅報道美
人新浴罷銖衣斜倚曲闌東

評云第一首第四首綽有古意

馬東田漫稿卷之六終

刻詩成告墓文

維嘉靖十七年歲次戊戌十二月庚子朔
越十九日戊午不肖孤兒師言速諸凡暨
諸姪諸甥婚同詣我

先考資善大夫左都御史東田府君墓下陳
蔬酌醴泣血以告曰吾

父之歿忽忽廿七載矣岳鄂心迹雖久矣昭
雪於日星而昌黎遺文尚依然斷爛於箱
篋虫鼠噬殘落蠹可掬急為補葺十去五
六恐太史終滯於周南玄文竟腐於甕覆

是陶舒懶惰以無匹桓禘不辨於麥菽典
刑既顛世澤莫續兒雖視息於寰區實乃
門宗之棄物錄續聞見豈敢效邵氏之高
風書積不讀念司馬公之訓亦多慚蹙矣
興言及此萬死莫贖然而囊無餘貲家非
世族終無藉以鳩工徒興哀於汗竹忽今
年之季夏得好音於空谷蓋澶淵文太守
思敬盛情高誼欲故舊之不遺亦念乃
翁少司馬老叔莫逆我 公曾敦好於骨
肉遣行李於一价述顛末於尺牘謂玉函

篋入可以辦楮墨之資數邑民人可以備
匠氏之俶兒忽得此形神僕僕若醉而醒
若凍而燠急携家集以而邁不覺涕淚之
淋漓也至則果不食於前言乃竟成功於
梓木有精點畫有美卷軸載以來歸置之
家塾行將刊布九有衍先德於渺漫亦且
課業諸孫藉良弓於鞠育撫手澤之猶存
裂肝膂之如劓凡今之人惟勢是逐涼薄
則相望背馳炎煇則爭為媚熟自吾
父之僊去愴門楣之羞縮門生故史輒同

行路之悠悠里閤交游固宜視兒於碌碌也茲乃視蒙未泱於數旬盛典先及於三
服上以成尊翁數千里義要之心下以
慰吾翁三十年未瞑之目志養於錫類
思敬顯揚已重於桑榆德施於不報孤兒
哀慕空增於莪蓼即斯舉以要諸平生固
知其非期會簿書今之所謂良牧矣
英靈在天其鑒此哀祝乎尚饗



東田漫稿跋

東田之詩以寄志也筆山之刻是詩以廣
孝也觀東田之志君子可以知所擇矣觀
筆山之意可以覘其所與歸矣是故匪得
其詩則東田之志無以見得其詩而不錄
諸梓則無以傳而可久筆山其有功於東
田乎嗚呼豈無所見而阿私所好歟乃若
東田之蘊與其吟咏之雅勲業之茂則沙
溪端溪暨筆山三老先生之序備矣學也
又復何言時

嘉靖戊戌重陽日開州署學正事舉人餘
姚許來學謹跋

東田漫稿後序

家君同年進士友東田馬公以文章氣
節負海內重名三畏家食時每讀公詩
文輒加敬賞焉蓋心師追式者有年矣
厥嗣監生師言近持公遺稿七卷及我
凌川兄書委三畏校正鋟梓以永厥傳
向之心師者於是為有終公為當代名
臣功業塞乎天地豈俟區區文字而後
顯邪而公之子克盡繼述矣公之家教
其愈彰哉昔公以正氣不容於時家居



蕭然老父每資薪水以篤友道蓋意氣之孚寔感於德學之同焉耳

毅廟時老父總制宣大為逆瑾所擠進退維谷偶公以致仕少司空膺

命起撫大同老父始克浩歸其契厚之誼相結於平昔故援濟之美兼成於忠愛詩云神之聽之終和且平信不誣也則夫世講之雅愚輩獨不當克篤也邪是役也義不可得而辭者也竊憶老父行年且九十家兄守深轉蔚三畏自渾源承

乏于茲皆數閱歲遠離膝下上舍君能不忘親如此而愚兄弟則從事

國事彩歡久曠其賢不肖之相去何如也家國之念於是重有所感矣若夫公之世行沙溪端溪二公序之詳矣三畏復何言聊述刊書之意以紀歲月云

嘉靖戊戌菊月之吉奉訓大夫知開州事年家晚生筆山文三畏拜識

